

— ऋग्वेद-संहिता । मण्डलं ९ —

- 9.001.01a स्वादि॑ष्ठया॒ मदि॑ष्ठया॒ पव॑स्व सोम॒ धार॑या ।
- 9.001.01c इन्द्रा॑य पा॒तवे॑ सु॒तः ॥
- 9.001.02a रत्तो॑हा वि॒श्वच॑र्षा॒णिर॑भि यो॒निम॑यो॒हत॑म् ।
- 9.001.02c द्रु॒णा स॒धस्थ॑मासदत् ॥
- 9.001.03a वरि॑वोधा॒तमो॑ भव॒ मं॒हि॒ष्ठो वृ॒त्रह॑न्तमः ।
- 9.001.03c पर्षि॑ रा॒धो म॒घोना॑म् ॥
- 9.001.04a अ॒भ्यर्ष॑ म॒हानां॑ दे॒वानां॑ वी॒तिम॑न्धसा ।
- 9.001.04c अ॒भि वा॒जमु॑त श्रवः ॥
- 9.001.05a त्वा॒मच्छा॑ च॒राम॑सि॒ तदि॑दर्थं दि॒वेदि॑वे ।
- 9.001.05c इन्द्रो॑ त्वे न आ॒शसः॑ ॥
- 9.001.06a पु॒नाति॑ ते परि॒स्रु॒तं सो॒मं सू॒र्यस्य॑ दु॒हिता॑ ।
- 9.001.06c वा॒रेण॑ श॒श्वता॑ तना ॥
- 9.001.07a तमी॑म॒गवीः॑ स॒मर्य॑ आ गृ॒भ्णन्ति॑ योष॒णो द॑श ।
- 9.001.07c स्व॒सारः॑ पा॒र्ये दि॑वि ॥
- 9.001.08a तमी॑ हि॒न्वन्त्य॑गु॒वो ध॑मन्ति॒ बा॒कुरं॑ दृ॒तिम् ।
- 9.001.08c त्रि॒धातु॑ वा॒रणं॑ म॒धु ॥

- 9.001.09a अ॒भी॒३म॒म॒घ्न्या॑ उ॒त श्री॑णन्ति॒ धे॒नवः॑ शि॒शुम् ।
- 9.001.09c सो॒ममि॑न्द्राय॒ पा॒तवे॑ ॥
- 9.001.10a अ॒स्येदि॑न्द्रो॒ म॒दे॒ष्वा वि॒श्वा वृ॑त्राणि॒ जिघ्न॑ते ।
- 9.001.10c शू॒रो म॒घा च॑ म॒ंहते॑ ॥
- 9.002.01a प॒वस्व॑ दे॒ववी॑रति॒ प॒वित्रं॑ सो॒म रं॒ह्या ।
- 9.002.01c इ॒न्द्रमि॑न्द्रो॒ वृषा॑ वि॒श ॥
- 9.002.02a आ व॑च्यस्व॒ म॒हि प्स॑रो॒ वृषे॑न्दो॒ द्यु॒म्वत्त॑मः ।
- 9.002.02c आ यो॑निं॒ धर्णा॑सिः॒ सदः॑ ॥
- 9.002.03a अ॒धु॒क्षत॑ प्रि॒यं म॒धु धा॑रा॒ सु॒तस्य॑ वे॒धसः॑ ।
- 9.002.03c अ॒पो व॑सिष्ट॒ सु॒क्रतुः॑ ॥
- 9.002.04a म॒हान्तं॑ त्वा॒ म॒हीर॑न्वापो॒ अ॒र्षन्ति॑ सि॒न्धवः॑ ।
- 9.002.04c य॒द्गोभि॑र्वासि॒ष्यसे॑ ॥
- 9.002.05a स॒मुद्रो॑ अ॒प्सु मा॑मृजे॒ विष्ट॑म्भो॒ धरु॑णो॒ दि॒वः ।
- 9.002.05c सो॒मः प॑वित्रे॒ अ॒स्मयुः॑ ॥
- 9.002.06a अ॒चि॒क्रद॑दृ॒षा ह॑रि॒र्महा॑न्मि॒त्रो न द॑र्शतः ।
- 9.002.06c सं सूर्ये॑ण॒ रो॒चते॑ ॥
- 9.002.07a गि॒रस्त॑ इ॒न्द्र ओ॑जसा॒ म॒र्मृ॒ज्यन्ते॑ अ॒पस्यु॑वः ।

- 9.002.07c याभिर्म॑दाय॒ शु॒म्भ॑से ॥
- 9.002.08a तं॒ त्वा॒ म॒दाय॒ घृ॒ष्वय॑ उ॒ लोक॑कृ॒त्तुमी॑महे ।
- 9.002.08c तव॒ प्र॒शस्त॑यो॒ महीः॑ ॥
- 9.002.09a अ॒स्मभ्य॑मि॒न्दवि॒न्द्रयु॑र्म॒ध्वः॑ पव॒स्व धा॑रया ।
- 9.002.09c पर्ज॑न्यो॒ वृ॒ष्टिमाँ॑ इव ॥
- 9.002.10a गो॒षा इ॒न्दो नृ॒षा अ॒स्यश्व॑सा॒ वाज॑सा॒ उत॑ ।
- 9.002.10c आ॒त्मा य॒ज्ञस्य॑ पू॒र्व्यः॑ ॥
- 9.003.01a ए॒ष दे॒वो अ॒मर्त्यः॑ प॒र्णवी॑रिव॒ दी॒यति॑ ।
- 9.003.01c अ॒भि द्रो॑णान्या॒सद॑म् ॥
- 9.003.02a ए॒ष दे॒वो वि॒पा कृ॒तोऽति॑ ह॒रांसि॑ धावति ।
- 9.003.02c पव॑मानो॒ अ॒दाभ्यः॑ ॥
- 9.003.03a ए॒ष दे॒वो वि॒पन्यु॑भिः॒ पव॑मान॒ ऋ॒तायु॑भिः ।
- 9.003.03c ह॒रिर्वा॑जाय॒ मृ॒ज्यते॑ ॥
- 9.003.04a ए॒ष वि॒श्वानि॑ वा॒र्या शू॒रो य॒न्निव॑ स॒त्वभिः॑ ।
- 9.003.04c पव॑मानः॒ सि॒षास॑ति ॥
- 9.003.05a ए॒ष दे॒वो रथ॑र्यति॒ पव॑मानो॒ द॒शस्य॑ति ।
- 9.003.05c आ॒विष्कृ॑णोति॒ व॒ग्वनु॑म् ॥

- 9.003.06a ए॒ष वि॒प्रैर॑भि॒ष्टुतो॑ऽपो दे॒वो वि॒ गा॑हते ।
- 9.003.06c द॒धद्र॑त्नानि दा॒शुषे॑ ॥
- 9.003.07a ए॒ष दि॒वं वि॒ धा॑वति ति॒रो र॒जांसि॑ धार॒या ।
- 9.003.07c प॒वमा॑नः क॒निक्र॑दत् ॥
- 9.003.08a ए॒ष दि॒वं व्या॑सर॒त्तिरो॑ र॒जांस्य॑स्पृ॒तः ।
- 9.003.08c प॒वमा॑नः स्व॒ध्वरः॑ ॥
- 9.003.09a ए॒ष प्र॒त्नेन॑ जन्म॒ना दे॒वो दे॒वेभ्यः॑ सु॒तः ।
- 9.003.09c ह॒रिः प॒वित्रे॑ अ॒र्षति॑ ॥
- 9.003.10a ए॒ष उ॒ स्य॑ पु॒रुव्र॑तो ज॒ज्ञानो॑ जन॒यन्नि॑षः ।
- 9.003.10c धा॒रया॑ प॒वते॑ सु॒तः ॥
- 9.004.01a स॒ना च॑ सोम॒ जेषि॑ च॒ पव॑मान॒ महि॑ श्र॒वः ।
- 9.004.01c अ॒था नो॑ व॒स्यस॑स्कृ॒धि ॥
- 9.004.02a स॒ना ज्यो॑तिः स॒ना स्व॑र्वि॒श्वा च॑ सोम॒ सौभ॑गा ।
- 9.004.02c अ॒था नो॑ व॒स्यस॑स्कृ॒धि ॥
- 9.004.03a स॒ना द॑क्ष॒मुत॑ क्र॒तुम॑प॒ सोम॑ मृ॒धो ज॑हि ।
- 9.004.03c अ॒था नो॑ व॒स्यस॑स्कृ॒धि ॥
- 9.004.04a प॒वीता॑रः पु॒नीत॑न॒ सोम॑मिन्द्रा॒य पा॑त॒वे ।

- 9.004.04c अथा॑ नो॒ वस्य॑सस्कृ॒धि ॥
- 9.004.05a त्वं॑ सू॒र्ये॑ न॒ आ भ॑ज॒ तव॑ कृ॒त्वा तवो॑तिभिः ।
- 9.004.05c अथा॑ नो॒ वस्य॑सस्कृ॒धि ॥
- 9.004.06a तव॑ कृ॒त्वा तवो॑तिभिर्ज्यो॒र्वप॑श्ये॒म सू॒र्यम् ।
- 9.004.06c अथा॑ नो॒ वस्य॑सस्कृ॒धि ॥
- 9.004.07a अ॒भ्यर्ष॑ स्वा॒युध॑ सो॒म द्वि॒बर्ह॑सं॒ रयि॑म् ।
- 9.004.07c अथा॑ नो॒ वस्य॑सस्कृ॒धि ॥
- 9.004.08a अ॒भ्यर्षा॑नप॒च्युतो॑ रयिं॒ सम॑त्सु॒ सास॑हिः ।
- 9.004.08c अथा॑ नो॒ वस्य॑सस्कृ॒धि ॥
- 9.004.09a त्वां॑ यज्ञै॒रवी॑वृ॒धन्प॑वमान॒ विध॑र्मणि ।
- 9.004.09c अथा॑ नो॒ वस्य॑सस्कृ॒धि ॥
- 9.004.10a रयिं॑ नश्चि॒त्रम॑श्चि॒नमि॑न्दो॒ विश्वा॑यु॒मा भर॑ ।
- 9.004.10c अथा॑ नो॒ वस्य॑सस्कृ॒धि ॥
- 9.005.01a समि॑द्धो॒ विश्व॑त॒स्पतिः॑ प॒वमानो॑ वि॒ राज॑ति ।
- 9.005.01c प्री॑णन्वृ॒षा क॑निक॒दत् ॥
- 9.005.02a तनू॑नपा॒त्पव॑मानः शृ॒ङ्गे शि॑शानो॒ अर्ष॑ति ।
- 9.005.02c अ॒न्तरि॑क्षेण॒ रार॑जत् ॥

- 9.005.03a ई॒ळ्ने॒न्यः॑ प॒व॒मा॒नो॑ र॒थि॒र्वि॑ रा॒ज॒ति॑ द्यु॒मा॒न् ।
- 9.005.03c म॒घो॒र्धा॒रा॑भि॒रो॒ज॒सा ॥
- 9.005.04a ब॒र्हिः॑ प्रा॒ची॒न॒मो॒ज॒सा॑ प॒व॒मा॒न॑ स्तृ॒ण॒न्हरिः॑ ।
- 9.005.04c दे॒वेषु॑ दे॒व ई॒य॒ते ॥
- 9.005.05a उ॒दा॒तै॑र्जि॒हते॑ बृ॒हद्द्वारो॑ दे॒वी॒र्हि॒र॒ण्ययीः॑ ।
- 9.005.05c प॒व॒मा॒ने॒न॑ सु॒ष्टु॒ताः ॥
- 9.005.06a सु॒शि॒ल्पे॑ बृ॒हती॑ म॒ही प॒व॒मा॒नो॑ वृ॒ष॒ण्यति॑ ।
- 9.005.06c न॒क्तो॒षा॒सा॒ न द॑र्शति ॥
- 9.005.07a उ॒भा दे॒वा नृ॒च॒क्ष॒सा॑ हो॒ता॒रा॒ दै॒व्या॑ हु॒वे ।
- 9.005.07c प॒व॒मा॒न॑ इ॒न्द्रो॑ वृ॒षा ॥
- 9.005.08a भा॒रती॑ प॒व॒मा॒न॒स्य॑ सर॒स्वती॑ळा॒ म॒ही ।
- 9.005.08c इ॒मं नो॑ य॒ज्ञ॒मा ग॑म॒न्ति॒स्रो दे॒वीः सु॒पे॒श॒सः ॥
- 9.005.09a त्व॒ष्टार॑म॒ग्र॒जां गो॒पां पु॒रो॒या॒वा॒न॒मा हु॒वे ।
- 9.005.09c इ॒न्दु॒रि॒न्द्रो॑ वृ॒षा ह॒रिः॑ प॒व॒मा॒नः॑ प्र॒जा॒प॒तिः ॥
- 9.005.10a व॒न॒स्प॒तिं॑ प॒व॒मा॒न॑ म॒ध्वा॒ सम॑ङ्गि॒ग्ध॒ धा॒र॒या ।
- 9.005.10c स॒ह॒स्र॑व॒ल्शं॑ ह॒रि॒तं॑ भ्रा॒ज॒मा॒नं॑ हि॒र॒ण्य॑य॒म् ॥
- 9.005.11a वि॒श्वे॑ दे॒वाः स्वा॒हा॒कृ॒तिं॑ प॒व॒मा॒न॒स्या॑ ग॒त ।
- 9.005.11c वा॒यु॒र्बृ॒ह॒स्प॒तिः॑ सू॒र्यो॑ऽग्नि॒रि॒न्द्रः॑ स॒जो॒ष॒सः ॥

- 9.006.01a म॒न्द्रया॑ सोम॑ धार॒या वृ॒षा पव॑स्व दे॒वयुः॑ ।
- 9.006.01c अ॒व्यो वा॑रेष्व॒स्मयुः॑ ॥
- 9.006.02a अ॒भि त्यं॑ म॒घं म॒दमि॑न्द्रवि॒न्द्र इति॑ क्षर ।
- 9.006.02c अ॒भि वा॒जिनो॑ अ॒र्वतः॑ ॥
- 9.006.03a अ॒भि त्यं॑ पू॒र्व्यं म॒दं सु॒वानो॑ अ॒र्ष प॒वित्र॑ आ ।
- 9.006.03c अ॒भि वा॒जमु॑त श्रवः ॥
- 9.006.04a अ॒नु द्र॒प्सास॑ इ॒न्द्रव॑ आपो॒ न प्र॑वतासरन् ।
- 9.006.04c पु॒नाना॑ इ॒न्द्रमा॑शत ॥
- 9.006.05a यम॑त्यमि॒व वा॒जिनं॑ मृ॒जन्ति॑ योष॒णो द॑श ।
- 9.006.05c वने॑ क्री॒ळन्त॑मत्यवि॒म् ॥
- 9.006.06a तं गो॑भिर्वृष॒णं र॑सं म॒दाय॑ दे॒ववी॑तये ।
- 9.006.06c सु॒तं भ॑राय॒ सं सृ॑ज ॥
- 9.006.07a दे॒वो दे॒वाय॑ धा॒रये॑न्द्राय॒ पव॑ते सु॒तः ।
- 9.006.07c पयो॑ यद॒स्य पी॑पयत् ॥
- 9.006.08a आ॒त्मा य॑ज्ञस्य॒ रंहा॑ सु॒ष्वाणः॑ पव॑ते सु॒तः ।
- 9.006.08c प्र॒त्नं नि॑ पाति॒ काव्य॑म् ॥
- 9.006.09a ए॒वा पु॒नान॑ इ॒न्द्रयु॑र्म॒दं म॑दिष्ठ॒ वी॒तये॑ ।

- 9.006.09c गुहा॑ चिदधि॑षे गिरः॑ ॥
- 9.007.01a असृ॑ग्रमिन्द॑वः पथा॑ धर्म॑न्नृतस्य॑ सुश्रि॑यः ।
- 9.007.01c वि॒दाना॑ अस्य॑ योजन॑म् ॥
- 9.007.02a प्र धा॑रा मध्वो॑ अग्रि॑यो मही॑रपो वि गा॑हते ।
- 9.007.02c ह॒विर्ह॑विष्णु॑ वन्द्यः॑ ॥
- 9.007.03a प्र यु॑जो वा॒चो अ॑ग्रि॒यो वृषा॑व चक्र॑दद्वने॑ ।
- 9.007.03c सद्भा॑भि स॒त्यो अध्व॑रः ॥
- 9.007.04a परि॑ यत्का॒व्या क॑विर्नृ॒म्णा वसानो॑ अर्ष॑ति ।
- 9.007.04c स्व॑र्वाजी॒ सिषा॑सति ॥
- 9.007.05a पव॑मानो॒ अभि॑ स्पृ॒धो विशो॑ राजे॒व सीद॑ति ।
- 9.007.05c यदी॑मृ॒गवन्ति॑ वेध॑सः ॥
- 9.007.06a अव्यो॑ वारे॒ परि॑ प्रि॒यो हरि॑र्वि॒षु सीद॑ति ।
- 9.007.06c रेभो॑ वनु॒ष्यते॑ मती ॥
- 9.007.07a स वा॒युमिन्द्र॑मश्वि॒ना साकं॑ मदे॒न गच्छ॑ति ।
- 9.007.07c रणा॑ यो अस्य॑ धर्म॑भिः ॥
- 9.007.08a आ मि॒त्रावरु॑णा भ॒गं मध्वः॑ पवन्त॑ ऊ॒र्मयः॑ ।
- 9.007.08c वि॒दाना॑ अस्य॑ शक्म॑भिः ॥

9.007.09a अ॒स्मभ्यं॑ रो॒दसी॑ र॒यिं म॒ध्वो वा॒जस्य॑ सा॒तये॑ ।

9.007.09c श्र॒वो व॒सूनि॑ सं जि॒तम् ॥

9.008.01a ए॒ते सो॒मा अ॒भि प्रि॒यमिन्द्र॑स्य॒ काम॑म॒क्षरन् ।

9.008.01c वर्ध॑न्तो अ॒स्य वी॒र्यम् ॥

9.008.02a पु॒नाना॑सश्च॒मूष॑दो ग॒च्छन्तो॑ वा॒युम॑श्चि॒ना ।

9.008.02c ते नो॑ धान्तु सु॒वीर्य॑म् ॥

9.008.03a इन्द्र॑स्य सो॒म रा॒धसे॑ पु॒नानो॑ हा॒र्दि चो॑दय ।

9.008.03c ऋ॒तस्य॑ यो॒निमा॑स॒दम् ॥

9.008.04a मृ॒जन्ति॑ त्वा द॒श क्षि॑पो हि॒न्वन्ति॑ स॒प्त धी॑तयः ।

9.008.04c अनु॑ वि॒प्रा अ॒मादि॑षुः ॥

9.008.05a दे॒वेभ्य॑स्त्वा म॒दाय॑ कं सृ॒जान॑मति॒ मेष्यः॑ ।

9.008.05c सं गो॑भिर्वा॒सयाम॑सि ॥

9.008.06a पु॒नानः॑ क॒लशे॑ष्वा व॒स्त्राण्य॑रु॒षो हरिः॑ ।

9.008.06c परि॑ ग॒व्यान्व॑व्यत ॥

9.008.07a म॒घो॒न आ॑ प॒वस्व॑ नो ज॒हि वि॒श्वा अप॑ द्विषः ।

9.008.07c इन्द्रो॑ स॒खाय॑मा वि॒श ॥

9.008.08a वृ॒ष्टिं दि॒वः परि॑ स्र॒व द्यु॑मं पृथि॒व्या अ॒धि ।

- 9.008.08c सहो॑ नः॑ सोम॑ पृत्सु॑ धाः॑ ॥
- 9.008.09a नृ॒चक्ष॑सं॒ त्वा व॑यमिन्द्र॑पीतं॒ स्वर्वि॑दम् ।
- 9.008.09c भ॒क्षी॑महि॒ प्रजा॑मिषम् ॥
- 9.009.01a परि॑ प्रि॒या दि॒वः क॒विर्व॑यांसि॒ नस्यो॑र्हितः ।
- 9.009.01c सु॒वानो॑ याति॒ कविक्र॑तुः ॥
- 9.009.02a प्रप्र॑ क्षयाय॒ पन्य॑से॒ जनाय॑ जुष्टो॒ अद्रु॑हे ।
- 9.009.02c वी॒त्यर्ष॑ चनिष्ठया ॥
- 9.009.03a स॒ स॒नु॒र्मा॒तरा॑ शुचि॑र्जातो॒ जाते॑ अ॒रोच॑यत् ।
- 9.009.03c म॒हान्म॑ही ऋ॒तावृ॑धा ॥
- 9.009.04a स॒ सप्त॑ धी॒तिभि॑र्हितो॒ नद्यो॑ अ॒जिन्व॑द्द्रुहः ।
- 9.009.04c या॒ एक॑म॒क्षि वा॑वृधुः ॥
- 9.009.05a ता॒ अभि॑ स॒न्तम॑स्तृ॒तं म॒हे यु॑वान॒मा द॑धुः ।
- 9.009.05c इ॒न्दुमि॑न्द्र॒ तव॑ व्र॒ते ॥
- 9.009.06a अ॒भि वह्नि॑र॒मर्त्यः॑ सप्त॒ पश्य॑ति॒ वाव॑हिः ।
- 9.009.06c क्रि॒विर्दे॑वीर॒तर्प॑यत् ॥
- 9.009.07a अ॒वा क॑ल्पे॒षु नः॑ पु॒मस्त॑मांसि॒ सोम॑ यो॒ध्या ।
- 9.009.07c ता॒नि पु॑नान॒ जङ्घ॑नः ॥

- 9.009.08a नू॒ न॒व्य॑से॒ न॒वी॑यसे॒ सू॒क्ता॑य॒ सा॒धया॑ पथः ।
- 9.009.08c प्र॒त्न॒व॒द्रो॒च॒या॑ रुचः ॥
- 9.009.09a प॒व॒मा॒न॒ म॒हि॒ श्र॒वो॑ गाम॒श्वं॑ रा॒सि॑ वी॒र॒वत् ।
- 9.009.09c स॒ना॑ मे॒धां॑ स॒ना॑ स्वः ॥
- 9.010.01a प्र॒ स्व॒ना॒ना॒सो॑ रथा॒ इ॒वा॒र्व॒न्तो॑ न श्र॒व॒स्य॑वः ।
- 9.010.01c सो॒मा॒सो॑ रा॒ये॒ अ॒क्र॒मुः॑ ॥
- 9.010.02a हि॒न्वा॒ना॒सो॑ रथा॒ इ॒व॒ द॒ध॒न्वि॑रे ग॒भ॒स्त्योः॑ ।
- 9.010.02c भ॒रा॒सः॑ का॒रि॒णा॑मि॒व ॥
- 9.010.03a रा॒जा॒नो॑ न प्र॒श॒स्ति॑भिः सो॒मा॒सो॑ गो॒भि॒र॒ञ्ज॑ते ।
- 9.010.03c य॒ज्ञो॑ न स॒प्त॒ धा॒तृ॑भिः ॥
- 9.010.04a परि॑ सु॒वा॒ना॒स॒ इ॒न्द॒वो॑ म॒दा॒य॒ ब॒र्ह॑णा॒ गि॒रा॑ ।
- 9.010.04c सु॒ता॑ अ॒र्ष॑न्ति॒ धा॒र॒या॑ ॥
- 9.010.05a आ॒पा॒ना॒सो॑ वि॒व॒स्व॑तो॒ जन॑न्त॒ उ॒ष॒सो॑ भ॒ग॒म् ।
- 9.010.05c सू॒रा॑ अ॒ण॒वं॒ वि॑ त॒न्व॑ते ॥
- 9.010.06a अ॒प॒ द्वा॒रा॑ म॒ती॒नां॑ प्र॒त्ना॑ अ॒ण॒व॒न्ति॑ का॒र॒वः॑ ।
- 9.010.06c वृ॒ष्णो॑ ह॒र॒स॒ आ॒य॒वः॑ ॥
- 9.010.07a स॒मी॒ची॒ना॒स॒ आ॒स॑ते॒ हो॒ता॒रः॑ स॒प्त॒जा॑म॒यः॑ ।

- 9.010.07c प॒द॒मे॒क॒स्य॑ पि॒प्र॒तः॑ ॥
- 9.010.08a ना॒भा॒ ना॒भिं॑ न॒ आ॒ द॒दे॑ च॒क्षु॑श्चि॒त्सू॒र्ये॑ स॒च्चा॑ ।
- 9.010.08c क॒वे॒र॒प॒त्य॒मा॑ दु॒हे ॥
- 9.010.09a अ॒भि॒ प्रि॒या॒ दि॒व॒स्प॒द॒म॒ध्व॒र्यु॒भिर्गु॑हा॒ हि॒त॒म् ।
- 9.010.09c सू॒रः॑ प॒श्य॒ति॑ च॒क्ष॒सा॑ ॥
- 9.011.01a उ॒पा॒स्मै॑ गा॒य॒ता॒ न॒रः॑ प॒व॒मा॒ना॒ये॒न्द॒वे॑ ।
- 9.011.01c अ॒भि॒ दे॒वाँ॑ इ॒य॒क्ष॒ते॑ ॥
- 9.011.02a अ॒भि॒ ते॒ म॒धु॒ना॒ प॒योऽथ॑र्वा॒णो॑ अ॒शि॒श्रु॒युः॑ ।
- 9.011.02c दे॒वं॒ दे॒वाय॑ दे॒व॒यु॑ ॥
- 9.011.03a स॒ नः॑ प॒व॒स्व॒ शं॒ ग॒वे॒ शं॒ ज॒नाय॑ श॒म॒व॒र्ते॑ ।
- 9.011.03c शं॒ रा॒ज॒न्नो॑ष॒धी॒भ्यः॑ ॥
- 9.011.04a ब॒भ्र॒वे॒ नु॒ स्व॒त॒व॒से॑ऽरु॒णाय॑ दि॒वि॒स्पृ॒शे॑ ।
- 9.011.04c सो॒माय॑ गा॒थ॒म॒र्च॒त ॥
- 9.011.05a ह॒स्त॑च्यु॒ते॒भि॒र॒द्रि॒भिः॑ सु॒तं॒ सो॒मं॑ पु॒नी॒त॒न ।
- 9.011.05c म॒घा॒वा॒ धा॒व॒ता॒ म॒धु॑ ॥
- 9.011.06a न॒म॒से॒दु॒प॑ सी॒द॒त॒ द॒ध्ने॑द॒भि॒ श्री॑णी॒त॒न ।
- 9.011.06c इ॒न्दु॒मि॒न्द्रे॑ द॒धा॒त॒न ॥

9.011.07a अ॒मि॒त्र॒हा॒ वि॒च॒र्ष॒णिः॒ प॒व॒स्व॒ सो॒म॒ शं॒ ग॒वे॑ ।

9.011.07c दे॒वे॒भ्यो॑ अ॒नु॒का॒म॒कृ॒त् ॥

9.011.08a इ॒न्द्रा॒य॒ सो॒म॒ पा॒त॒वे॒ म॒दा॒य॒ परि॑ षि॒च्य॒से॑ ।

9.011.08c म॒न॒श्चि॒न्म॒न॒स॒स्प॒तिः॑ ॥

9.011.09a प॒व॒मा॒न॒ सु॒वी॒र्य॑ र॒यिं॑ सो॒म॒ रि॒री॒हि॒ नः॑ ।

9.011.09c इ॒न्द्र॒वि॒न्द्रे॒ण॑ नो॒ यु॒जा ॥

9.012.01a सो॒मा॑ अ॒सृ॒ग्र॒मि॒न्द॒वः॑ सु॒ता॒ ऋ॒त॒स्य॑ सा॒द॒ने॑ ।

9.012.01c इ॒न्द्रा॒य॒ म॒धु॒म॒त्त॒माः॑ ॥

9.012.02a अ॒भि॒ वि॒प्रा॑ अ॒नू॒ष॒त॒ गा॒वो॑ व॒त्सं॑ न॒ मा॒तरः॑ ।

9.012.02c इ॒न्द्रं॑ सो॒म॒स्य॑ पी॒त॒ये ॥

9.012.03a म॒द॒च्यु॒त्क्षो॑ति॒ सा॒द॒ने॒ सि॒न्धो॑रू॒र्मा॒ वि॒प॒श्चित् ।

9.012.03c सो॒मो॑ गौ॒री॒ अ॒धि॒ श्रि॒तः॑ ॥

9.012.04a दि॒वो॑ ना॒भा॒ वि॒च॒क्ष॒णो॑ऽव्यो॒ वारे॑ म॒ही॒य॒ते॑ ।

9.012.04c सो॒मो॒ यः॒ सु॒क्र॒तुः॑ क॒विः॑ ॥

9.012.05a यः॒ सो॒मः॑ क॒ल॒शे॒ष्वँ॒ अ॒न्तः॑ प॒वि॒त्र॒ आ॒हि॒तः॑ ।

9.012.05c त॒मि॒न्दुः॑ परि॒ ष॒स्व॒जे ॥

9.012.06a प्र॒ वा॒च॒मि॒न्दु॑रिष्यति॒ स॒मु॒द्र॒स्या॒धि॑ वि॒ष्ट॒पि॑ ।

- 9.012.06c जि॒न्व॒न्को॒शं॑ म॒धुश्चु॑तम् ॥
- 9.012.07a नि॒त्य॒स्तो॒त्रो॒ व॒न॒स्प॒ति॒र्धी॒ना॒म॒न्तः॑ स॒ब॒र्दु॒घः॑ ।
- 9.012.07c हि॒न्वा॒नो॒ मा॒नु॒षा॒ यु॒गा ॥
- 9.012.08a अ॒भि॒ प्रि॒या॒ दि॒व॒स्प॒दा॒ सो॒मो॑ हि॒न्वा॒नो॒ अ॒र्ष॑ति ।
- 9.012.08c वि॒प्र॒स्य॒ धा॒र॒या॒ क॒विः॑ ॥
- 9.012.09a आ॒ प॒व॒मा॒न॒ धा॒र॒य॒ र॒यिं॑ स॒ह॒स्र॑व॒र्च॒सम् ।
- 9.012.09c अ॒स्मे॒ इ॒न्दो॑ स्वा॒भु॒वम् ॥
- 9.013.01a सो॒मः॑ पु॒ना॒नो॒ अ॒र्ष॑ति स॒ह॒स्र॑धा॒रो॒ अ॒त्य॒विः॑ ।
- 9.013.01c वा॒यो॒रि॒न्द्र॒स्य॑ नि॒ष्कृ॑तम् ॥
- 9.013.02a प॒व॒मा॒न॒म॒व॒स्य॑वो॒ वि॒प्र॒म॒भि॒ प्र॒ गा॒य॒त ।
- 9.013.02c सु॒ष्वा॒णं॒ दे॒व॒वी॒त॒ये ॥
- 9.013.03a प॒व॒न्ते॒ वा॒ज॒सा॒त॒ये॒ सो॒माः॑ स॒ह॒स्र॑पा॒ज॒सः॑ ।
- 9.013.03c गृ॒णा॒ना॒ दे॒व॒वी॒त॒ये ॥
- 9.013.04a उ॒त॒ नो॒ वा॒ज॒सा॒त॒ये॒ प॒व॒स्व॑ बृ॒ह॒ती॒रि॒षः॑ ।
- 9.013.04c द्यु॒म॒दि॒न्दो॑ सु॒वी॒र्य॑म् ॥
- 9.013.05a ते॒ नः॑ स॒ह॒स्रि॑णं॒ र॒यिं॑ प॒व॒न्ता॒मा॒ सु॒वी॒र्य॑म् ।
- 9.013.05c सु॒वा॒ना॒ दे॒वा॒स॒ इ॒न्द॒वः॑ ॥

- 9.013.06a अ॒त्या॒ हि॒या॒ना॒ न॒ हे॒तु॒भि॒र॒सृ॒ग्रं॒ वा॒ज॒सा॒तये॑ ।
- 9.013.06c वि॒ वार॑म॒व्य॒मा॒श॒वः॑ ॥
- 9.013.07a वा॒श्रा अ॒र्ष॒न्ती॒न्द॒वोऽभि॑ व॒त्सं॑ न॒ धे॒नवः॑ ।
- 9.013.07c द॒ध॒न्वि॒रे ग॒भ॒स्त्योः॑ ॥
- 9.013.08a जु॒ष्ट इ॒न्द्राय॑ म॒त्सरः॑ प॒व॒मा॒न क॒निक्र॑दत् ।
- 9.013.08c वि॒श्वा अ॒प द्वि॒षो ज॑हि ॥
- 9.013.09a अ॒प॒घ्न॒न्तो अ॒रा॒व्यः॑ प॒व॒मा॒नाः स्व॑र्द॒शः॑ ।
- 9.013.09c यो॒ना॒वृ॒तस्य॑ सी॒दत॑ ॥
- 9.014.01a परि॑ प्रा॒सि॒ष्य॒दत्क॑विः॒ सि॒न्धो॒रू॒र्मा॒वधि॑ श्रि॒तः॑ ।
- 9.014.01c का॒रं वि॒भ्र॒त्पु॒रु॒स्पृ॒हम् ॥
- 9.014.02a गि॒रा य॒दी स॒ब॒न्ध॒वः प॒ञ्च व्रा॑ता॒ अ॒प॒स्य॒वः॑ ।
- 9.014.02c परि॑ष्कृ॒णव॑न्ति॒ धर्णा॑सिम् ॥
- 9.014.03a आ॒द॒स्य शु॒ष्मि॒णो र॒से वि॒श्वे॑ दे॒वा अ॒म॒त्स॒त ।
- 9.014.03c य॒दी गो॑भि॒र्वसा॑यते ॥
- 9.014.04a नि॒रि॒णानो॑ वि॒ धा॒वति॑ ज॒ह॒च्छ॒र्या॑णि॒ तान्वा॑ ।
- 9.014.04c अ॒त्रा सं॑ जि॒घ्न॒ते यु॒जा ॥
- 9.014.05a न॒ती॒भिर्यो॑ वि॒व॒स्व॒तः शु॒भ्रो न॑ मा॒मृ॒जे यु॒वा ।

- 9.014.05c गाः कृ॒णवा॒नो न॒ निर्णि॑जम् ॥
- 9.014.06a अ॒ति श्रि॑ती॒ तिर॑श्च॒ता ग॒व्या जि॑गा॒त्यग॒व्या ।
- 9.014.06c व॒श्रुमि॑य॒र्ति यं॒ वि॒दे ॥
- 9.014.07a अ॒भि क्षि॑पः॒ सम॑ग॒त म॒र्जय॑न्ती॒रिष॑स्पतिम् ।
- 9.014.07c पृ॒ष्ठा गृ॑भ॒णत॒ वाजि॑नः ॥
- 9.014.08a परि॑ दि॒व्यानि॒ मर्मृ॑श॒द्विश्व॑ानि॒ सोम॑ पा॒र्थिवा॑ ।
- 9.014.08c वसू॑नि॒ याह्य॑स्मयुः ॥
- 9.015.01a ए॒ष धि॒या या॒त्यग॒व्या शू॒रो रथे॑भिरा॒शुभिः॑ ।
- 9.015.01c ग॒च्छन्नि॑न्द्रस्य॒ निष्कृ॑तम् ॥
- 9.015.02a ए॒ष पु॒रू धि॒याय॑ते॒ बृह॑ते॒ देव॑ता॒तये॑ ।
- 9.015.02c यत्रा॑मृ॒तास॒ आस॑ते ॥
- 9.015.03a ए॒ष हि॒तो वि॒ नीय॑तेऽन्तः॒ शुभ्रा॑व॒ता प॒था ।
- 9.015.03c यदी॑ तु॒ञ्जन्ति॒ भूर्ण॑यः ॥
- 9.015.04a ए॒ष शृ॒ङ्गाणि॒ दोधु॑व॒च्छि॑शी॒ते यू॒थ्यो॑३ वृ॒षा ।
- 9.015.04c नृ॒म्णा द॑धान॒ ओज॑सा ॥
- 9.015.05a ए॒ष रु॒क्मि॑भिरी॒यते॒ वाजी॑ शु॒भ्रेभि॑रंशु॒भिः ।
- 9.015.05c पतिः॑ सि॒न्धूनां॑ भवन् ॥

9.015.06a ए॒ष व॒सू॒नि पि॒ब्द॒ना॒ परु॒षा य॒यि॒वाँ अ॒ति॒ ।

9.015.06c अ॒व शा॒दे॒षु ग॒च्छ॒ति ॥

9.015.07a ए॒तं मृ॒ज॒न्ति॒ म॒र्ज्य॒मु॒प द्रो॒णे॒ष्व॒वा॒यवः॑ ।

9.015.07c प्र॒च॒क्रा॒णं म॒ही॒रि॒षः ॥

9.015.08a ए॒त॒मु॒ त्यं द॒श॒ क्षि॒पो॑ मृ॒ज॒न्ति॒ स॒प्त धी॒तयः॑ ।

9.015.08c स्वा॒यु॒धं म॒दि॒न्त॒मम् ॥

9.016.01a प्र॒ ते॒ सो॒तार॑ अ॒ण्यो॒श् र॒सं म॒दा॒य घृ॒ष्व॒ये ।

9.016.01c स॒र्गो॑ न॒ त॒त्त॒ये॒त॒शः ॥

9.016.02a क्र॒त्वा द॒क्ष॒स्य॑ र॒थ्य॒म॒पो व॒सान॒म॒न्ध॒सा ।

9.016.02c गो॒षा॒म॒ण॒वेषु॑ स॒श्चि॒म ॥

9.016.03a अ॒न॒प्त॒म॒प्सु दु॒ष्ट॒रं सो॒मं प॒वि॒त्र आ॒ सृ॒ज ।

9.016.03c पु॒नी॒ही॒न्द्रा॒य पा॒त॒वे ॥

9.016.04a प्र॒ पु॒ना॒न॒स्य॑ चे॒त॒सा॒ सो॒मः प॒वि॒त्रे अ॒र्ष॑ति ।

9.016.04c क्र॒त्वा स॒ध॒स्थ॒मा॒स॒दत् ॥

9.016.05a प्र॒ त्वा न॒मो॒भि॒रि॒न्द्र॒व इ॒न्द्र सो॒मा अ॒सृ॒क्ष॒त ।

9.016.05c म॒हे भ॒रा॒य का॒रि॒णः ॥

9.016.06a पु॒ना॒नो रू॒पे अ॒व्य॒ये वि॒श्वा अ॒र्ष॑न्न॒भि श्रि॒यः ।

- 9.016.06c शू॒रो न गो॑षु तिष्ठति ॥
- 9.016.07a दि॒वो न सानु॑ पि॒प्युषी॑ धा॒रा सु॒तस्य॑ वे॒धसः॑ ।
- 9.016.07c वृ॒था प॑वि॒त्रे अ॑र्षति ॥
- 9.016.08a त्वं सो॑म वि॒पश्चि॑तं तना॑ पु॒नान॑ आ॒युषु॑ ।
- 9.016.08c अ॒व्यो वा॒रं वि॑ धा॒वसि॑ ॥
- 9.017.01a प्र नि॒म्नेने॑व सि॒न्धवो॑ घ्नन्तो॑ वृ॒त्राणि॑ भू॒र्णयः॑ ।
- 9.017.01c सो॒मा अ॑सृ॒ग्रमा॑शवः ॥
- 9.017.02a अ॒भि सु॑वा॒नास॑ इ॒न्दवो॑ वृ॒ष्टयः॑ पृ॒थि॒वीमि॑व ।
- 9.017.02c इ॒न्द्रं सो॑मा॒सो अ॑क्षरन् ॥
- 9.017.03a अ॒त्यूर्मि॑र्मत्सरो॒ मदः॑ सो॒मः प॑वि॒त्रे अ॑र्षति ।
- 9.017.03c वि॒घ्नन्न॑क्षांसि॒ देव॑युः ॥
- 9.017.04a आ क॒लशेषु॑ धा॒वति॑ प॒वित्रे॑ परि॒ षि॑च्यते ।
- 9.017.04c उ॒क्थैर्य॑ज्ञेषु॒ वर्ध॑ति ॥
- 9.017.05a अ॒ति त्री॑ सो॒म रो॒चना॑ रो॒हन्न॑ भ्रा॒जसे॑ दि॒वम् ।
- 9.017.05c इ॒ष्णान्सूर्य॑ न चो॒दयः॑ ॥
- 9.017.06a अ॒भि वि॑प्रा॒ अनू॑षत॒ मूर्ध॑न्य॒ज्ञस्य॑ का॒रवः॑ ।
- 9.017.06c द॒धाना॑श्च॒क्षांसि॑ प्रि॒यम् ॥

9.017.07a तमु॑ त्वा॒ वाजिनं॑ नरो॒ धीभिर्विप्रा॑ अ॒वस्यवः॑ ।

9.017.07c मृ॒जन्ति॑ दे॒वता॑तये ॥

9.017.08a म॒धोर्धारा॑मनु॒ क्षर॑ ती॒व्रः स॒धस्थ॑मासदः ।

9.017.08c चा॒रुर्ऋ॑ताय॒ पीतये॑ ॥

9.018.01a परि॑ सु॒वानो॑ गि॒रिष्ठाः॑ प॒वित्रे॑ सोमो॒ अक्षाः॑ ।

9.018.01c म॒देषु॑ सर्व॒धा अ॒सि ॥

9.018.02a त्वं वि॒प्रस्त्वं॑ क॒विर्म॑धु॒ प्र जा॑तम॒न्धसः॑ ।

9.018.02c म॒देषु॑ सर्व॒धा अ॒सि ॥

9.018.03a तव॑ वि॒श्वे स॒जोष॑सो दे॒वासः॑ पी॒तिमा॑शत ।

9.018.03c म॒देषु॑ सर्व॒धा अ॒सि ॥

9.018.04a आ यो॑ वि॒श्वानि॑ वा॒र्या व॒सूनि॑ ह॒स्तयो॑र्दधे ।

9.018.04c म॒देषु॑ सर्व॒धा अ॒सि ॥

9.018.05a य इ॒मे रो॑दसी॒ मही॑ सं॒ मात॑रेव॒ दोह॑ते ।

9.018.05c म॒देषु॑ सर्व॒धा अ॒सि ॥

9.018.06a परि॑ यो रो॑दसी॒ उभे॑ स॒द्यो वा॒जेभि॑रर्षति ।

9.018.06c म॒देषु॑ सर्व॒धा अ॒सि ॥

9.018.07a स शु॒ष्मी॑ क॒लशे॑ष्वा पु॒नानो॑ अ॒चिक्र॑दत् ।

9.018.07c म॒देषु॑ सर्व॒धा अ॒सि ॥

9.019.01a यत्सो॑म चि॒त्रमु॑क्थ्यं दि॒व्यं पा॒र्थि॒वं व॒सु ।

9.019.01c तन्नः॑ पु॒नान॑ आ॒ भर ॥

9.019.02a यु॒वं हि॑ स्थः स्व॒र्पती॑ इन्द्रश्च सोम गो॒पती॑ ।

9.019.02c ई॒शाना॑ पि॒प्यतं॑ धि॒यः ॥

9.019.03a वृषा॑ पु॒नान॑ आ॒युषु॑ स्तन॒यन्न॑धि॒ बर्हि॑षि ।

9.019.03c हरिः॑ स॒न्यो॒नि॒मा॒सद॑त् ॥

9.019.04a अ॒वाव॑शन्त॒ धी॒तयो॑ वृष॒भस्या॑धि॒ रेत॑सि ।

9.019.04c सू॒नोर्व॑त्सस्य॒ मा॒तरः ॥

9.019.05a कु॒वि॒द्वृष॑ण्यन्ती॒भ्यः पु॒नानो॑ गर्भ॒माद॑धत् ।

9.019.05c याः शु॒क्रं दु॑हते॒ पयः॑ ॥

9.019.06a उप॑ शि॒क्षाप॑तस्थुषो॒ भि॒यस॑मा॒ धेहि॑ शत्रुषु ।

9.019.06c प॒व॒मा॒न वि॒दा र॑यिम् ॥

9.019.07a नि॑ शत्रोः॒ सोम॑ वृष्यं॒ नि शु॒ष्मं नि॑ व॒यस्ति॑र ।

9.019.07c दू॒रे वा॑ स॒तो अ॒न्ति वा॑ ॥

9.020.01a प्र॒ क॒वि॒र्दे॒ववी॑तयेऽव्यो॒ वारे॑भिरर्षति ।

- 9.020.01c साह्वान्विश्वा॑ अ॒भि॒ स्पृ॒धः ॥
- 9.020.02a स॒ हि॒ ष्मा॑ ज॒रि॒तृ॒भ्य॒ आ॒ वा॒जं॑ गो॒मन्त॑मि॒न्वति॑ ।
- 9.020.02c प॒व॒मा॒नः॑ स॒ह॒स्त्रि॒णम् ॥
- 9.020.03a प॒रि॒ वि॒श्वानि॑ चे॒तसा॑ मृ॒शसे॑ प॒वसे॑ म॒ती ।
- 9.020.03c स॒ नः॑ सो॒म श्र॒वो॑ वि॒दः ॥
- 9.020.04a अ॒भ्य॒र्ष॑ बृ॒हद्य॑शो॒ म॒घव॑द्भ्यो॒ ध्रु॒वं॑ र॒यिम् ।
- 9.020.04c इ॒षं॑ स्तो॒तृ॒भ्य॒ आ॒ भर॑ ॥
- 9.020.05a त्वं॑ रा॒जे॒व॑ सु॒व्र॒तो॑ गि॒रः॑ सो॒मा वि॑वेशिथ ।
- 9.020.05c पु॒ना॒नो॑ व॒हे॒ अ॒द्भु॒त ॥
- 9.020.06a स॒ व॒ह्नि॑र॒प्सु॒ दु॒ष्ट॒रो॑ मृ॒ज्य॑मा॒नो॒ ग॒भ॒स्त्योः॑ ।
- 9.020.06c सो॒मश्च॑मू॒षु॒ सी॒दति॑ ॥
- 9.020.07a क्री॒ळु॒र्म॒खो॑ न॒ मं॒ह॒युः॑ प॒वि॒त्रं॑ सो॒म ग॑च्छसि ।
- 9.020.07c द॒ध॒त्स॑तो॒त्रे॒ सु॒वी॒र्य॑म् ॥
- 9.021.01a ए॒ते॒ धा॒वन्ती॑न्द॒वः॑ सो॒मा इ॒न्द्रा॒य॒ घृ॒ष्वयः॑ ।
- 9.021.01c म॒त्स॒रा॒सः॑ स्व॒र्वि॒दः ॥
- 9.021.02a प्र॒वृ॒ण्वन्तो॑ अ॒भियु॑जः सु॒ष्वये॑ व॒रि॒वो॒वि॒दः ।
- 9.021.02c स्व॒यं॑ स्तो॒त्रे॒ व॒य॒स्कृ॑तः ॥

9.021.03a वृ॒था क्री॑ळ॒न्त इ॒न्द॒वः स॒ध॒स्थ॒म॒भ्ये॒क॒मि॒त् ।

9.021.03c सि॒न्धो॑रू॒र्मा व्य॑त्तरन् ॥

9.021.04a ए॒ते वि॒श्वानि॑ वा॒र्या प॑व॒माना॑स आ॒शत॑ ।

9.021.04c हि॒ता न स॑प्त॒यो रथे॑ ॥

9.021.05a आ॒स्मि॒न्पि॒शङ्ग॑मि॒न्द॒वो द॑धा॒ता वे॒नमा॑दि॒शे ।

9.021.05c यो अ॒स्मभ्य॑म॒रावा॑ ॥

9.021.06a ऋ॒भुर्न रथ्यं॑ न॒वं द॑धा॒ता के॒तमा॑दि॒शे ।

9.021.06c शु॒क्राः प॑व॒ध्वम॑र्णा॒सा ॥

9.021.07a ए॒त उ॒ त्पे अ॒वीव॑श॒न्का॑ष्ठां वा॒जिनो॑ अ॒क्रत॑ ।

9.021.07c स॒तः प्रा॑सा॒विषु॑र्म॒तिम् ॥

9.022.01a ए॒ते सो॑मा॒स आ॒श॒वो रथा॑ इ॒व प्र वा॒जिनः॑ ।

9.022.01c सर्गाः॑ सृ॒ष्टा अ॒हेष॑त ॥

9.022.02a ए॒ते वा॒ता इ॒वो॒र॒वः प॑र्ज॒न्य॒स्ये॒व वृ॒ष्टयः॑ ।

9.022.02c अ॒ग्ने॒रि॒व भ्र॑मा वृ॒था ॥

9.022.03a ए॒ते पू॒ता वि॒पश्चि॑तः सो॒मा॒सो द॑ध्या॒शिरः॑ ।

9.022.03c वि॒पा व्या॑नशु॒र्धियः॑ ॥

9.022.04a ए॒ते मृ॒ष्टा अ॒म॒र्त्याः स॒सृ॒वांसो॑ न श॒श्र॒मुः ।

- 9.022.04c इ॒य॒क्ष॒न्तः॑ प॒थो र॒जः॑ ॥
- 9.022.05a ए॒ते पृ॒ष्ठानि॑ रो॒द॒सोर्वि॑प्र॒यन्तो॑ व्य॒ान॒शुः ।
- 9.022.05c उ॒ते॒द॒मु॒त्त॒मं॑ र॒जः॑ ॥
- 9.022.06a त॒न्तुं॑ त॒न्वान॑मु॒त्त॒म॒म॒नु॒ प्र॒व॒त आ॑श॒त ।
- 9.022.06c उ॒ते॒द॒मु॒त्त॒मा॒य्य॒म् ॥
- 9.022.07a त्वं सो॒म प॒णि॒भ्य आ॑ व॒सु ग॒व्यानि॑ धा॒र॒यः ।
- 9.022.07c त॒तं त॑न्तु॒म॒चि॒क्र॒दः॑ ॥
- 9.023.01a सो॒मा अ॒सृ॒ग्र॒मा॒श॒वो म॒धो॒र्म॒द॒स्य॑ धा॒र॒या ।
- 9.023.01c अ॒भि वि॒श्वानि॑ का॒व्या ॥
- 9.023.02a अ॒नु प्र॒त्ना॑स॒ आ॒य॒वः प॒दं न॑वी॒यो अ॒क्र॒मुः ।
- 9.023.02c रु॒चे ज॑न॒न्त॒ सूर्य॑म् ॥
- 9.023.03a आ प॑व॒मान॒ नो भ॑रा॒र्यो अ॒दा॒शु॒षो ग॑य॒म् ।
- 9.023.03c कृ॒धि प्र॒जा॒व॒ती॒रि॒षः॑ ॥
- 9.023.04a अ॒भि सो॒मा॒स आ॒य॒वः प॑व॒न्ते॒ म॒द्यं॒ म॒द॒म् ।
- 9.023.04c अ॒भि को॑शं॒ म॒धु॒श्चु॒त॒म् ॥
- 9.023.05a सो॒मो अ॑र्ष॒ति ध॑र्णा॒सि॒र्द॒धान॑ इ॒न्द्रि॒यं र॑स॒म् ।
- 9.023.05c सु॒वी॒रो अ॒भि॒श॒स्ति॒पाः॑ ॥

- 9.023.06a इन्द्राय॑ सोम॑ पवसे॑ दे॒वेभ्यः॑ स॒धमाद्यः॑ ।
- 9.023.06c इन्द्रो॑ वाजं॑ सिषाससि ॥
- 9.023.07a अस्य॑ पीत्वा॑ मदानामिन्द्रो॑ वृत्राण्यप्रति॑ ।
- 9.023.07c जघान॑ जघनच्च॑ नु ॥
- 9.024.01a प्र सोमासो॑ अधन्विषुः॑ पवमानास॑ इन्द्रवः॑ ।
- 9.024.01c श्रीणाना॑ अप्सु॑ मृञ्जत ॥
- 9.024.02a अभि॑ गावो॑ अधन्विषुरापो॑ न प्रवता॑ यतीः ।
- 9.024.02c पुनाना॑ इन्द्रमाशत ॥
- 9.024.03a प्र पवमान॑ धन्वसि॑ सोमेन्द्राय॑ पातवे ।
- 9.024.03c नृभिर्यतो॑ वि नीयसे ॥
- 9.024.04a त्वं सोम॑ नृमादनः॑ पवस्व॑ चर्षणीसहे॑ ।
- 9.024.04c सस्त्रिर्यो॑ अनुमाद्यः ॥
- 9.024.05a इन्द्रो॑ यदद्रिभिः॑ सुतः॑ पवित्रं॑ परिधावसि ।
- 9.024.05c अरमिन्द्रस्य॑ धाम्ने ॥
- 9.024.06a पवस्व॑ वृत्रहन्तमोक्थेभिरनुमाद्यः॑ ।
- 9.024.06c शुचिः॑ पावको॑ अद्भुतः ॥
- 9.024.07a शुचिः॑ पावक॑ उच्यते॑ सोमः॑ सुतस्य॑ मध्वः ।

- 9.024.07c दे॒वावी॑रघ॒शंस॑हा ॥
- 9.025.01a पव॑स्व द॒क्षसा॑धनो दे॒वेभ्यः॑ पी॒तये॑ ह॒रे ।
- 9.025.01c मरु॑द्भ्यो वा॒यवे॑ म॒दः ॥
- 9.025.02a पव॑मान धि॒या हि॒तोऽभि॑ योनिं क॒निक्र॑दत् ।
- 9.025.02c धर्म॑णा वा॒युमा॑ वि॒श ॥
- 9.025.03a सं दे॒वैः शो॑भते वृषा॑ क॒विर्यो॑नावधि॒ प्रियः॑ ।
- 9.025.03c वृत्र॑हा दे॒ववी॑तमः ॥
- 9.025.04a विश्वा॑ रू॒पाण्या॑वि॒शन्पु॑नानो याति ह॒र्यतः॑ ।
- 9.025.04c यत्रा॑मृतास॒ आस॑ते ॥
- 9.025.05a अरु॑षो ज॒नय॑न्गिरः सोमः॑ पव॒त आयु॑षक् ।
- 9.025.05c इन्द्रं॑ गच्छ॒न्कवि॑क्रतुः ॥
- 9.025.06a आ पव॑स्व म॒दिन्त॑म पवि॒त्रं धा॑रया क॒वे ।
- 9.025.06c अ॒र्कस्य॑ योनि॒मास॑दम् ॥
- 9.026.01a तम॑मृ॒क्षन्त॑ वा॒जिन॑मु॒पस्थे॑ अ॒दिते॑रधि ।
- 9.026.01c वि॒प्रासो॑ अ॒णव्या॑ धि॒या ॥
- 9.026.02a तं गा॒वो अ॒भ्यनू॑षत॒ सह॑स्र॒धारम॑क्षितम् ।

- 9.026.02c इ॒न्दुं॑ ध॒र्तारि॑मा दि॒वः॑ ॥
- 9.026.03a तं वे॒धां॑ मे॒धया॑ह्य॒न्पव॑मानमधि॒ द्यवि॑ ।
- 9.026.03c ध॒र्णासिं॑ भूरि॒धाय॑सम् ॥
- 9.026.04a तम॑ह्य॒न्भुरि॑जो॒र्धिया॑ सं॒वसानं॑ वि॒वस्व॑तः ।
- 9.026.04c पतिं॑ वा॒चो अ॒दाभ्य॑म् ॥
- 9.026.05a तं सा॒नावधि॑ जा॒मयो॑ हरिं॒ हिन्व॑न्त्य॒द्रिभिः॑ ।
- 9.026.05c हर्य॑तं भूरि॒चक्ष॑सम् ॥
- 9.026.06a तं त्वा॑ हि॒न्वन्ति॑ वे॒धसः॑ प॒वमान॑ गि॒रावृ॑धम् ।
- 9.026.06c इ॒न्दुवि॑न्द्राय॒ मत्सर॑म् ॥
- 9.027.01a ए॒ष क॒विर॒भिष्टु॑तः प॒वित्रे॑ अ॒धि तो॑शते ।
- 9.027.01c पु॒नानो॑ घ्नन्नप॒ स्त्रिधः॑ ॥
- 9.027.02a ए॒ष इन्द्रा॑य वा॒यवे॑ स्व॒र्जित्प॑रि॒ षिच्य॑ते ।
- 9.027.02c प॒वित्रे॑ द॒क्षसा॑धनः ॥
- 9.027.03a ए॒ष नृ॒भिर्वि॑ नी॒यते॑ दि॒वो मूर्धा॑ वृ॒षा सु॑तः ।
- 9.027.03c सो॒मो वने॑षु॒ विश्व॑वित् ॥
- 9.027.04a ए॒ष ग॒व्युर॑चि॒क्रद॑त्प॒वमानो॑ हि॒रण्य॑युः ।
- 9.027.04c इ॒न्दुः स॒त्राजि॑दस्तृ॒तः ॥

- 9.027.05a ए॒ष॒ सूर्ये॑ण॒ हा॒स॒ते॒ प॒व॒मा॒नो॒ अ॒धि॒ द्य॒वि॑ ।
- 9.027.05c प॒वि॒त्रे॑ म॒त्स॒रो॒ म॒दः॑ ॥
- 9.027.06a ए॒ष॒ शु॒ष्म॒य॒सि॒ष्य॒द॒न्त॒रि॒क्षे॑ वृ॒षा॒ ह॒रिः॑ ।
- 9.027.06c पु॒ना॒न॒ इ॒न्दु॒रि॒न्द्र॒मा॑ ॥
- 9.028.01a ए॒ष॒ वा॒जी॒ हि॒तो॒ नृ॒भि॒र्वि॒श्व॒वि॒न्म॒न॒स॒स्प॒तिः॑ ।
- 9.028.01c अ॒व्यो॑ वा॒रं॒ वि॒ धा॒व॒ति॑ ॥
- 9.028.02a ए॒ष॒ प॒वि॒त्रे॑ अ॒क्ष॒र॒त्सो॒मो॑ दे॒वे॒भ्यः॑ सु॒तः॑ ।
- 9.028.02c वि॒श्व॒धा॒मा॒न्या॒वि॒श॒न् ॥
- 9.028.03a ए॒ष॒ दे॒वः॑ शु॒भा॒य॒ते॒ऽधि॒ यो॒ना॒व॒म॒र्त्यः॑ ।
- 9.028.03c वृ॒त्र॒हा॒ दे॒व॒ी॒त॒मः॑ ॥
- 9.028.04a ए॒ष॒ वृ॒षा॒ क॒नि॒क्र॒द॒द्द॒श॒भि॒र्जा॒मि॒भिर्य॑तः ।
- 9.028.04c अ॒भि॒ द्रो॑णा॒नि॒ धा॒व॒ति॑ ॥
- 9.028.05a ए॒ष॒ सूर्य॑म॒रो॒च॒य॒त्प॒व॒मा॒नो॒ वि॒च॒र्ष॑णिः ।
- 9.028.05c वि॒श्व॒धा॒मा॒नि॒ वि॒श्व॒वि॒त् ॥
- 9.028.06a ए॒ष॒ शु॒ष्म॒य॒दा॒भ्यः॑ सो॒मः॑ पु॒ना॒नो॒ अ॒र्ष॑ति ।
- 9.028.06c दे॒वा॒वी॒र॒घ॒शं॒स॒हा॑ ॥

- 9.029.01a प्रास्य धारा अक्षरन्वृष्णः सुतस्यौजसा ।
- 9.029.01c देवाँ अनु प्रभूषतः ॥
- 9.029.02a सप्तिं मृजन्ति वेधसो गृणन्तः कारवो गिरा ।
- 9.029.02c ज्योतिर्जज्ञानमुक्थ्यम् ॥
- 9.029.03a सुषहा सोम तानि ते पुनानाय प्रभूवसो ।
- 9.029.03c वर्धा समुद्रमुक्थ्यम् ॥
- 9.029.04a विश्वा वसूनि संजयन्पवस्व सोम धारया ।
- 9.029.04c इनु द्वेषांसि सध्रयक् ॥
- 9.029.05a रक्षा सु नो अररुषः स्वनात्समस्य कस्य चित् ।
- 9.029.05c निदो यत्र मुमुचमहे ॥
- 9.029.06a एन्दो पार्थिवं रयिं दिव्यं पवस्व धारया ।
- 9.029.06c द्युमन्तं शुष्ममा भर ॥
- 9.030.01a प्र धारा अस्य शुष्मिणो वृथा पवित्रे अक्षरन् ।
- 9.030.01c पुनानो वाचमिष्यति ॥
- 9.030.02a इन्दुर्हियानः सोतृभिर्मृज्यमानः कनिक्रदत् ।
- 9.030.02c इयर्ति वश्रुमिन्द्रियम् ॥
- 9.030.03a आ नः शुष्मं नृषाह्यं वीरवन्तं पुरुस्पृहम् ।

- 9.030.03c पवस्व सोम धारया ॥
- 9.030.04a प्र सोमो अति धारया पवमानो असिष्यदत् ।
- 9.030.04c अभि द्रोणान्यासदम् ॥
- 9.030.05a अप्सु त्वा मधुमत्तमं हरिं हिन्वन्त्यद्रिभिः ।
- 9.030.05c इन्दविन्द्राय पीतये ॥
- 9.030.06a सुनोता मधुमत्तमं सोममिन्द्राय वज्रिणे ।
- 9.030.06c चारुं शर्घाय मत्सरम् ॥
-
- 9.031.01a प्र सोमासः स्वाध्यश्ः पवमानासो अक्रमुः ।
- 9.031.01c रयिं कृण्वन्ति चेतनम् ॥
- 9.031.02a दिवस्पृथिव्या अधि भवेन्दो द्युम्वर्धनः ।
- 9.031.02c भवा वाजानां पतिः ॥
- 9.031.03a तुभ्यं वाता अभिप्रियस्तुभ्यमर्षन्ति सिन्धवः ।
- 9.031.03c सोम वर्धन्ति ते महः ॥
- 9.031.04a आ प्यायस्व समेतु ते विश्वतः सोम वृषण्यम् ।
- 9.031.04c भवा वाजस्य संगथे ॥
- 9.031.05a तुभ्यं गावो घृतं पयो बभ्रो दुदुहे अक्षितम् ।
- 9.031.05c वर्षिष्ठे अधि सानवि ॥

- 9.031.06a स्वा॒यु॒धस्य॑ ते॒ स॒तो॒ भु॒वन॑स्य॒ प॒ते॒ व॒यम् ।
- 9.031.06c इ॒न्दो॑ सखि॒त्वमु॑श्मसि ॥
- 9.032.01a प्र॒ सो॒मा॒सो॑ म॒द॒च्यु॒तः॑ श्र॒व॒से॒ नो॑ म॒घो॒नः॑ ।
- 9.032.01c सु॒ता॒ वि॒दथे॑ अ॒क्र॒मुः ॥
- 9.032.02a आ॒दी॑ त्रि॒तस्य॑ योष॒णो॒ हरि॑ं हि॒न्वन्त्य॑द्रि॒भिः ।
- 9.032.02c इ॒न्दु॒मि॒न्द्राय॑ पी॒तये॑ ॥
- 9.032.03a आ॒दी॑ हं॒सो॒ यथा॑ ग॒णं॒ विश्व॑स्या॒वीव॑शन्म॒तिम् ।
- 9.032.03c अ॒त्यो॒ न गो॑भिर॒ज्यते॑ ॥
- 9.032.04a उ॒भे सो॑मा॒वचा॑क॒शन्मृ॑गो॒ न त॒क्तो॑ अ॒र्षसि॑ ।
- 9.032.04c सी॒दन्नृ॑तस्य॒ योनि॑मा ॥
- 9.032.05a अ॒भि गा॑वो॒ अनू॑ष॒त योषा॑ जा॒रमि॑व॒ प्रिय॑म् ।
- 9.032.05c अ॒ग॒न्नाजि॑ं यथा॒ हित॑म् ॥
- 9.032.06a अ॒स्मे धे॑हि॒ द्युम॑द्य॒शो म॒घव॑द्भ॒यश्च॒ मह्यं॑ च ।
- 9.032.06c स॒निं मे॑धा॒मु॒त श्र॑वः ॥
- 9.033.01a प्र॒ सो॒मा॒सो॑ वि॒पश्चि॑तोऽ॒पां न॑ य॒न्त्यूर्म॑यः ।
- 9.033.01c व॒नानि॑ म॒हिषा॑ इ॒व ॥

9.033.02a अ॒भि द्रो॑णानि ब॒भ्रवः॑ शु॒क्रा ऋ॒तस्य॑ धार॒या ।

9.033.02c वा॒जं गो॑मन्तम॒क्षर॑न् ॥

9.033.03a सु॒ता इन्द्रा॑य वा॒यवे॑ वरु॒णाय॑ मरु॒द्भ्यः॑ ।

9.033.03c सो॒मा अ॑र्षन्ति वि॒ष्णवे॑ ॥

9.033.04a ति॒स्रो वा॒च उ॑दीरते गा॒वो मि॑मन्ति धे॒नवः॑ ।

9.033.04c ह॒रिरे॑ति क॒निक्र॑दत् ॥

9.033.05a अ॒भि ब्र॑ह्मीर॒नूष॑त य॒हीर्ऋ॒तस्य॑ मा॒तरः॑ ।

9.033.05c म॒र्मृ॒ज्यन्ते॑ दि॒वः शि॑शुम् ॥

9.033.06a रा॒यः स॒मुद्राँ॑श्च॒तुरोऽ॑स्मभ्यं सो॒म वि॑श्वतः ।

9.033.06c आ॒ पव॑स्व स॒हस्रि॑णः ॥

9.034.01a प्र सु॒वानो॑ धार॒या त॑नेन्दु॒र्हिन्वानो॑ अ॒र्षति॑ ।

9.034.01c रु॒ज॒दृ॒ळ्हा व्यो॑जसा ॥

9.034.02a सु॒त इन्द्रा॑य वा॒यवे॑ वरु॒णाय॑ मरु॒द्भ्यः॑ ।

9.034.02c सो॒मो अ॑र्षति वि॒ष्णवे॑ ॥

9.034.03a वृ॒षाणं॑ वृ॒षभि॑र्यतं सु॒न्वन्ति॑ सो॒मम॑द्रिभिः ।

9.034.03c दु॒हन्ति॑ श॒क्म॑ना प॒यः ॥

9.034.04a भु॒वत्त्रि॑तस्य म॒ज्यो॑ भु॒वदिन्द्रा॑य म॒त्सरः॑ ।

- 9.034.04c सं॒ रूपै॑रज्यते॒ हरिः॑ ॥
- 9.034.05a अ॒भीमृ॑तस्य॒ विष्ट॑पं॒ दुह॑ते॒ पृश्नि॑मातरः ।
- 9.034.05c चा॒रु॑ प्रि॒यत॑मं॒ हविः॑ ॥
- 9.034.06a स॒मेन॑महु॒ता इ॒मा गि॑रो॒ अर्ष॑न्ति॒ सस्रु॑तः ।
- 9.034.06c धे॒नूर्वा॑श्रो॒ अवी॑वशत् ॥
- 9.035.01a आ॒ नः॑ प॒वस्व॑ धा॒रया॑ प॒वमा॑न॒ रयि॑ं पृथु॒म् ।
- 9.035.01c यया॑ ज्योतिर्वि॒दासि॑ नः ॥
- 9.035.02a इ॒न्दो॑ स॒मुद्र॑मी॒ङ्घ्रय॑ प॒वस्व॑ वि॒श्वमे॑जय ।
- 9.035.02c रा॒यो ध॑र्ता॒ न ओ॑जसा ॥
- 9.035.03a त्वया॑ वी॒रेण॑ वी॒रवो॑ऽभि॒ ष्याम॑ पृ॒तन्य॑तः ।
- 9.035.03c क्ष॒रा णो॑ अ॒भि वा॑र्यम् ॥
- 9.035.04a प्र॒ वाज॑मि॒न्दुरि॑ष्यति॒ सिषा॑सन्वा॒जसा॑ ऋ॒षिः ।
- 9.035.04c व्र॒ता वि॑दान॒ आयु॑धा ॥
- 9.035.05a तं गी॑र्भिर्वा॒चमी॒ङ्घ्रयं॑ पु॒नानं॑ वा॒सया॑मसि ।
- 9.035.05c सोमं॑ ज॒नस्य॑ गो॒पति॑म् ॥
- 9.035.06a वि॒श्वो य॑स्य॒ व्रते॑ ज॒नो दा॑धार॒ धर्म॑ण॒स्पतेः॑ ।
- 9.035.06c पु॒नान॑स्य॒ प्रभू॑वसोः ॥

- 9.036.01a अस॑र्जि॒ रथ्यो॑ यथा॒ पवि॑त्रे च॒म्बोः॑ सु॒तः ।
- 9.036.01c का॒र्ष्मन्वा॑जी न्य॒क्रीत् ॥
- 9.036.02a स वह्निः॑ सोम॒ जागृ॑विः पव॒स्व दे॒ववी॑रति ।
- 9.036.02c अ॒भि को॑शं म॒धुश्चु॑तम् ॥
- 9.036.03a स नो॑ ज्योती॑षि पू॒र्व्य प॑व॒मान॒ वि रो॑चय ।
- 9.036.03c क्र॒त्वे द॑त्ताय नो हि॒नु ॥
- 9.036.04a शु॒म्भ॑मान॒ ऋता॑युभि॒र्मृज्य॑मानो॒ गभ॑स्त्योः ।
- 9.036.04c प॒वते॑ वारे॒ अव्य॑ये ॥
- 9.036.05a स विश्वा॑ दा॒शुषे॑ वसु॒ सोमो॑ दि॒व्यानि॒ पार्थि॑वा ।
- 9.036.05c प॒वता॑मान्तरि॒क्ष्या ॥
- 9.036.06a आ दि॒वस्पृ॑ष्ठम॒श्वयु॑र्ग॒व्ययुः॑ सोम॒ रोह॑सि ।
- 9.036.06c वी॒रयुः॑ शव॒सस्प॑ते ॥
- 9.037.01a स सु॒तः पी॒तये॑ वृषा॒ सोमः॑ पवि॒त्रे अ॑र्षति ।
- 9.037.01c वि॒घ्नन्न॑क्षांसि दे॒वयुः॑ ॥
- 9.037.02a स पवि॒त्रे वि॑च॒क्ष्णो॑ हरि॒रर्ष॑ति ध॒र्णासिः॑ ।
- 9.037.02c अ॒भि यो॑निं क॒निक्र॑दत् ॥

9.037.03a स वाजी रोचना दिवः पवमानो वि धावति ।

9.037.03c रत्तोहा वारमव्ययम् ॥

9.037.04a स त्रितस्याधि सानवि पवमानो अरोचयत् ।

9.037.04c जामिभिः सूर्य सह ॥

9.037.05a स वृत्रहा वृषा सुतो वरिवोविददाभ्यः ।

9.037.05c सोमो वाजमिवासरत् ॥

9.037.06a स देवः कविनेषितोऽभि द्रोणानि धावति ।

9.037.06c इन्दुरिन्द्राय मंहना ॥

9.038.01a एष उ स्य वृषा रथोऽव्यो वारेभिरर्षति ।

9.038.01c गच्छन्वाजं सहस्रिणम् ॥

9.038.02a एतं त्रितस्य योषणो हरिं हिन्वन्त्यद्रिभिः ।

9.038.02c इन्दुमिन्द्राय पीतये ॥

9.038.03a एतं त्यं हरितो दश मर्मज्यन्ते अपस्युवः ।

9.038.03c याभिर्मदाय शुम्भते ॥

9.038.04a एष स्य मानुषीष्वा श्येनो न विदुः सीदति ।

9.038.04c गच्छञ्जारो न योषितम् ॥

9.038.05a एष स्य मद्यो रसोऽव चष्टे दिवः शिशुः ।

- 9.038.05c य इ॒न्दु॒र्वार॑मा॒वि॒शत् ॥
- 9.038.06a ए॒ष स्य॑ पी॒तये॑ सु॒तो ह॑रि॒रर्ष॑ति॒ धर्णा॑सिः ।
- 9.038.06c क्र॒न्द॒न्यो॒नि॒मभि॑ प्रि॒यम् ॥
- 9.039.01a आ॒शु॒रर्ष॑ बृ॒हन्म॑ते॒ परि॑ प्रि॒येण॑ धा॒म्ना ।
- 9.039.01c यत्र॑ दे॒वा इति॑ ब्र॒वन् ॥
- 9.039.02a परि॑ष्कृ॒णव॑न्ननि॒ष्कृतं॑ ज॒नाय॑ या॒तय॑न्निषः ।
- 9.039.02c वृ॒ष्टिं दि॒वः परि॑ स्र॒व ॥
- 9.039.03a सु॒त ए॒ति प॒वित्र॑ आ॒ त्विषि॑ं द॒धान॑ अ॒जसा॑ ।
- 9.039.03c वि॒च॒क्षा॒णो वि॒रोच॑यन् ॥
- 9.039.04a अ॒यं स यो॑ दि॒वस्प॑रि॒ रघु॑यामा॒ पवि॑त्र आ ।
- 9.039.04c सि॒न्धो॑रू॒र्मा व्य॑क्षरत् ॥
- 9.039.05a आ॒वि॒वास॑न्प॒राव॑तो॒ अथो॑ अ॒र्वाव॑तः सु॒तः ।
- 9.039.05c इ॒न्द्राय॑ सि॒च्यते॑ म॒धु ॥
- 9.039.06a स॒मी॒ची॒ना अ॒नूष॑त॒ हरि॑ं हि॒न्वन्त्य॑द्रिभिः ।
- 9.039.06c यो॒नावृ॑तस्य॒ सीद॑त ॥
- 9.040.01a पु॒ना॒नो अ॒क्र॒मी॒दभि॑ वि॒श्वा मृ॒धो वि॒चर्ष॑णिः ।

- 9.040.01c शु॒म्भन्ति॑ वि॒प्रं धी॑तिभिः ॥
- 9.040.02a आ॒ योनि॑मरु॒णो रु॒ह॒द्र॒मदि॑न्द्रं वृषा॑ सु॒तः ।
- 9.040.02c ध्रु॒वे स॑दसि॒ सीद॑ति ॥
- 9.040.03a नू॒ नो र॑यिं॒ महामि॑न्दोऽस्म॒भ्यं सोम॑ वि॒श्वतः॑ ।
- 9.040.03c आ॒ पव॑स्व स॒हस्रि॑णम् ॥
- 9.040.04a विश्वा॑ सोम॒ पव॑मान॒ द्युम्ना॑नी॒न्दवा॑ भर ।
- 9.040.04c वि॒दाः स॒हस्रि॑णी॒रिषः॑ ॥
- 9.040.05a स नः॑ पु॒नान॑ आ॒ भर॑ र॒यिं स्तो॑त्रे सु॒वीर्य॑म् ।
- 9.040.05c ज॒रितु॑र्व॒र्धया॑ गि॒रः ॥
- 9.040.06a पु॒नान॑ इ॒न्दवा॑ भर॒ सोम॑ द्वि॒बर्ह॑सं र॒यिम् ।
- 9.040.06c वृष॑न्नि॒न्दो न॑ उ॒क्थ्य॑म् ॥
- 9.041.01a प्र॒ ये गा॒वो न॑ भू॒र्णय॑स्त्वेषा॒ अया॑सो॒ अक्र॑मुः ।
- 9.041.01c घ्नन्तः॑ कृ॒ष्णाम॑प॒ त्वच॑म् ॥
- 9.041.02a सु॒वित॑स्य॒ मना॑महेऽति॒ सेतुं॑ दुरा॒व्यम् ।
- 9.041.02c सा॒ह्वांसो॑ द॒स्युम॑व्रतम् ॥
- 9.041.03a शृ॒णवे॑ वृ॒ष्टेरि॑व॒ स्वनः॑ पव॒मान॑स्य॒ शुष्मि॑णः ।
- 9.041.03c च॒रन्ति॑ वि॒द्युतो॑ दि॒वि ॥

9.041.04a आ॒ प॒व॒स्व॒ म॒ही॒मि॒षं॒ गो॒म॒दि॒न्दो॒ हि॒र॒ण्य॒वत् ।

9.041.04c अ॒श्व॒व॒द्वा॒ज॒व॒त्सु॒तः॑ ॥

9.041.05a स॒ प॒व॒स्व॒ वि॒च॒र्ष॒ण आ॒ म॒ही॒ रो॒द॒सी॒ पृ॒ण ।

9.041.05c उ॒षाः॑ सूर्यो॑ न र॒श्मि॒भिः॑ ॥

9.041.06a परि॑ णः श॒र्म॒य॒न्त्या॒ धा॒र॒या सो॒म वि॒श्व॒तः॑ ।

9.041.06c स॒रा॒ र॒से॒व वि॒ष्ट॒पम् ॥

9.042.01a ज॒न॒य॒त्रो॒च॒ना दि॒वो॒ ज॒न॒य॒न्न॒प्सु॒ सूर्य॑म् ।

9.042.01c व॒सा॒नो॒ गा अ॒पो॒ ह॒रिः॑ ॥

9.042.02a ए॒ष प्र॒त्ने॒न म॒न्म॒ना दे॒वो दे॒वेभ्य॑स्परि॑ ।

9.042.02c धा॒र॒या प॒व॒ते सु॒तः॑ ॥

9.042.03a वा॒वृ॒धा॒ना॒य तू॒र्व॒ये प॒व॒न्ते॒ वा॒ज॒सा॒त॒ये ।

9.042.03c सो॒माः स॒ह॒स्र॑पा॒ज॒सः॑ ॥

9.042.04a दु॒हा॒नः प्र॒त्न॑मि॒त्प॒यः॑ प॒वि॒त्रे परि॑ षि॒च्य॒ते ।

9.042.04c क्र॒न्द॒न्दे॒वाँ अ॒जी॒ज॒न॒त् ॥

9.042.05a अ॒भि वि॒श्वानि॑ वा॒र्या॑भि दे॒वाँ ऋ॒ता॒वृ॒धः॑ ।

9.042.05c सो॒मः पु॒ना॒नो अ॒र्ष॑ति ॥

9.042.06a गो॒म॒न्नः॑ सो॒म वी॒र॒व॒द॒श्व॒व॒द्वा॒ज॒व॒त्सु॒तः॑ ।

9.042.06c पवस्व बृहतीरिषः ॥

9.043.01a यो अत्य इव मृज्यते गोभिर्मदाय हर्यतः ।

9.043.01c तं गीर्भिर्वासयामसि ॥

9.043.02a तं नो विश्वा अवस्युवो गिरः शुम्भन्ति पूर्वथा ।

9.043.02c इन्दुमिन्द्राय पीतये ॥

9.043.03a पुनानो याति हर्यतः सोमो गीर्भिः परिष्कृतः ।

9.043.03c विप्रस्य मेध्यातिथेः ॥

9.043.04a पवमान विदा रयिमस्मभ्यं सोम सुश्रियम् ।

9.043.04c इन्दो सहस्रवर्चसम् ॥

9.043.05a इन्दुरत्यो न वाजसृत्कनिक्रन्ति पवित्र आ ।

9.043.05c यदत्तारति देवयुः ॥

9.043.06a पवस्व वाजसातये विप्रस्य गृणतो वृधे ।

9.043.06c सोम रास्व सुवीर्यम् ॥

9.044.01a प्र ण इन्दो महे तन ऊर्मि न बिभ्रदर्षसि ।

9.044.01c अभि देवाँ अयास्यः ॥

9.044.02a मती जुष्टो धिया हितः सोमो हिन्वे परावति ।

- 9.044.02c वि॒प्रस्य॑ धा॒रया॑ क॒विः ॥
- 9.044.03a अ॒यं दे॒वेषु॑ जा॒गृविः॑ सु॒त ए॒ति प॒वित्र॑ आ ।
- 9.044.03c सो॒मो या॑ति वि॒चर्ष॑णिः ॥
- 9.044.04a स नः॑ प॒वस्व॑ वा॒जयु॑श्च॒क्राण॑श्चा॒रुम॑ध॒वरम् ।
- 9.044.04c ब॒र्हिष्मँ॑ आ वि॒वास॑ति ॥
- 9.044.05a स नो॑ भ॒गाय॑ वा॒यवे॑ वि॒प्रवी॑रः स॒दावृ॑धः ।
- 9.044.05c सो॒मो दे॒वेष्व॑ य॒मत् ॥
- 9.044.06a स नो॑ अ॒द्य व॑सु॒त्तये॑ क्र॒तुवि॑द्रा॒तुवि॑त्तमः ।
- 9.044.06c वा॒जं जेषि॑ श्र॒वो बृ॑हत् ॥
- 9.045.01a स प॒वस्व॑ म॒दाय॑ कं नृ॒चक्षा॑ दे॒ववी॑तये ।
- 9.045.01c इ॒न्द्रवि॑न्द्राय पी॒तये ॥
- 9.045.02a स नो॑ अ॒र्षाभि॑ दू॒त्यंश् त्व॑मिन्द्राय तो॒शसे॑ ।
- 9.045.02c दे॒वान्स॑खि॒भ्य आ॑ व॒रम् ॥
- 9.045.03a उ॒त त्वा॑म॒रुणं॑ व॒यं गो॑भि॒रज्ज॑मो म॒दाय॑ कम् ।
- 9.045.03c वि नो॑ रा॒ये दुरो॑ वृ॒धि ॥
- 9.045.04a अ॒त्यू प॑वि॒त्रम॑क्र॒मीद्वा॒जी धु॒रं न॑ या॒मनि॑ ।
- 9.045.04c इ॒न्दुदे॑वेषु॑ प॒त्यते ॥

9.045.05a समी॑ सखा॑यो अ॒स्वर॑न्वने॒ क्री॑ळन्त॒मत्य॑विम् ।

9.045.05c इ॒न्दुं॑ ना॒वा अ॒नूष॑त ॥

9.045.06a तया॑ प॒वस्व॑ धा॒रया॑ यया॒ पीतो॑ वि॒चक्ष॑से ।

9.045.06c इ॒न्दो॑ स्तो॒त्रे सु॒वीर्य॑म् ॥

9.046.01a अ॒सृग्र॑न्दे॒ववी॑तयेऽ॒त्यासः॑ कृ॒त्व्या इ॒व ।

9.046.01c क्षर॑न्तः प॒र्वता॑वृ॒धः ॥

9.046.02a परि॑ष्कृ॒तास॑ इ॒न्दवो॑ योषे॒व पि॒त्र्या॑वती ।

9.046.02c वा॒युं सो॑मा अ॒सृक्ष॑त ॥

9.046.03a ए॒ते सो॑मा॒स इ॒न्दवः॑ प्र॒यस्व॑न्तश्च॒मू सु॒ताः ।

9.046.03c इ॒न्द्रं॑ वर्ध॑न्ति॒ कर्म॑भिः ॥

9.046.04a आ॒ धा॒वता॑ सु॒हस्त्यः॑ शु॒क्रा गृ॑भ्णी॒त म॒न्थिना॑ ।

9.046.04c गो॒भिः श्री॑णी॒त म॒त्सर॑म् ॥

9.046.05a स॑ प॒वस्व॑ धनं॒जय॑ प्र॒यन्ता॑ रा॒धसो॑ म॒हः ।

9.046.05c अ॒स्मभ्यं॑ सो॒म गा॒तुवि॑त् ॥

9.046.06a ए॒तं मृ॑जन्ति॒ मर्ज्यं॑ प॒वमा॑नं॒ दश॑ क्षि॒पः ।

9.046.06c इ॒न्द्राय॑ म॒त्सरं॑ म॒दम् ॥

- 9.047.01a अ॒या सो॒मः सु॒कृ॒त्यया॑ मह॒श्चि॒द॒भ्यव॑र्धत ।
- 9.047.01c म॒न्दा॒न उ॒द्वृ॒षाय॑ते ॥
- 9.047.02a कृ॒तानी॑दस्य क॒र्त्वा चे॒तन्ते॑ दस्यु॒तर्ह॑णा ।
- 9.047.02c ऋ॒णा च॑ धृ॒ष्णुश्च॑यते ॥
- 9.047.03a आ॒त्सोम॑ इ॒न्द्रियो॑ र॒सो व॒ज्रः स॒हस्र॑सा भुवत् ।
- 9.047.03c उ॒क्थं॑ यदस्य जायते ॥
- 9.047.04a स्व॒यं क॒विर्वि॑ध॒र्तारि॑ वि॒प्राय॑ रत्नमिच्छति ।
- 9.047.04c यदी॑ म॒र्मृ॒ज्यते॑ धि॒यः ॥
- 9.047.05a सि॒षास॑तू रयीणां वाजे॒ष्वर्व॑तामिव ।
- 9.047.05c भ॒रेषु॑ जि॒ग्युषा॑मसि ॥
- 9.048.01a तं त्वा॑ नृ॒म्णानि॑ बिभ्र॒तं स॒धस्थे॑षु महो दि॒वः ।
- 9.048.01c चा॒रुं सु॒कृ॒त्यये॑महे ॥
- 9.048.02a सं॒वृ॒क्तधृ॑ष्णुमु॒क्थ्यं॑ म॒हाम॑हि॒व्रतं॑ म॒दम् ।
- 9.048.02c श॒तं पु॒रो रु॒रु॒क्षणि॑म् ॥
- 9.048.03a अ॒तस्त्वा॑ र॒यिम॑भि॒ राजा॑नं सु॒क्रतो॑ दि॒वः ।
- 9.048.03c सु॒पर्णो॑ अ॒व्यथि॑र्भरत् ॥
- 9.048.04a वि॒श्वस्मा॑ इ॒त्स्वर्दृ॑शे सा॒धार॑णं र॒जस्तु॑रम् ।

- 9.048.04c गो॒पामृ॒तस्य॑ वि॒र्भर॑त् ॥
- 9.048.05a अ॒धा हि॒न्वान॑ इ॒न्द्रियं॑ ज्या॒यो म॒हित्व॑मान॒शे ।
- 9.048.05c अ॒भिष्टि॑कृ॒द्विच॑र्षाणिः ॥
- 9.049.01a पव॑स्व वृ॒ष्टिमा॑ सु॒ नोऽपामूर्मि॑ दि॒वस्प॑रि ।
- 9.049.01c अ॒यत्त॑मा वृ॒हती॑रिषः ॥
- 9.049.02a तया॑ पव॑स्व धा॒रया॑ यया॒ गाव॑ इ॒हाग॑मन् ।
- 9.049.02c ज॒न्यास॑ उप॒ नो गृ॑हम् ॥
- 9.049.03a घृ॒तं पव॑स्व धा॒रया॑ य॒ज्ञेषु॑ दे॒ववी॑तमः ।
- 9.049.03c अ॒स्मभ्यं॑ वृ॒ष्टिमा॑ पव ॥
- 9.049.04a स न॑ ऊ॒र्जे व्य॑श्व्ययं॒ पवि॑त्रं॒ धाव॑ धा॒रया॑ ।
- 9.049.04c दे॒वासः॑ शृ॒णव॑न्हि॒ कम् ॥
- 9.049.05a पव॑मानो अ॒सिष्य॑द॒द्रक्षा॑स्य॒पजङ्घ॑नत् ।
- 9.049.05c प्र॒त्नव॑द्रोच॒यत्रु॑चः ॥
- 9.050.01a उ॒त्ते शु॑ष्मास॒ ईर॑ते॒ सिन्धो॑रू॒र्मैरि॑व॒ स्वनः॑ ।
- 9.050.01c वा॒णस्य॑ चो॒दया॑ पवि॒म् ॥
- 9.050.02a प्र॒सवे॑ त॒ उदी॑रते॒ तिस्रो॑ वा॒चो म॑ख॒स्युवः॑ ।

- 9.050.02c यदव्य एषि सानवि ॥
- 9.050.03a अव्यो वारे परि प्रियं हरिं हिन्वन्त्यद्रिभिः ।
- 9.050.03c पवमानं मधुश्चुतम् ॥
- 9.050.04a आ पवस्व मदिन्तम पवित्रं धारया कवे ।
- 9.050.04c अर्कस्य योनिमासदम् ॥
- 9.050.05a स पवस्व मदिन्तम गोभिरञ्जानो अक्तुभिः ।
- 9.050.05c इन्दविन्द्राय पीतये ॥
-
- 9.051.01a अध्वर्यो अद्रिभिः सुतं सोमं पवित्र आ सृज ।
- 9.051.01c पुनीहीन्द्राय पातवे ॥
- 9.051.02a दिवः पीयूषमुत्तमं सोममिन्द्राय वज्रिणे ।
- 9.051.02c सुनोता मधुमत्तमम् ॥
- 9.051.03a तव त्य इन्दो अन्धसो देवा मधोर्व्यश्नते ।
- 9.051.03c पवमानस्य मरुतः ॥
- 9.051.04a त्वं हि सोम वर्धयन्सुतो मदाय भूणयि ।
- 9.051.04c वृषन्स्तोतारमूतये ॥
- 9.051.05a अभ्यर्ष विचक्षण पवित्रं धारया सुतः ।
- 9.051.05c अभि वाजमुत श्रवः ॥

- 9.052.01a परि॑ द्यु॒क्षः॑ स॒न॒द्र॒यि॒र्भ॒र॒द्वा॒जं॑ नो॒ अ॒न्ध॒सा॑ ।
- 9.052.01c सु॒वा॒नो॑ अ॒र्ष॑ प॒वि॒त्र आ॑ ॥
- 9.052.02a तव॑ प्र॒ले॒भि॒र॒ध्व॒भि॒र॒व्यो॑ वा॒रे॒ परि॑ प्रि॒यः॑ ।
- 9.052.02c स॒ह॒स्र॑धा॒रो या॑त्त॒ना ॥
- 9.052.03a च॒रु॒र्न॑ य॒स्त॒मी॒ङ्घ्रि॒ये॒न्दो॑ न॒ दा॒न॒मी॒ङ्घ्रि॒य॑ ।
- 9.052.03c व॒धै॒र्व॒ध॒स्र॒वी॒ङ्घ्रि॒य॑ ॥
- 9.052.04a नि॑ शु॒ष्म॒मि॒न्द॒वेषां॑ पु॒रु॒हू॒त॒ ज॒ना॒ना॒म् ।
- 9.052.04c यो॑ अ॒स्माँ॑ आ॒दि॒देश॑ति ॥
- 9.052.05a श॒तं न॑ इ॒न्द ऊ॒ति॒भिः॑ स॒ह॒स्रं॑ वा शु॒ची॒ना॒म् ।
- 9.052.05c प॒व॒स्व॑ मं॒ह॒य॒द्र॒यिः॑ ॥
- 9.053.01a उ॒त्ते॑ शु॒ष्मा॒सो अ॒स्थू॒ र॒त्तो॑ भि॒न्द॒न्तो॑ अ॒द्रि॒वः॑ ।
- 9.053.01c नु॒द॒स्व॒ याः॑ प॒रि॒स्पृ॒धः॑ ॥
- 9.053.02a अ॒या नि॒ज॒घ्नि॒रो॒ज॒सा॑ रथ॒सं॒गे॒ ध॒ने॑ हि॒ते॑ ।
- 9.053.02c स्त॒वा अ॒भि॒भ्यु॒षा॑ हृ॒दा ॥
- 9.053.03a अ॒स्य॑ व्र॒ता॒नि॒ ना॒धृ॒षे॑ प॒व॒मा॒न॒स्य॑ दू॒ढ्या॑ ।
- 9.053.03c रु॒ज॒ य॒स्त्वा॑ पृ॒त॒न्य॑ति ॥

9.053.04a तं हि॒न्वन्ति॑ म॒द॒च्यु॒तं॑ ह॒रिं॑ न॒दीषु॑ वा॒जिन॑म् ।

9.053.04c इ॒न्दुमि॑न्द्राय॒ मत्स॑रम् ॥

9.054.01a अ॒स्य॑ प्र॒त्ना॒मनु॑ द्यु॒तं शु॒क्रं दु॒दुहे॑ अ॒हयः॑ ।

9.054.01c प॒यः॑ स॒हस्र॑सामृषि॒म् ॥

9.054.02a अ॒यं सूर्य॑ इ॒वोप॑ट्ट॒गयं॑ स॒रांसि॑ धावति ।

9.054.02c स॒प्त प्र॑व॒त आ॒ दि॒वम् ॥

9.054.03a अ॒यं वि॒श्वानि॑ तिष्ठति पु॒नानो॑ भु॒वनो॑परि ।

9.054.03c सो॒मो दे॒वो न॑ सूर्यः ॥

9.054.04a परि॑ णो दे॒ववी॑तये वा॒जाँ अ॒र्षसि॑ गो॒मतः॑ ।

9.054.04c पु॒नान॑ इ॒न्दवि॑न्द्र॒युः ॥

9.055.01a य॒वंय॑वं नो अ॒न्धसा॑ पु॒ष्टम्पु॑ष्टं परि॒ स्रव॑ ।

9.055.01c सो॒म वि॒श्वा च॑ सौ॒भगा ॥

9.055.02a इ॒न्दो यथा॑ तव॒ स्तवो॑ यथा॒ ते जा॒तम॑न्धसः ।

9.055.02c नि॒ ब॒र्हिषि॑ प्रि॒ये स॒दः ॥

9.055.03a उ॒त नो॑ गो॒विद॑श्च॒वित्प॑वस्व सो॒मान्ध॑सा ।

9.055.03c म॒दू॒तमे॑भिर॒हभिः॑ ॥

9.055.04a यो जिनाति न जीयते हन्ति शत्रुमभीत्य ।

9.055.04c स पवस्व सहस्रजित् ॥

9.056.01a परि सोम ऋतं बृहदाशुः पवित्रे अर्षति ।

9.056.01c विघ्नत्रक्षांसि देवयुः ॥

9.056.02a यत्सोमो वाजमर्षति शतं धारा अपस्युवः ।

9.056.02c इन्द्रस्य सख्यमाविशन् ॥

9.056.03a अभि त्वा योषणो दश जारं न कन्यानूषत ।

9.056.03c मृज्यसे सोम सातये ॥

9.056.04a त्वमिन्द्राय विष्णवे स्वादुरिन्दो परि स्रव ।

9.056.04c नृन्स्तोतृन्पाद्यंहसः ॥

9.057.01a प्र ते धारा असश्चतो दिवो न यन्ति वृष्टयः ।

9.057.01c अच्छा वाजं सहस्रिणम् ॥

9.057.02a अभि प्रियाणि काव्या विश्वा चक्षाणो अर्षति ।

9.057.02c हरिस्तुञ्जान आयुधा ॥

9.057.03a स मर्मृजान आयुभिरिभो राजेव सुव्रतः ।

9.057.03c श्येनो न वंसु षीदति ॥

9.057.04a स नो विश्वा दिवो वसूतो पृथिव्या अग्नि ।

9.057.04c पुनान इन्द्रवा भर ॥

9.058.01a तरत्स मन्दी धावति धारा सुतस्यान्धसः ।

9.058.01c तरत्स मन्दी धावति ॥

9.058.02a उस्त्रा वेद वसूनां मर्तस्य देव्यवसः ।

9.058.02c तरत्स मन्दी धावति ॥

9.058.03a ध्वस्त्रयोः पुरुषन्त्योरा सहस्राणि दद्महे ।

9.058.03c तरत्स मन्दी धावति ॥

9.058.04a आ ययोस्त्रिंशतं तना सहस्राणि च दद्महे ।

9.058.04c तरत्स मन्दी धावति ॥

9.059.01a पवस्व गोजिदश्वजिद्विश्वजित्सोम रण्यजित् ।

9.059.01c प्रजावद्रत्नमा भर ॥

9.059.02a पवस्वाद्भ्यो अदाभ्यः पवस्वौषधीभ्यः ।

9.059.02c पवस्व धिषणाभ्यः ॥

9.059.03a त्वं सोम पवमानो विश्वानि दुरिता तर ।

9.059.03c कविः सीद् नि बर्हिषि ॥

9.059.04a पव॑मान॒ स्वर्वि॑दो॒ जाय॑मानोऽभवो॒ महान्॑ ।

9.059.04c इ॒न्दो॑ वि॒श्वँ॑ अ॒भीद॑सि ॥

9.060.01a प्र॒ गाय॑त्रेण॒ गाय॑त॒ पव॑मानं॒ विच॑र्षणिम् ।

9.060.01c इ॒न्दुं॑ स॒हस्र॑चक्ष॒सम् ॥

9.060.02a तं॒ त्वा॑ स॒हस्र॑चक्ष॒समथो॑ स॒हस्र॑भर्ण॒सम् ।

9.060.02c अ॒ति॒ वार॑मपाविषुः ॥

9.060.03a अ॒ति॒ वारा॑न्पव॒मानो॑ अ॒सिष्य॑दत्क॒लशाँ॑ अ॒भि॒ धा॑वति ।

9.060.03c इ॒न्द्रस्य॑ हा॒र्द्या॑वि॒शन् ॥

9.060.04a इ॒न्द्रस्य॑ सोम॒ राध॑से॒ शं॒ पव॑स्व॒ विच॑र्षणे ।

9.060.04c प्र॒जाव॑द्रेत॒ आ॒ भर ॥

9.061.01a अ॒या॒ वी॑ती॒ परि॑ स्र॒व॒ यस्त॑ इ॒न्दो॒ मदे॑ष्वा ।

9.061.01c अ॒वाह॑न्न॒वती॑र्न॒व ॥

9.061.02a पु॒रः स॒द्य॒ इत्था॑धि॒ये दि॒वोदा॑साय॒ शम्ब॑रम् ।

9.061.02c अ॒ध॒ त्यं॒ तुर्व॑शं॒ यदु॑म् ॥

9.061.03a परि॑ णो॒ अश्व॑मश्व॒विद्रो॑मदि॒न्दो॒ हिर॑ण्यवत् ।

9.061.03c क्ष॒रा॒ स॒हस्रि॑णी॒रिषः ॥

- 9.061.04a पव॑मान॒स्य॒ ते व॒यं॒ पवि॑त्रम॒भ्यु॒न्दतः॑ ।
- 9.061.04c सखि॑त्वमा वृ॒णीम॑हे ॥
- 9.061.05a ये ते॑ पवि॑त्रमूर्म॒योऽभि॑क्षरन्ति॒ धार॑या ।
- 9.061.05c तेभि॑र्नः सोम॒ मृळ्य॑ ॥
- 9.061.06a स नः॑ पुना॒न आ॒ भर॑ रयिं॒ वीर॑वतीमिषम् ।
- 9.061.06c ईशा॑नः सोम॒ विश्व॑तः ॥
- 9.061.07a ए॒तमु॒ त्यं द॑श॒ क्षिपो॑ मृजन्ति॒ सिन्धु॑मातरम् ।
- 9.061.07c समा॑दित्येभि॒रख्य॑त ॥
- 9.061.08a समि॑न्द्रेणो॒त वा॒युना॑ सु॒त ए॒ति प॑वित्र॒ आ ।
- 9.061.08c सं सूर्य॑स्य॒ रश्मि॑भिः ॥
- 9.061.09a स नो॑ भगा॒य वा॒यवे॑ पू॒ष्णे प॑वस्व॒ मधु॑मान् ।
- 9.061.09c चारु॑मि॒त्रे वरु॑णे च ॥
- 9.061.10a उ॒च्चा ते॑ जा॒तम॑न्धसो॒ दिवि॑ ष॒द्रूम्या॑ ददे ।
- 9.061.10c उग्रं॑ श॒र्म म॑हि॒ श्रवः॑ ॥
- 9.061.11a ए॒ना विश्वा॑न्य॒र्य आ॑ द्यु॒म्नानि॑ मा॒नुषा॑णाम् ।
- 9.061.11c सि॒षास॑न्तो वनामहे ॥
- 9.061.12a स न॑ इन्द्रा॒य य॑ज्यवे॒ वरु॑णाय॒ मरु॑द्भ्यः ।
- 9.061.12c वरि॑वो॒वित्प॑रि॒ स्रव॑ ॥

- 9.061.13a उपो॑ षु॒ जा॒तम॑प्तु॒रं गो॑भिर्भङ्गं॒ परि॑ष्कृतम् ।
- 9.061.13c इ॒न्दुं दे॒वा अ॒या॒सि॒षुः ॥
- 9.061.14a तमि॑द्वर्धन्तु॒ नो गि॑रो॒ वत्सं॑ संशि॒श्वरी॑रिव ।
- 9.061.14c य इ॒न्द्रस्य॑ हृदं॒सनिः॑ ॥
- 9.061.15a अ॒र्षा॑ णः॒ सोम॑ शं॒ गवे॑ धु॒क्षस्व॑ पि॒प्युषी॑मिषम् ।
- 9.061.15c वर्धा॑ समु॒द्रमु॒क्थ्यम् ॥
- 9.061.16a पव॑मानो अ॒जी॒जन॑द्वि॒वश्चि॒त्रं न त॑न्यतुम् ।
- 9.061.16c ज्यो॑तिर्वै॒श्वान॑रं बृ॒हत् ॥
- 9.061.17a पव॑मानस्य॒ ते र॑सो॒ मदो॑ राज॒न्नदु॑च्छुनः ।
- 9.061.17c वि॒ वार॑मव्यमर्षति ॥
- 9.061.18a पव॑मान॒ रस॑स्तव॒ दक्षो॑ वि॒ राज॑ति द्यु॒मान् ।
- 9.061.18c ज्यो॑तिर्वि॒श्वं स्व॑र्दृ॒शे ॥
- 9.061.19a य॒स्ते म॑दो॒ वरे॑ण्यस्तेना॒ पव॑स्वान्धसा ।
- 9.061.19c दे॒वावी॑रघशंसहा ॥
- 9.061.20a ज॒घ्निर्वृ॑त्रममि॒त्रियं॑ स॒स्त्रिर्वा॑जं दि॒वेदि॑वे ।
- 9.061.20c गो॒षा उ॑ अ॒श्वसा॑ अ॒सि ॥
- 9.061.21a स॒म्मि॑श्लो अ॒रुषो॑ भव॒ सूप॑स्थाभिर्न॒ धेनु॑भिः ।
- 9.061.21c सी॒द॒ञ्छ्ये॑नो न यो॒निमा॑ ॥

- 9.061.22a स पवस्व य आविथेन्द्रं वृत्राय हन्तवे ।
- 9.061.22c वत्रिवांसं महीरपः ॥
- 9.061.23a सुवीरासो वयं धना जयेम सोम मीढ्वः ।
- 9.061.23c पुनानो वर्ध नो गिरः ॥
- 9.061.24a त्वोतासस्तवावसा स्याम वन्वन्त आमुः ।
- 9.061.24c सोम व्रतेषु जागृहि ॥
- 9.061.25a अपघ्नन्पवते मृधोऽप सोमो अराव्णः ।
- 9.061.25c गच्छन्निन्द्रस्य निष्कृतम् ॥
- 9.061.26a महो नो राय आ भर पवमान जही मृधः ।
- 9.061.26c रास्वेन्दो वीरवद्यशः ॥
- 9.061.27a न त्वा शतं चन हुतो राधो दित्सन्तमा मिनन् ।
- 9.061.27c यत्पुनानो मखस्यसे ॥
- 9.061.28a पवस्वेन्दो वृषा सुतः कृधी नो यशसो जने ।
- 9.061.28c विश्वा अप द्विषो जहि ॥
- 9.061.29a अस्य ते सख्ये वयं तवेन्दो द्युम्न उत्तमे ।
- 9.061.29c सासह्याम पृतन्यतः ॥
- 9.061.30a या ते भीमान्यायुधा तिग्मानि सन्ति धूर्वणे ।
- 9.061.30c रक्षा समस्य नो निदः ॥

- 9.062.01a ए॒ते अ॒सृ॒ग्र॒मि॒न्द॒व॒स्ति॒रः प॒वि॒त्र॒मा॒श॒वः ।
- 9.062.01c वि॒श्वान्य॑भि॒ सौ॒भ॒गा ॥
- 9.062.02a वि॒घ्नन्तो॑ दु॒रि॒ता पु॒रु सु॒गा तो॒काय॑ वा॒जिनः॑ ।
- 9.062.02c तना॑ कृ॒णव॑न्तो अ॒व॒ते ॥
- 9.062.03a कृ॒णव॑न्तो वरि॒वो ग॒वेऽभ्य॑र्षन्ति सु॒ष्टु॒तिम् ।
- 9.062.03c इ॒ळाम॑स्मभ्यं सं॒य॒तम् ॥
- 9.062.04a अ॒सा॒व्यंशु॑र्म॒दाया॑प्सु द॒त्तो गि॒रि॒ष्ठाः ।
- 9.062.04c श्ये॑नो न यो॒नि॒मा॒स॒दत् ॥
- 9.062.05a शु॒भ्रम॑न्धो दे॒वा॒त॒म॒प्सु धू॒तो नृ॒भिः सु॒तः ।
- 9.062.05c स्व॑दन्ति गा॒वः प॒यो॒भिः ॥
- 9.062.06a आ॒दी॒म॒श्वं न हे॒तारो॑ऽशू॒शुभ॑न्न॒मृ॒ताय॑ ।
- 9.062.06c म॒ध्वो र॑सं स॒ध॒मा॒दे ॥
- 9.062.07a या॒स्ते धा॒रा म॒धुश्चु॑तोऽसृ॒ग्र॒मि॒न्द ऊ॒तये॑ ।
- 9.062.07c ता॒भिः प॒वि॒त्र॒मा॒स॒दः ॥
- 9.062.08a सो अ॒र्षे॑न्द्राय पी॒तये॑ ति॒रो रो॒मा॒ण्य॑व्यया ।
- 9.062.08c सी॒द॒न्यो॒ना व॑नेष्वा ॥
- 9.062.09a त्वमि॑न्दो परि॒ स्र॒व स्वा॑दि॒ष्ठो अ॒ङ्गि॑रोभ्यः ।

- 9.062.09c वरिवोविद्धृतं पयः ॥
- 9.062.10a अयं विचर्षाणिर्हितः पवमानः स चेतति ।
- 9.062.10c हिन्वान आप्यं बृहत् ॥
- 9.062.11a एष वृषा वृषव्रतः पवमानो अशस्तिहा ।
- 9.062.11c करद्वसूनि दाशुषे ॥
- 9.062.12a आ पवस्व सहस्रिणं रयिं गोमन्तमश्विनम् ।
- 9.062.12c पुरुश्चन्द्रं पुरुस्पृहम् ॥
- 9.062.13a एष स्य परि षिच्यते मर्मृज्यमान आयुभिः ।
- 9.062.13c उरुगायः कविक्रतुः ॥
- 9.062.14a सहस्रोतिः शतामघो विमानो रजसः कविः ।
- 9.062.14c इन्द्राय पवते मदः ॥
- 9.062.15a गिरा जात इह स्तुत इन्दुरिन्द्राय धीयते ।
- 9.062.15c विर्योना वसताविव ॥
- 9.062.16a पवमानः सुतो नृभिः सोमो वाजमिवासरत् ।
- 9.062.16c चमूषु शक्मनासदम् ॥
- 9.062.17a तं त्रिपृष्ठे त्रिवन्धुरे रथे युञ्जन्ति यातवे ।
- 9.062.17c ऋषीणां सप्त धीतिभिः ॥
- 9.062.18a तं सोतारो धनस्पृतमाशुं वाजाय यातवे ।

- 9.062.18c हरि॑ हिनो॑त वाजिन॑म् ॥
- 9.062.19a आ॒वि॒श॒न्क॒ल॒शं॑ सु॒तो वि॒श्वा अ॒र्ष॒न्न॒भि श्रि॒यः॑ ।
- 9.062.19c शू॒रो न गो॑षु तिष्ठति ॥
- 9.062.20a आ॒ त इ॒न्दो म॒दाय॑ कं प॒यो दु॒ह॒न्त्या॒यवः॑ ।
- 9.062.20c दे॒वा दे॒वेभ्यो॑ म॒धु ॥
- 9.062.21a आ॒ नः सोमं॑ प॒वित्र॑ आ॒ सृ॒जता॑ म॒धुम॑त्तमम् ।
- 9.062.21c दे॒वेभ्यो॑ दे॒वश्रु॑त्तमम् ॥
- 9.062.22a ए॒ते सोमा॑ असृ॒क्षत॑ गृ॒णानाः॑ श्र॒वसे॑ म॒हे ।
- 9.062.22c म॒दि॒न्त॑मस्य धारया ॥
- 9.062.23a अ॒भि ग॒व्यानि॑ वी॒तये॑ नृ॒म्णा पु॒नानो॑ अ॒र्षसि॑ ।
- 9.062.23c स॒न॒द्वाजः॑ परि॒ स्र॒व ॥
- 9.062.24a उ॒त नो॑ गो॒मती॑रिषो वि॒श्वा अ॒र्ष परि॑ष्टुभः ।
- 9.062.24c गृ॒णानो॑ ज॒मद॑ग्निना ॥
- 9.062.25a प॒वस्व॑ वा॒चो अ॒ग्रि॒यः सोम॑ चि॒त्राभि॑रू॒तिभिः॑ ।
- 9.062.25c अ॒भि वि॒श्वानि॑ का॒व्या ॥
- 9.062.26a त्वं स॒मु॒द्रिया॑ अ॒पोऽग्रि॒यो वाच॑ ई॒रय॑न् ।
- 9.062.26c प॒वस्व॑ विश्वमेजय ॥
- 9.062.27a तु॒भ्येमा॑ भु॒वना॑ क॒वे म॒हि॒म्ने सोम॑ तस्थिरे ।

- 9.062.27c तु॒भ्यम॑र्षन्ति॒ सिन्ध॑वः ॥
- 9.062.28a प्र॒ ते॑ दि॒वो न॒ वृष्ट॑यो॒ धारा॑ यन्त्यसश्चतः ।
- 9.062.28c अ॒भि शु॒क्रामु॑पस्तिरम् ॥
- 9.062.29a इन्द्रा॑येन्दुं पुनीतनो॒ग्रं द॑त्ताय साधनम् ।
- 9.062.29c ई॒शानं॑ वीतिराधसम् ॥
- 9.062.30a प॒वमान॑ ऋ॒तः क॒विः सोमः॑ प॒वित्र॑मासदत् ।
- 9.062.30c द॒धत्स्तो॑त्रे सु॒वीर्य॑म् ॥
- 9.063.01a आ॒ प॒वस्व॑ स॒हस्रि॑णं॒ रयि॑ं सोम सु॒वीर्य॑म् ।
- 9.063.01c अ॒स्मे श्र॑वांसि धारय ॥
- 9.063.02a इ॒षमूर्जं॑ च पि॒न्वस॑ इन्द्राय मत्सरि॒न्तमः॑ ।
- 9.063.02c च॒मूष्वा॑ नि षी॒दसि॑ ॥
- 9.063.03a सु॒त इन्द्रा॑य विष्णा॒वे सोमः॑ क॒लशे॑ अ॒क्षर॑त् ।
- 9.063.03c म॒धुमाँ॑ अस्तु वा॒यवे॑ ॥
- 9.063.04a ए॒ते अ॒सृग्र॑माशवोऽति ह॒रांसि॑ ब॒भ्रवः॑ ।
- 9.063.04c सो॒मा ऋ॒तस्य॑ धारया ॥
- 9.063.05a इन्द्रं॑ वर्धन्तो अ॒प्तुरः॑ कृ॒णव॑न्तो वि॒श्वमा॑र्यम् ।
- 9.063.05c अ॒पघ्न॑न्तो अ॒राव्याः॑ ॥

9.063.06a सु॒ता अ॒नु स्व॒मा र॒जोऽभ्य॑र्षन्ति ब॒भ्रवः॑ ।

9.063.06c इन्द्रं॑ गच्छन्त॒ इन्द्र॑वः ॥

9.063.07a अ॒या प॒वस्व॑ धा॒रया॑ यया॒ सूर्य॑मरोचयः ।

9.063.07c हि॒न्वानो॑ मा॒नुषी॑रपः ॥

9.063.08a अ॒युक्त॑ सू॒र ए॒तशं॑ प॒वमानो॑ म॒नावधि॑ ।

9.063.08c अ॒न्तरि॑क्षेण॒ यात॑वे ॥

9.063.09a उ॒त त्या॑ ह॒रितो॑ द॒श सू॒रो अ॒युक्त॑ या॒तवे॑ ।

9.063.09c इन्द्रु॑रिन्द्र॒ इति॑ ब्रुवन् ॥

9.063.10a प॒रीतो॑ वा॒यवे॑ सु॒तं गि॒र इन्द्रा॑य म॒त्सर॑म् ।

9.063.10c अ॒व्यो वा॑रेषु॒ सिञ्च॑त ॥

9.063.11a प॒वमान॑ वि॒दा र॒यिम॑स्मभ्यं॒ सोम॑ दु॒ष्टर॑म् ।

9.063.11c यो दू॒णाशो॑ व॒नुष्य॑ता ॥

9.063.12a अ॒भ्यर्ष॑ सह॒स्त्रिणं॑ र॒यिं गो॑मन्तम॒श्विन॑म् ।

9.063.12c अ॒भि वा॑जमु॒त श्र॑वः ॥

9.063.13a सो॒मो दे॒वो न॑ सू॒र्योऽद्रि॑भिः प॒वते॑ सु॒तः ।

9.063.13c द॒धानः॑ क॒लशे॑ र॒सम् ॥

9.063.14a ए॒ते धा॑मान्यार्या॒ शुक्रा॑ ऋ॒तस्य॑ धा॒रया॑ ।

9.063.14c वा॒जं गो॑मन्तम॒क्षर॑न् ॥

- 9.063.15a सु॒ता इन्द्रा॑य वज्रि॒णे सोमा॑सो द॒ध्याशि॑रः ।
- 9.063.15c पवि॒त्रम॑त्य॒क्षर॑न् ॥
- 9.063.16a प्र सोम॑ मधु॒मत्त॑मो रा॒ये अ॒र्ष पवि॑त्र आ ।
- 9.063.16c म॒दो यो दे॑व॒वीत॑मः ॥
- 9.063.17a तमी॑ मृ॒जन्त्या॑यवो ह॒रिं नदी॑षु वा॒जिन॑म् ।
- 9.063.17c इन्द्रु॑मिन्द्रा॒य मत्स॑रम् ॥
- 9.063.18a आ पव॑स्व हि॒रण्य॑वद॒श्वाव॑त्सोम वी॒रव॑त् ।
- 9.063.18c वा॒जं गो॑मन्त॒मा भर॑ ॥
- 9.063.19a परि॑ वा॒जे न वा॑ज॒युम॑व्यो वा॒रेषु॑ सिञ्चत ।
- 9.063.19c इन्द्रा॑य मधु॒मत्त॑मम् ॥
- 9.063.20a क॒विं मृ॑जन्ति म॒र्ज्य॑ धी॒भिर्वि॑प्रा अ॒वस्य॑वः ।
- 9.063.20c वृषा॑ क॒निक्र॑दर्षति ॥
- 9.063.21a वृष॑णं धी॒भिर॑प्तु॒रं सोम॑मृ॒तस्य॑ धा॒रया॑ ।
- 9.063.21c मती॑ वि॒प्राः सम॑स्वरन् ॥
- 9.063.22a पव॑स्व दे॒वायु॑षगिन्द्रं ग॒च्छतु॑ ते म॒दः ।
- 9.063.22c वा॒युमा॑ रोह॒ धर्म॑णा ॥
- 9.063.23a पव॑मान॒ नि तो॑शसे र॒यिं सोम॑ श्रवा॒य्यम् ।
- 9.063.23c प्रि॒यः समु॑द्र॒मा वि॑श ॥

- 9.063.24a अप॒घ्न॒न्प॒वसे॑ मृ॒धः॑ क्र॒तु॒वि॒त्सो॑म॒ मत्स॑रः ।
- 9.063.24c नु॒द॒स्वादे॑व॒युं॒ जन॑म् ॥
- 9.063.25a प॒वमा॑ना अ॒सृ॒क्षत॑ सो॒माः॑ शु॒क्रास॑ इ॒न्द्रवः॑ ।
- 9.063.25c अ॒भि॒ विश्वा॑नि॒ काव्या॑ ॥
- 9.063.26a प॒वमा॑नास॒ आश॑वः॒ शु॒भ्रा अ॒सृ॒ग्रमि॑न्द्रवः ।
- 9.063.26c घ्न॒न्तो॒ विश्वा॑ अप॒ द्विषः॑ ॥
- 9.063.27a प॒वमा॑ना दि॒वस्पर्॑यन्त॒रि॒क्षाद॑सृ॒क्षत॑ ।
- 9.063.27c पृ॒थि॒व्या अ॒धि॒ सान॑वि ॥
- 9.063.28a पु॒नानः॑ सो॒म धा॑रये॒न्दो॒ विश्वा॑ अप॒ स्त्रिधः॑ ।
- 9.063.28c ज॒हि॒ रक्षा॑सि॒ सुक्र॑तो ॥
- 9.063.29a अप॒घ्नन्सो॑म॒ रक्ष॑सोऽभ्य॒र्ष क॑नि॒क्रद॑त् ।
- 9.063.29c द्यु॒मन्तं॑ शु॒ष्ममु॑त्त॒मम् ॥
- 9.063.30a अ॒स्मे व॑सू॒नि धा॑रय॒ सोम॑ दि॒व्यानि॑ पा॒र्थिवा॑ ।
- 9.063.30c इ॒न्दो॒ विश्वा॑नि॒ वार्या॑ ॥
- 9.064.01a वृ॒षा सो॑म॒ द्युमाँ॑ अ॒सि॒ वृषा॑ दे॒व वृ॑ष॒व्रतः॑ ।
- 9.064.01c वृ॒षा ध॑र्मा॒णि द॑धिषे ॥
- 9.064.02a वृ॒ष्णास्ते॑ वृ॒ष्णयं॑ श॒वो वृ॑षा॒ वनं॑ वृ॒षा म॑दः ।

- 9.064.02c स॒त्यं वृ॒षन्वृ॒षेद॑सि ॥
- 9.064.03a अ॒श्वो न च॑क्र॒दो वृ॒षा सं गा॑ इ॒न्दो स॒मर्व॑तः ।
- 9.064.03c वि नो॑ रा॒ये दुरो॑ वृ॒धि ॥
- 9.064.04a अ॒सृ॒क्षत॑ प्र वा॒जिनो॑ ग॒व्या सो॒मासो॑ अ॒श्वया॑ ।
- 9.064.04c शु॒क्रासो॑ वी॒रया॑शवः ॥
- 9.064.05a शु॒म्भमा॑ना ऋ॒तायु॑भिर्मु॒ज्यमा॑ना ग॒भस्त्योः॑ ।
- 9.064.05c प॒वन्ते॑ वा॒रे अ॒व्यये॑ ॥
- 9.064.06a ते वि॒श्वा दा॑शु॒षे वसु॑ सो॒मा दि॒व्यानि॑ पा॒र्थिवा॑ ।
- 9.064.06c प॒वन्ता॑मा॒न्तरि॑द्या ॥
- 9.064.07a प॒वमा॑नस्य वि॒श्ववि॑त्प्र ते स॒र्गा अ॒सृ॒क्षत॑ ।
- 9.064.07c सूर्य॑स्येव न र॒श्मयः॑ ॥
- 9.064.08a के॒तुं कृ॒णव॑न्दि॒वस्परि॑ वि॒श्वा रू॒पाभ्य॑र्षसि ।
- 9.064.08c स॒मुद्रः॑ सो॒म पि॒न्वसे॑ ॥
- 9.064.09a हि॒न्वानो॑ वा॒चमि॑ष्यसि प॒वमा॑न वि॒धर्म॑णि ।
- 9.064.09c अ॒क्रान्दे॑वो न सूर्यः ॥
- 9.064.10a इ॒न्दुः प॒विष्ट॑ चे॒तनः॑ प्रि॒यः क॒वीनां॑ म॒ती ।
- 9.064.10c सृ॒जद॑श्वं रथी॒रिव॑ ॥
- 9.064.11a ऊ॒र्मिर्य॑स्ते प॒वित्र॑ आ दे॒वावीः॑ पर्य॒क्षर॑त् ।

- 9.064.11c सीद॑न्नृत॒स्य॒ यो॒नि॒मा ॥
- 9.064.12a स॒ नो॑ अ॒र्ष॒ प॒वि॒त्र॒ आ॒ म॒दो॑ यो॒ दे॒व॒वी॒त॒मः॑ ।
- 9.064.12c इ॒न्द्र॒वि॒न्द्रा॒य॒ पी॒त॒ये ॥
- 9.064.13a इ॒षे॒ प॒व॒स्व॒ धा॒र॒या॒ मृ॒ज्य॒मा॒नो॑ म॒नी॒षि॒भिः॑ ।
- 9.064.13c इ॒न्द्रो॑ रु॒चा॒भि॒ गा॒ इ॒हि ॥
- 9.064.14a पु॒ना॒नो॑ व॒रि॒व॒स्कृ॒ध्यू॒र्ज॒ ज॒ना॒य॒ गि॒र्व॒णः॑ ।
- 9.064.14c ह॒रे॑ सृ॒जा॒न॒ आ॒शि॒र॒म् ॥
- 9.064.15a पु॒ना॒नो॑ दे॒व॒वी॒त॒य॒ इ॒न्द्र॒स्य॒ या॒हि॒ नि॒ष्कृ॒त॒म् ।
- 9.064.15c द्यु॒ता॒नो॑ वा॒जि॒भि॒र्य॒तः॑ ॥
- 9.064.16a प्र॒ हि॒न्वा॒ना॒स॒ इ॒न्द्र॒वोऽ॒च्छा॑ स॒मु॒द्र॒मा॒श॒वः॑ ।
- 9.064.16c धि॒या॒ जू॒ता॒ अ॒सृ॒क्ष॒त ॥
- 9.064.17a म॒र्मृ॒जा॒ना॒स॒ आ॒य॒वो॑ वृ॒था॒ स॒मु॒द्र॒मि॒न्द्र॒वः॑ ।
- 9.064.17c अ॒ग्न॒न्नृत॒स्य॒ यो॒नि॒मा ॥
- 9.064.18a परि॑ णो॒ या॒ह्य॒स्म॒यु॒र्वि॒श्वा॒ व॒सू॒न्यो॒ज॒सा॑ ।
- 9.064.18c पा॒हि॒ नः॑ श॒र्म॒ वी॒र॒वत् ॥
- 9.064.19a मि॒मा॒ति॒ व॒ह्नि॒रे॒त॒शः॑ प॒दं॒ यु॒जा॒न॒ ऋ॒क्व॒भिः॑ ।
- 9.064.19c प्र॒ य॒त्स॒मु॒द्र॒ आ॒हि॒तः॑ ॥
- 9.064.20a आ॒ य॒द्यो॒निं॑ हि॒र॒ण्य॒य॒मा॒शु॒र्त॒स्य॒ सी॒द॒ति॑ ।

- 9.064.20c जहा॑त्य॒प्रचे॑तसः ॥
- 9.064.21a अ॒भि वे॒ना अ॒नू॒ष॒ते॒य॒क्ष॒न्ति॒ प्र॒चे॑तसः ।
- 9.064.21c म॒ज्ज॒न्त्य॒वि॒चे॑तसः ॥
- 9.064.22a इन्द्रा॑ये॒न्दो म॒रु॒त्व॒ते प॒व॒स्व म॒धु॒म॒त्त॒मः ।
- 9.064.22c ऋ॒त॒स्य॒ यो॒नि॒मा॒स॒द॒म् ॥
- 9.064.23a तं त्वा॑ वि॒प्रा व॒चो॒वि॒दः॒ परि॑ ष्कृ॒ण॒व॒न्ति॒ वे॒ध॒सः॑ ।
- 9.064.23c सं त्वा॑ मृ॒ज॒न्त्या॒य॒वः ॥
- 9.064.24a र॒सं ते॑ मि॒त्रो अ॒र्य॒मा पि॒ब॒न्ति॒ व॒रु॒णः॒ क॒वे ।
- 9.064.24c प॒व॒मा॒न॒स्य॒ म॒रु॒तः ॥
- 9.064.25a त्वं सो॒म वि॒प॒श्चि॒तं पु॒ना॒नो वा॒च॒मि॒ष्य॒सि ।
- 9.064.25c इ॒न्दो॑ स॒ह॒स्र॒भ॒र्ण॒स॒म् ॥
- 9.064.26a उ॒तो स॒ह॒स्र॒भ॒र्ण॒सं॒ वा॒चं॑ सो॒म म॒ख॒स्यु॒व॒म् ।
- 9.064.26c पु॒ना॒न इ॒न्द्र॒वा भ॒र ॥
- 9.064.27a पु॒ना॒न इ॒न्द्र॒वेषां॑ पु॒रु॒हू॒त ज॒ना॒ना॒म् ।
- 9.064.27c प्रि॒यः स॒मु॒द्र॒मा वि॒श ॥
- 9.064.28a द॒वि॒द्यु॒त॒त्या रु॒चा परि॑ष्टो॒भ॒न्त्या॒ कृ॒पा ।
- 9.064.28c सो॒माः शु॒क्रा ग॒वा॒शि॒रः ॥
- 9.064.29a हि॒न्वा॒नो हे॒तृ॒भि॒र्य॒त आ॒ वा॒जं वा॒ज्य॒क॒र्मी॒त् ।

- 9.064.29c सीदन्तो वनुषो यथा ॥
- 9.064.30a ऋधक्सोम स्वस्तये संजग्मानो दिवः कविः ।
- 9.064.30c पवस्व सूर्यो दृशे ॥
- 9.065.01a हिन्वन्ति सूरमुखयः स्वसारो जामयस्पतिम् ।
- 9.065.01c महामिन्दुं महीयुवः ॥
- 9.065.02a पवमान रुचारुचा देवो देवेभ्यस्परि ।
- 9.065.02c विश्वा वसून्या विश ॥
- 9.065.03a आ पवमान सुष्टुतिं वृष्टिं देवेभ्यो दुवः ।
- 9.065.03c इषे पवस्व संयतम् ॥
- 9.065.04a वृषा ह्यसि भानुना द्युमन्तं त्वा हवामहे ।
- 9.065.04c पवमान स्वाध्यः ॥
- 9.065.05a आ पवस्व सुवीर्यं मन्दमानः स्वायुध ।
- 9.065.05c इहो ध्विन्दवा गहि ॥
- 9.065.06a यदद्भिः परिषिच्यसे मृज्यमानो गभस्त्योः ।
- 9.065.06c द्रुणा सधस्थमश्रुषे ॥
- 9.065.07a प्र सोमाय व्यश्वत्पवमानाय गायत ।
- 9.065.07c महे सहस्रचक्षसे ॥

- 9.065.08a यस्य॑ वर्ण॑ मधु॑श्चु॒तं ह॑रिं॒ हि॒न्वन्त्य॑द्रिभिः ।
- 9.065.08c इ॒न्दुमि॑न्द्राय॒ पी॒तये॑ ॥
- 9.065.09a तस्य॑ ते वा॒जिनो॑ वयं॒ विश्वा॑ ध॒नानि॑ जि॒ग्युषः॑ ।
- 9.065.09c सखि॑त्वमा वृणी॑महे ॥
- 9.065.10a वृषा॑ पवस्व॒ धारया॑ मरु॒त्वते॑ च मत्सरः ।
- 9.065.10c विश्वा॑ द॒धान॑ अ॒जसा॑ ॥
- 9.065.11a तं त्वा॑ ध॒तरि॑मो॒णयो॑ः॒ पव॑मान॒ स्वर्दृ॑शम् ।
- 9.065.11c हि॒न्वे वा॑जेषु वा॒जिन॑म् ॥
- 9.065.12a अ॒या चि॑त्तो वि॒पानया॑ ह॒रिः पव॑स्व॒ धारया॑ ।
- 9.065.12c यु॒जं वा॑जेषु चोदय ॥
- 9.065.13a आ न॑ इ॒न्दो म॒हीमिषं॑ पवस्व॒ विश्व॑दर्शतः ।
- 9.065.13c अ॒स्मभ्यं॑ सोम गा॒तुवित् ॥
- 9.065.14a आ क॒लशा॑ अ॒नूष॑ते॒न्दो धा॑रा॒भिरो॑जसा ।
- 9.065.14c ए॒न्द्रस्य॑ पी॒तये॑ विश ॥
- 9.065.15a यस्य॑ ते म॒द्यं रसं॑ ती॒व्रं दु॒हन्त्य॑द्रिभिः ।
- 9.065.15c स पव॑स्वाभिमातिहा ॥
- 9.065.16a राजा॑ मे॒धाभि॑रीयते पव॒मानो॑ म॒नावधि॑ ।
- 9.065.16c अ॒न्तरि॑क्षेण॒ यात॑वे ॥

- 9.065.17a आ न॑ इ॒न्दो॑ श॒त॒ग्वि॒नं॑ ग॒वां॒ पो॒षं॒ स्व॒श्व्य॑म् ।
- 9.065.17c व॒हा॒ भ॒ग॒त्ति॑मू॒तये॑ ॥
- 9.065.18a आ नः॑ सो॒म॒ सहो॑ जु॒वो॑ रू॒पं॒ न॒ वर्च॑से॒ भर॑ ।
- 9.065.18c सु॒ष्वा॒णो॒ दे॒व॒वी॒तये॑ ॥
- 9.065.19a अ॒र्षा॑ सो॒म॒ द्यु॒म॒त्त॑मोऽभि॒ द्रो॒णा॑नि॒ रो॒रु॑वत् ।
- 9.065.19c सी॒द॒ञ्छे॑नो॒ न॒ यो॒नि॒मा॑ ॥
- 9.065.20a अ॒प्सा॑ इ॒न्द्रा॑य॒ वा॒य॒वे॒ व॒रु॑णाय॒ म॒रु॒द्भ्यः॑ ।
- 9.065.20c सो॒मो॑ अ॒र्ष॑ति॒ वि॒ष्णा॑वे ॥
- 9.065.21a इ॒षं॑ तो॒का॒य॒ नो॑ द॒ध॒द॒स्म॒भ्यं॑ सो॒म॒ वि॒श्व॑तः ।
- 9.065.21c आ॒ प॒व॒स्व॒ स॒ह॒स्त्रि॑णाम् ॥
- 9.065.22a ये॒ सो॒मा॑सः॒ प॒रा॒व॒ति॒ ये॒ अ॒र्वा॒व॒ति॑ सु॒न्वि॒रे॒ ।
- 9.065.22c ये॒ वा॒दः॑ श॒र्य॑णा॒व॒ति॑ ॥
- 9.065.23a य॒ आ॒र्जी॑केषु॒ कृ॒त्व॒सु॒ ये॒ म॒ध्ये॑ प॒स्त्या॑नाम् ।
- 9.065.23c ये॒ वा॒ ज॒ने॒षु॒ प॒ञ्च॑सु ॥
- 9.065.24a ते॒ नो॑ वृ॒ष्टिं॑ दि॒व॒स्परि॑ प॒व॒न्ता॑मा॒ सु॒वी॒र्य॑म् ।
- 9.065.24c सु॒वा॒ना॒ दे॒वा॑स॒ इ॒न्द्र॑वः ॥
- 9.065.25a प॒व॒ते॑ ह॒र्य॑तो॒ हरि॑र्गृ॒णानो॑ ज॒म॒द॒ग्नि॑ना ।
- 9.065.25c हि॒न्वा॒नो॒ गो॒र॒धि॑ त्व॒चि॑ ॥

9.065.26a प्र शुक्रासो वयोजुवो हिन्वानासो न सप्तयः ।

9.065.26c श्रीणाना अप्सु मृञ्जत ॥

9.065.27a तं त्वा सुतेष्वाभुवो हिन्विरे देवतातये ।

9.065.27c स पवस्वानया रुचा ॥

9.065.28a आ ते दक्षं मयोभुवं वह्निमद्या वृणीमहे ।

9.065.28c पान्तमा पुरुस्पृहम् ॥

9.065.29a आ मन्द्रमा वरेण्यमा विप्रमा मनीषिणाम् ।

9.065.29c पान्तमा पुरुस्पृहम् ॥

9.065.30a आ रयिमा सुचेतुनमा सुक्रतो तनूष्वा ।

9.065.30c पान्तमा पुरुस्पृहम् ॥

9.066.01a पवस्व विश्वचर्षणेऽभि विश्वानि काव्या ।

9.066.01c सखा सखिभ्य ईड्यः ॥

9.066.02a ताभ्यां विश्वस्य राजसि ये पवमान धामनी ।

9.066.02c प्रतीची सोम तस्थतुः ॥

9.066.03a परि धामानि यानि ते त्वं सोमासि विश्वतः ।

9.066.03c पवमान ऋतुभिः कवे ॥

9.066.04a पवस्व जनयन्निषोऽभि विश्वानि वार्या ।

- 9.066.04c सखा सखिभ्य ऊतये ॥
- 9.066.05a तव शुक्रासो अर्चयो दिवस्पृष्टे वि तन्वते ।
- 9.066.05c पवित्रं सोम धामभिः ॥
- 9.066.06a तवेमे सप्त सिन्धवः प्रशिषं सोम सिस्त्रते ।
- 9.066.06c तुभ्यं धावन्ति धेनवः ॥
- 9.066.07a प्र सोम याहि धारया सुत इन्द्राय मत्सरः ।
- 9.066.07c दधानो अक्षिति श्रवः ॥
- 9.066.08a समु त्वा धीभिरस्वरन्दिन्वतीः सप्त जामयः ।
- 9.066.08c विप्रमाजा विवस्वतः ॥
- 9.066.09a मृजन्ति त्वा समग्रुवोऽव्ये जीरावधि ष्वणि ।
- 9.066.09c रेभो यदज्यसे वने ॥
- 9.066.10a पवमानस्य ते कवे वाजिन्सर्गा असृक्षत ।
- 9.066.10c अर्वन्तो न श्रवस्यवः ॥
- 9.066.11a अच्छा कोशं मधुश्चुतमसृग्रं वारे अव्यये ।
- 9.066.11c अवावशन्त धीतयः ॥
- 9.066.12a अच्छा समुद्रमिन्दवोऽस्तं गावो न धेनवः ।
- 9.066.12c अगमन्नृतस्य योनिमा ॥
- 9.066.13a प्र ण इन्दो महे रण आपो अर्षन्ति सिन्धवः ।

- 9.066.13c यद्गोभिर्वासयिष्यसे ॥
- 9.066.14a अस्य ते सरव्ये वयमियत्नन्तस्त्वोतयः ।
- 9.066.14c इन्दो सखित्वमुश्मसि ॥
- 9.066.15a आ पवस्व गविष्टये महे सोम नृचक्षसे ।
- 9.066.15c एन्द्रस्य जठरे विश ॥
- 9.066.16a महाँ असि सोम ज्येष्ठ उग्राणामिन्द ओजिष्ठः ।
- 9.066.16c युध्वा सञ्छश्चज्जिगेथ ॥
- 9.066.17a य उग्रेभ्यश्चिदोजीयाञ्छूरेभ्यश्चिच्छूरतरः ।
- 9.066.17c भूरिदाभ्यश्चिन्मंहीयान् ॥
- 9.066.18a त्वं सोम सूर एषस्तोकस्य साता तनूनाम् ।
- 9.066.18c वृणीमहे सरव्याय वृणीमहे युज्याय ॥
- 9.066.19a अग्न आयूंषि पवस आ सुवोर्जमिषं च नः ।
- 9.066.19c आरे बाधस्व दुच्छुनाम् ॥
- 9.066.20a अग्निर्ऋषिः पवमानः पाञ्चजन्यः पुरोहितः ।
- 9.066.20c तमीमहे महागयम् ॥
- 9.066.21a अग्ने पवस्व स्वपा अस्मे वर्चः सुवीर्यम् ।
- 9.066.21c दधद्रयिं मयि पोषम् ॥
- 9.066.22a पवमानो अति स्निधोऽभ्यर्षति सुष्टुतिम् ।

- 9.066.22c स॒रो न॒ विश्व॑दर्श॒तः ॥
- 9.066.23a स॒ म॒र्म॒जा॒न आ॒यु॒भिः प्र॒य॒स्वा॒न्प्र॒य॒से हि॒तः ।
- 9.066.23c इ॒न्दुर॑त्यो॒ वि॒च॒क्ष॒णः ॥
- 9.066.24a प॒व॒मा॒न ऋ॒तं बृ॒ह॒च्छु॒क्रं ज्यो॑ति॒रजी॑जनत् ।
- 9.066.24c कृ॒ष्णा॒ तमा॑सि॒ जङ्घ॑नत् ॥
- 9.066.25a प॒व॒मा॒नस्य॑ जङ्घ॒तो ह॑रेश्च॒न्द्रा अ॑सृ॒क्षत॑ ।
- 9.066.25c जी॒रा अ॒जि॒रशो॑चिषः ॥
- 9.066.26a प॒व॒मा॒नो रथी॑तमः शु॒भ्रेभिः॑ शु॒भ्रश॑स्तमः ।
- 9.066.26c ह॑रिश्च॒न्द्रो म॑रु॒द्र॒णः ॥
- 9.066.27a प॒व॒मा॒नो व्य॑श्रव॒द्रश्मि॑भिर्वा॒जसा॑तमः ।
- 9.066.27c द॒ध॒त्स्तो॑त्रे सु॒वीर्य॑म् ॥
- 9.066.28a प्र सु॒वा॒न इ॒न्दुर॑क्षाः प॒वि॒त्रम॒त्यव्य॑यम् ।
- 9.066.28c पु॒ना॒न इ॒न्दुरि॑न्द्र॒मा ॥
- 9.066.29a ए॒ष सो॑मो अ॒धि त्व॑चि॒ गवा॑ं क्री॒ळत्य॑द्रिभिः ।
- 9.066.29c इ॒न्द्रं म॑दा॒य जो॑हुवत् ॥
- 9.066.30a य॒स्य ते॑ द्यु॒म्न॒व॒त्प॒यः प॒व॒मा॒नाभृ॑तं दि॒वः ।
- 9.066.30c ते॒न नो॑ मृ॒ळ जी॑वसे ॥

- 9.067.01a त्वं सोमासि धारयुर्मन्द्र अजिष्ठो अध्वरे ।
- 9.067.01c पवस्व मंहयद्रयिः ॥
- 9.067.02a त्वं सुतो नृमादनो दधन्वान्मत्सरिन्तमः ।
- 9.067.02c इन्द्राय सूरिरन्धसा ॥
- 9.067.03a त्वं सुष्वाणो अद्रिभिरभ्यर्ष कनिक्रदत् ।
- 9.067.03c द्युमन्तं शुष्ममुत्तमम् ॥
- 9.067.04a इन्दुर्हिन्वानो अर्षति तिरो वाराण्यव्यया ।
- 9.067.04c हरिर्वाजमचिक्रदत् ॥
- 9.067.05a इन्दो व्यव्यमर्षसि वि श्रवांसि वि सौभगा ।
- 9.067.05c वि वाजान्सोम गोमतः ॥
- 9.067.06a आ न इन्दो शतग्विनं रयिं गोमन्तमश्विनम् ।
- 9.067.06c भरा सोम सहस्त्रिणम् ॥
- 9.067.07a पवमानास इन्दवस्तिरः पवित्रमाशवः ।
- 9.067.07c इन्द्रं यामेभिराशत ॥
- 9.067.08a ककुहः सोम्यो रस इन्दुरिन्द्राय पूर्व्यः ।
- 9.067.08c आयुः पवत आयवे ॥
- 9.067.09a हिन्वन्ति सूरमुस्रयः पवमानं मधुश्रुतम् ।
- 9.067.09c अभि गिरा समस्वरन् ॥

- 9.067.10a अ॒वि॒ता नो॑ अ॒जा॒श्वः॑ पू॒षा या॑म॒न्या॒मनि॑ ।
- 9.067.10c आ॒ भ॒क्ष॒त्क॒न्या॒सु नः॑ ॥
- 9.067.11a अ॒यं सो॑मः क॒प॒दि॒ने॑ घृ॒तं न॑ प॒वते॑ म॒धु ।
- 9.067.11c आ॒ भ॒क्ष॒त्क॒न्या॒सु नः॑ ॥
- 9.067.12a अ॒यं त॑ आ॒घृ॒णे सु॒तो घृ॒तं न॑ प॒वते॑ शु॒चि॑ ।
- 9.067.12c आ॒ भ॒क्ष॒त्क॒न्या॒सु नः॑ ॥
- 9.067.13a वा॒चो ज॒न्तुः॑ क॒वी॒नां प॑व॒स्व सो॑म॒ धार॑या ।
- 9.067.13c दे॒वेषु॑ र॒त्न॒धा अ॑सि ॥
- 9.067.14a आ॒ क॒ल॒शेषु॑ धा॒वति॑ श्ये॒नो वर्म॑ वि॒ गा॒हते॑ ।
- 9.067.14c अ॒भि द्रो॑णा क॒निक्र॑दत् ॥
- 9.067.15a परि॒ प्र सो॑म॒ ते र॒सोऽस॑र्जि॒ क॒ल॒शे सु॒तः ।
- 9.067.15c श्ये॒नो न॑ त॒क्तो अ॑र्षति ॥
- 9.067.16a प॒व॒स्व सो॑म॒ म॒न्द॒य॒न्नि॒न्द्राय॑ म॒धु॒म॒त्त॒मः ॥
- 9.067.17a अ॒सृ॒ग्र॒न्दे॒व॒वी॒तये॑ वा॒ज॒य॒न्तो॑ र॒था इ॒व ॥
- 9.067.18a ते सु॒ता॒सो म॑दि॒न्त॒माः शु॒क्रा वा॒यु॒म॒सृ॒क्षत॑ ॥
- 9.067.19a ग्रा॒व्या तु॒न्नो अ॒भिष्टु॑तः प॒वि॒त्रं सो॑म॒ ग॒च्छ॒सि॑ ।
- 9.067.19c द॒ध॒त्स्तो॑त्रे सु॒वी॒र्य॑म् ॥
- 9.067.20a एष॒ तु॒न्नो अ॒भिष्टु॑तः प॒वि॒त्र॒मति॑ गा॒हते॑ ।

- 9.067.20c र॒क्षो॒हा॒ वा॒र॒म॒व्य॒य॒म् ॥
- 9.067.21a य॒द॒न्ति॒ य॒च्च॒ दू॒र॒के॒ भ॒यं॒ वि॒न्द॒ति॒ मा॒मि॒ह ।
- 9.067.21c प॒व॒मा॒न॒ वि॒ त॒ज्ज॒हि ॥
- 9.067.22a प॒व॒मा॒नः॒ सो॒ अ॒द्य॒ नः॒ प॒वि॒त्रे॒ण॒ वि॒च॒र्ष॒णिः॒ ।
- 9.067.22c यः॒ पो॒ता॒ स॒ पु॒ना॒तु॒ नः ॥
- 9.067.23a य॒त्ते॒ प॒वि॒त्र॒म॒र्चि॒ष्य॒ग्ने॒ वि॒त॒त॒म॒न्त॒रा ।
- 9.067.23c ब्र॒ह्म॒ ते॒न॒ पु॒नी॒हि॒ नः ॥
- 9.067.24a य॒त्ते॒ प॒वि॒त्र॒म॒र्चि॒व॒द॒ग्ने॒ ते॒न॒ पु॒नी॒हि॒ नः ।
- 9.067.24c ब्र॒ह्म॒स॒वैः॒ पु॒नी॒हि॒ नः ॥
- 9.067.25a उ॒भा॒भ्यां॒ दे॒व॒ स॒वि॒तः॒ प॒वि॒त्रे॒ण॒ स॒वे॒न॒ च॒ ।
- 9.067.25c मां॒ पु॒नी॒हि॒ वि॒श्व॒तः ॥
- 9.067.26a त्रि॒भि॒ष्ट्वं॒ दे॒व॒ स॒वि॒त॒र्व॒षि॒ष्ठैः॒ सो॒म॒ धा॒म॒भिः॒ ।
- 9.067.26c अ॒ग्ने॒ द॒क्षैः॒ पु॒नी॒हि॒ नः ॥
- 9.067.27a पु॒न॒न्तु॒ मां॒ दे॒व॒ज॒नाः॒ पु॒न॒न्तु॒ व॒स॒वो॒ धि॒या॒ ।
- 9.067.27c वि॒श्वे॒ दे॒वाः॒ पु॒नी॒त॒ मा॒ जा॒त॒वे॒दः॒ पु॒नी॒हि॒ मा॒ ॥
- 9.067.28a प्र॒ प्या॒य॒स्व॒ प्र॒ स्य॒न्द॒स्व॒ सो॒म॒ वि॒श्वे॒भि॒रं॒शु॒भिः॒ ।
- 9.067.28c दे॒वे॒भ्य॒ उ॒त्त॒मं॒ ह॒विः ॥
- 9.067.29a उप॒ प्रि॒यं॒ प॒नि॒प्र॒तं॒ यु॒वा॒न॒मा॒हु॒ती॒वृ॒ध॒म् ।

- 9.067.29c अ॒ग॒न्म॒ बि॒भ्र॒तो॒ न॒मः॑ ॥
- 9.067.30a अ॒ला॒य्य॒स्य॒ पर॑शु॒र्न॒ना॒श॒ त॒मा॒ प॒व॒स्व॒ दे॒व॒ सो॒म॒ ।
- 9.067.30c आ॒खुं॑ चि॒दे॒व॒ दे॒व॒ सो॒म॒ ॥
- 9.067.31a यः॑ पा॒व॒मा॒नी॒र॒ध्मे॒त्यृ॒षि॒भिः॑ स॒म्भृ॒तं॑ र॒स॒म् ।
- 9.067.31c स॒र्वं॑ स॒ पू॒त॒म॒श्ना॒ति॒ स्व॒दि॒तं॑ मा॒तरि॑श्व॒ना ॥
- 9.067.32a पा॒व॒मा॒नी॒र्यो॑ अ॒ध्मे॒त्यृ॒षि॒भिः॑ स॒म्भृ॒तं॑ र॒स॒म् ।
- 9.067.32c त॒स्मै॑ स॒र॒स्व॒ती॒ दु॒हे॒ क्षी॒रं॑ स॒र्पि॒र्म॒धू॒द॒क॒म् ॥
- 9.068.01a प्र॒ दे॒व॒म॒च्छा॑ म॒धु॒म॒न्त॒ इ॒न्द्र॒वोऽसि॑ष्य॒द॒न्त॒ गा॒व॒ आ॒ न॒ धे॒न॒वः॑ ।
- 9.068.01c ब॒र्हि॒ष॒दो॑ व॒च॒ना॒व॒न्त॒ ऊ॒ध॒भिः॑ प॒रि॒स्त्रु॒त॒मु॒स्त्रि॒या॒ नि॒र्णि॒जं॑ धि॒रे ॥
- 9.068.02a स॒ रो॒रु॒व॒द॒भि॒ पूर्वा॑ अ॒चि॒क्र॒द॒दु॒पा॒रु॒हः॑ श्रथ॒य॒न्स्वा॒द॒ते॒ हरिः॑ ।
- 9.068.02c ति॒रः॑ प॒वि॒त्रं॑ प॒रि॒य॒न्तु॒रु॒ ज्र॒यो॒ नि॒ श॒र्या॑णि॒ द॒ध॒ते॒ दे॒व॒ आ॒ व॒र॒म् ॥
- 9.068.03a वि॒ यो॒ म॒मे॒ य॒म्या॑ सं॒य॒ती॒ म॒दः॑ सा॒कं॒वृ॒धा॒ प॒य॒सा॑ पि॒न्व॒द॒क्षि॒ता॒ ।
- 9.068.03c म॒ही॒ अ॒पा॒रे॒ र॒ज॒सी॑ वि॒वे॒वि॒द॒द॒भि॒व्र॒ज॒न्न॒क्षि॒तं॑ पा॒ज॒ आ॒ द॒दे ॥
- 9.068.04a स॒ मा॒तरा॑ वि॒च॒र॒न्वा॒ज॒य॒न्न॒पः॑ प्र॒ मे॒धि॒रः॑ स्व॒ध॒या॑ पि॒न्व॒ते॒ प॒द॒म् ।
- 9.068.04c अं॒शु॒य॒वि॒न॒ पि॒पि॒शे॑ य॒तो॒ नृ॒भिः॑ सं॒ जा॒मि॒भि॒र्न॒स॒ते॒ र॒क्ष॒ते॒ शि॒रः॑ ॥
- 9.068.05a सं॒ द॒क्षे॑ण॒ मन॒सा॑ जा॒य॒ते॒ क॒वि॒र्ऋ॒त॒स्य॑ ग॒र्भो॑ नि॒हि॒तो॒ य॒मा॒ परः॑ ।
- 9.068.05c यू॒ना॒ ह॒ स॒न्ता॑ प्रथ॒मं॒ वि॒ ज॒ज्ञ॒तु॒र्गु॒हा॑ हि॒तं॒ ज॒नि॒म॒ ने॒म॒मु॒द्य॒त॒म् ॥

- 9.068.06a मन्द्रस्य रूपं विविदुर्मनीषिणः श्येनो यदन्धो अभरत्परावतः ।
- 9.068.06c तं मर्जयन्त सुवृधं नदीष्वँ उशन्तमंशुं परियन्तमृग्मियम् ॥
- 9.068.07a त्वां मृजन्ति दश योषणः सुतं सोम ऋषिभिर्मतिभिर्धीतिभिर्हितम् ।
- 9.068.07c अव्यो वारेभिरुत देवहृतिभिर्नृभिर्यतो वाजमा दर्षि सातये ॥
- 9.068.08a परिप्रयन्तं वय्यं सुषंसदं सोमं मनीषा अभ्यनूषत स्तुभः ।
- 9.068.08c यो धारया मधुमाँ ऊर्मिणा दिव इयर्ति वाचं रयिषाळमर्त्यः ॥
- 9.068.09a अयं दिव इयर्ति विश्वमा रजः सोमः पुनानः कलशेषु सीदति ।
- 9.068.09c अद्भिर्गोभिर्मृज्यते अद्भिः सुतः पुनान इन्दुर्वरिवो विदत्प्रियम् ॥
- 9.068.10a एवा नः सोम परिषिच्यमानो वयो दधच्चित्रतमं पवस्व ।
- 9.068.10c अद्वेषे द्यावापृथिवी हुवेम देवा धत्त रयिमस्मे सुवीरम् ॥
- 9.069.01a इषुर्न धन्वन्प्रति धीयते मतिर्वत्सो न मातुरुप सज्यूर्धनि ।
- 9.069.01c उरुधारेव दुहे अग्र आयत्यस्य व्रतेष्वपि सोम इष्यते ॥
- 9.069.02a उपो मतिः पृच्यते सिच्यते मधु मन्द्राजनी चोदते अन्तरासनि ।
- 9.069.02c पवमानः संतनिः प्रघ्नतामिव मधुमान्द्रप्सः परि वारमर्षति ॥
- 9.069.03a अव्ये वधूयुः पवते परि त्वचि श्रथ्नीते नक्षीरदितेऋतं यते ।
- 9.069.03c हरिरक्रान्यजतः संयतो मदो नृम्णा शिशानो महिषो न शोभते ॥
- 9.069.04a उक्षा मिमाति प्रति यन्ति धेनवो देवस्य देवीरुप यन्ति निष्कृतम् ।

- 9.069.04c अत्य॑क॒मी॒र्जु॒नं॑ वार॑म॒व्यय॑म॒त्कं॑ न॒ नि॒क्तं॑ परि॒ सोमो॑ अव्यत ॥
- 9.069.05a अ॒मृ॒क्ते॒न॑ रु॒शता॑ वा॒ससा॑ हरि॒रम॑त्यो॒ निर्णि॑जानः परि॒ व्यत॑ ।
- 9.069.05c दि॒वस्पृ॑ष्ठं ब॒र्हणा॑ निर्णि॒जे॑ कृ॒तोप॑स्तर॒णं च॑म्वो॒र्नभ॑स्मयम् ॥
- 9.069.06a सूर्य॑स्येव॒ रश्मयो॑ द्रा॒वयि॑त्नवो॒ मत्स॑रासः प्रसु॒पः सा॒कमी॑रते ।
- 9.069.06c तन्तुं॑ ततं॒ परि॑ सर्गा॒स आ॒शवो॑ नेन्द्रा॒दृते॑ पवते॒ धाम॑ किं॒ चन॑ ॥
- 9.069.07a सि॒न्धोरि॑व प्रव॒णो नि॒म्न आ॒शवो॑ वृष॒च्युता॑ मदा॒सो गा॒तुमा॑शत ।
- 9.069.07c शं नो॑ नि॒वेशे॑ द्वि॒पदे॑ चतु॒ष्पदे॑ऽस्मे वाजाः॒ सोम॑ तिष्ठन्तु॒ कृष्ट॑यः ॥
- 9.069.08a आ नः॑ पवस्व॒ वसु॑म॒द्धिर॑ण्यवद॒श्वाव॑द्रोम॒द्यव॑मत्सु॒वीर्य॑म् ।
- 9.069.08c यूयं॑ हि सोम॒ पितरो॑ मम॒ स्थन॑ दि॒वो मूर्धा॑निः प्र॒स्थिता॑ वयस्कृतः ॥
- 9.069.09a एते॑ सोमाः पव॒माना॑स इन्द्रं॒ रथा॑ इव प्र॒ ययुः सा॒तिम॑च्छ ।
- 9.069.09c सु॒ताः पवि॑त्रमति॒ यन्त्य॑व्यं॒ हित्वी॑ व॒त्रिं हरि॑तो॒ वृष्टि॑मच्छ ॥
- 9.069.10a इन्द्र॑विन्द्राय॒ बृहते॑ पवस्व॒ सुमृ॑ळीको॒ अन॑वद्यो॒ रिशा॑दाः ।
- 9.069.10c भरा॑ चन्द्रा॒णि गृ॑णते॒ वसू॑नि॒ देवैर्द्या॑वापृथि॒वी प्रा॑वतं॒ नः ॥
- 9.070.01a त्रि॑र॒स्मै स॒प्त धे॑नवो॒ दुदु॑हे स॒त्यामा॑शिरं॒ पूर्ये॑ व्योमनि ।
- 9.070.01c च॒त्वार्य॑न्या॒ भुव॑नानि॒ निर्णि॑जे॒ चारू॑णि॒ चक्रे॑ यदृ॒तैर॑वर्धत ॥
- 9.070.02a स भि॑क्षमा॒णो अ॒मृत॑स्य॒ चारु॑ण॒ उभे॑ द्या॒वा का॒व्ये॒ना वि॑ श॒श्रथे॑ ।
- 9.070.02c तेजि॑ष्ठा॒ अपो॑ म॒हना॑ परि॒ व्यत॑ यदी॒ देव॑स्य॒ श्रव॑सा॒ सदो॑ वि॒दुः ॥

- 9.070.03a ते अस्य सन्तु केतवोऽमृत्यवोऽदाभ्यासो जनुषी उभे अनु ।
- 9.070.03c येभिर्नृम्णा च देव्या च पुनत आदिद्राजानं मनना अगृभ्णत ॥
- 9.070.04a स मृज्यमानो दशभिः सुकर्मभिः प्र मध्यमासु मातृषु प्रमे सचा ।
- 9.070.04c व्रतानि पानो अमृतस्य चारुण उभे नृचक्षा अनु पश्यते विशौ ॥
- 9.070.05a स मर्मृजान इन्द्रियाय धायस ओभे अन्ता रोदसी हर्षते हितः ।
- 9.070.05c वृषा शुष्मेण बाधते वि दुर्मतीरादेदिशानः शयहेव शुरुधः ॥
- 9.070.06a स मातरा न ददृशान उस्त्रियो नानददेति मरुतामिव स्वनः ।
- 9.070.06c जानन्नृतं प्रथमं यत्स्वर्णरं प्रशस्तये कमवृणीत सुक्रतुः ॥
- 9.070.07a रुवति भीमो वृषभस्तविष्यया शुङ्गे शिशानो हरिणी विचक्षणः ।
- 9.070.07c आ योनिं सोमः सुकृतं नि षीदति गव्ययी त्वग्भवति निर्णिगव्ययी ॥
- 9.070.08a शुचिः पुनानस्तन्वमरेपसमव्ये हरिन्यधाविष्ट सानवि ।
- 9.070.08c जुष्टो मित्राय वरुणाय वायवे त्रिधातु मधु क्रियते सुकर्मभिः ॥
- 9.070.09a पवस्व सोम देववीतये वृषेन्द्रस्य हार्दि सोमधानमा विश ।
- 9.070.09c पुरा नो बाधाद्दुरिताति पारय क्षेत्रविद्धि दिश आहा विपृच्छते ॥
- 9.070.10a हितो न सप्तिरभि वाजमर्षेन्द्रस्येन्दो जठरमा पवस्व ।
- 9.070.10c नावा न सिन्धुमति पर्षि विद्वाञ्छूरो न युध्यन्नव नो निद स्पः ॥
- 9.071.01a आ दक्षिणा सृज्यते शुष्म्याऽसदं वेति द्रुहो रक्षसः पाति जागृविः ।

- 9.071.01c हरिरोपशं कृणुते नभस्पय उपस्तरे चम्बोर्ब्रह्म निर्णिजे ॥
- 9.071.02a प्र कृष्टिहेव शूष एति रोरुवदसुर्यं वर्णं नि रिणीते अस्य तम् ।
- 9.071.02c जहाति वत्रिं पितुरेति निष्कृतमुपप्रुतं कृणुते निर्णिजं तना ॥
- 9.071.03a अद्रिभिः सुतः पवते गभस्त्योर्वृषायते नभसा वेपते मती ।
- 9.071.03c स मोदते नसते साधते गिरा नेनिक्ते अप्सु यजते परीमणि ॥
- 9.071.04a परि द्युत्तं सहसः पर्वतावृधं मध्वः सिञ्चन्ति हर्म्यस्य सद्गणिम् ।
- 9.071.04c आ यस्मिन्गावः सुहुताद ऊधनि मूर्धञ्छीणान्त्यग्रियं वरीमभिः ॥
- 9.071.05a समी रथं न भुरिजोरहेषत दश स्वसारो अदितेरुपस्थ आ ।
- 9.071.05c जिगादुप ज्रयति गोरपीच्यं पदं यदस्य मतुथा अजीजनन् ॥
- 9.071.06a श्येनो न योनिं सदनं धिया कृतं हिरण्ययमासदं देव एषति ।
- 9.071.06c ए रिणन्ति बर्हिषि प्रियं गिराश्वो न देवाँ अप्येति यज्ञियः ॥
- 9.071.07a परा व्यक्तो अरुषो दिवः कविर्वृषा त्रिपृष्ठो अनविष्ट गा अभि ।
- 9.071.07c सहस्रणीतिर्यतिः परायती रेभो न पूर्वीरुषसो वि राजति ॥
- 9.071.08a त्वेषं रूपं कृणुते वर्णो अस्य स यत्राशयत्समृता सेधति स्निधः ।
- 9.071.08c अप्सा याति स्वधया दैव्यं जनं सं सुष्टुती नसते सं गोअग्रया ॥
- 9.071.09a उद्वेव यूथा परियन्नरावीदधि त्विषीरधित सूर्यस्य ।
- 9.071.09c दिव्यः सुपर्णोऽव चक्षत क्षां सोमः परि क्रतुना पश्यते जाः ॥

- 9.072.01a हरि॑ मृ॒जन्त्य॑रु॒षो न यु॒ज्यते॑ सं॒ धे॒नुभिः॑ क॒ल॒शे सो॒मो अ॒ज्यते॑ ।
- 9.072.01c उ॒द्वाच॑मी॒रयति॑ हि॒न्वते॑ म॒ती पु॒रु॒ष्टुत॑स्य कति चि॒त्परि॑प्रियः ॥
- 9.072.02a साकं॑ वदन्ति ब॒हवो॑ म॒नीषि॑ण इन्द्र॒स्य सोमं॑ जठ॒रे यदा॑दुहुः ।
- 9.072.02c यदी॑ मृ॒जन्ति॑ सु॒गभ॑स्तयो नरः स॒नीळाभि॑र्दशभिः का॒म्यं मधु॑ ॥
- 9.072.03a अ॒रम॑माणो अ॒त्येति॑ गा अ॒भि सूर्य॑स्य प्रि॒यं दु॒हितु॑स्तिरो र॒वम् ।
- 9.072.03c अ॒न्वस्मै॑ जोष॒मभ॑रद्वि॒नंगृ॑सः सं॒ द्वयी॑भिः स्व॒सृभिः॑ क्षेति जा॒मिभिः॑ ॥
- 9.072.04a नृ॒धूतो॑ अ॒द्रिषु॑तो ब॒र्हिषि॑ प्रि॒यः पति॑र्गवां प्र॒दिव॑ इन्द्रु॒र्त्रृत्वियः॑ ।
- 9.072.04c पु॒रंधि॑वान्म॒नुषो॑ य॒ज्ञसा॑धनः शु॒चिर्धिया॑ प॒वते॑ सोम इन्द्र ते ॥
- 9.072.05a नृ॒बाहु॑भ्यां चो॒दितो॑ धा॒रया॑ सु॒तोऽनु॑ष्वधं प॒वते॑ सोम इन्द्र ते ।
- 9.072.05c आ॒प्राः क्र॒तून्स॑म॒जैर॑ध्व॒रे म॒तीर्वे॑र्न द्रुष॒च्च॒म्वो॑श्रासद॒द्धरिः॑ ॥
- 9.072.06a अंशुं॑ दु॒हन्ति॑ स्त॒नय॑न्तम॒क्षितं॑ क॒विं क॒वयो॑ऽप॒सो म॒नीषि॑णः ।
- 9.072.06c समी॑ गा॒वो म॒तयो॑ यन्ति सं॒यत॑ ऋ॒तस्य॑ यो॒ना स॒दने॑ पु॒नर्भु॑वः ॥
- 9.072.07a नाभा॑ पृथि॒व्या ध॒रुणो॑ महो दि॒वोऽपामू॑र्षौ सि॒न्धुष्व॑न्तरु॒क्षितः॑ ।
- 9.072.07c इन्द्र॑स्य व॒ज्रो वृ॒षभो॑ वि॒भूव॑सुः सोमो हृ॒दे प॑वते चारु मत्सरः ॥
- 9.072.08a स तू॑ प॒वस्व॑ परि पा॒र्थिवं॑ र॒ज स्तो॑त्रे शि॒क्षन्ना॑धू॒न्वते॑ च सु॒क्रतो॑ ।
- 9.072.08c मा नो॑ नि॒र्भा॒ग्वसु॑नः सा॒दन॑स्पृशो र॒यिं पि॑शङ्गं ब॒हुलं॑ वसीमहि ॥
- 9.072.09a आ तू॑ न इन्द्रो श॒तदा॑त्व॒श्व्यं स॒हस्र॑दातु प॒शुम॑द्धि॒रण्य॑वत् ।
- 9.072.09c उप॑ मा॒स्व बृ॒हती॑ रे॒वती॑रिषोऽधि॒ स्तोत्र॑स्य प॒वमान॑ नो ग॒हि ॥

- 9.073.01a स्रक्वे॑ द्रप्सस्य॑ धमतः॑ समस्वरन्नृतस्य॑ योना॑ समरन्त॑ नाभयः॑ ।
- 9.073.01c त्रीन्स॑ मूर्ध्नो॑ असुरश्चक्र॑ आरभे॑ सत्यस्य॑ नावः॑ सुकृतमपीपरन् ॥
- 9.073.02a सम्यक्सम्यञ्चो॑ महिषा॑ अहेषत॑ सिन्धोरूर्मावधि॑ वेना॑ अवीविपन् ।
- 9.073.02c मधोर्धाराभिर्जनयन्तो॑ अर्कमि॒त्प्रिया॒मिन्द्रस्य॑ तन्वमवीवृधन् ॥
- 9.073.03a पवित्रवन्तः॑ परि॑ वाचमासते॑ पितैषां॑ प्रत्नो॑ अभि॑ रक्षति॑ व्रतम् ।
- 9.073.03c महः॑ समुद्रं॑ वरुणस्तिरो॑ दधे॑ धीरा॑ इच्छेकु॒र्धरुणो॑ष्वारभम् ॥
- 9.073.04a सहस्रधारेऽव॑ ते समस्वरन्दि॒वो नाके॑ मधुजिह्वा॑ असश्चतः॑ ।
- 9.073.04c अस्य॑ स्पशो॑ न नि॑ मिषन्ति॑ भूर्णयः॑ पदेपदे॑ पाशिनः॑ सन्ति॑ सेतवः॑ ॥
- 9.073.05a पितुर्मा॒तुरध्या॑ ये समस्वरन्नृ॒चा शोचन्तः॑ संदहन्तो॑ अब्रतान् ।
- 9.073.05c इन्द्र॑द्विष्टामप॑ धमन्ति॒ मायया॑ त्वचमसि॒क्री भूमनो॑ दिवस्प॒रि ॥
- 9.073.06a प्रत्नान्मा॒नादध्या॑ ये समस्वरज्छ्लो॒कयन्त्रा॑सो रभसस्य॑ मन्तवः॑ ।
- 9.073.06c अपान॑क्षासो॒ बधिरा॑ अहासत॒ ऋतस्य॑ पन्थां॑ न तरन्ति॑ दुष्कृतः॑ ॥
- 9.073.07a सहस्र॑धारे॒ वितते॑ पवित्र॒ आ वाचं॑ पुनन्ति॒ कवयो॑ मनीषिणः॑ ।
- 9.073.07c रुद्रा॑स एषामिषि॒रासो॑ अद्रुह॒ स्पशः॑ स्वञ्चः॑ सुदृशो॑ नृचक्षसः॑ ॥
- 9.073.08a ऋतस्य॑ गोपा॒ न दभाय॑ सुक्रतुस्त्री॒ ष पवित्रा॑ हृद्यश्न्तरा॑ दधे ।
- 9.073.08c विद्वान्स॑ विश्वा॒ भुवना॑भि पश्यत्यवाजु॒ष्टान्विध्यति॑ कर्ते॑ अब्रतान् ॥
- 9.073.09a ऋतस्य॑ तन्तुर्वि॒ततः॑ पवित्र॒ आ जिह्वाया॑ अग्रे॒ वरुणस्य॑ मायया॑ ।

- 9.073.09c धीराश्चित्तत्समिनक्षन्त आशतात्रा कर्तमव पदात्यप्रभुः ॥
- 9.074.01a शिशुर्न जातोऽव चक्रदद्वने स्वर्श्यद्वाज्यरुषः सिषासति ।
- 9.074.01c दिवो रेतसा सचते पयोवृधा तमीमहे सुमती शर्म सप्रथः ॥
- 9.074.02a दिवो य स्कम्भो धरुणः स्वातत आपूर्णो अंशुः पर्येति विश्वतः ।
- 9.074.02c सेमे मही रोदसी यक्षदावृता समीचीने दाधार समिषः कविः ॥
- 9.074.03a महि प्सरः सुकृतं सोम्यं मधूर्वी गव्यूतिरदितेऋतं यते ।
- 9.074.03c ईशे यो वृष्टेरित उस्त्रियो वृषापां नेता य इतऊतिऋग्मियः ॥
- 9.074.04a आत्मन्वन्नभो दुह्यते घृतं पय ऋतस्य नाभिरमृतं वि जायते ।
- 9.074.04c समीचीनाः सुदानवः प्रीणन्ति तं नरो हितमव मेहन्ति पेरवः ॥
- 9.074.05a अरावीदंशुः सचमान ऊर्मिणा देवाव्यंशु मनुषे पिन्वति त्वचम् ।
- 9.074.05c दधाति गर्भमदितेरुपस्थ आ येन लोकं च तनयं च धामहे ॥
- 9.074.06a सहस्रधारेऽव ता असश्चतस्तृतीये सन्तु रजसि प्रजावतीः ।
- 9.074.06c चतस्रो नाभो निहिता अवो दिवो हविर्भरन्त्यमृतं घृतश्चुतः ॥
- 9.074.07a श्वेतं रूपं कृणुते यत्सिषासति सोमो मीड्वाँ असुरो वेद भूमनः ।
- 9.074.07c धिया शमी सचते सेमभि प्रवद्विस्क्वन्धमव दर्षदुद्रिणाम् ॥
- 9.074.08a अध श्वेतं कलशं गोभिरक्तं कार्ष्मन्ना वाज्यक्रमीत्ससवान् ।
- 9.074.08c आ हिन्विरे मनसा देवयन्तः कक्षीवते शतहिमाय गोनाम् ॥

9.074.09a अ॒द्भिः॑ सो॒म प॑पृ॒चान॑स्य॒ ते र॒सोऽव्यो॑ वारं॒ वि प॑वमान॒ धाव॑ति ।

9.074.09c स मृ॒ज्यमा॑नः॒ क॒विभि॑र्मादि॒न्तम॒ स्वद॑स्वेन्द्राय॒ पव॑मान॒ पीत॑ये ॥

9.075.01a अ॒भि प्रि॒याणि॑ प॒वते॒ चनो॑हितो॒ नामा॑नि॒ य॒हो अ॒धि येषु॑ वर्धते ।

9.075.01c आ सूर्य॑स्य॒ बृ॒हतो॑ बृ॒हन्न॑धि॒ रथं॒ विष्व॑ञ्चम॒रुह॑द्विचक्षणः ॥

9.075.02a ऋ॒तस्य॑ जि॒ह्वा प॑वते॒ मधु॑ प्रि॒यं व॒क्ता प॑ति॒र्धियो॑ अ॒स्या अ॒दाभ्यः॑ ।

9.075.02c द॒धाति॑ पु॒त्रः पि॒त्रोर॑पी॒च्यंशं॑ नाम॒ तृती॑यमधि॒ रोच॑ने॒ दिवः॑ ॥

9.075.03a अ॒व द्यु॑तानः॒ कल॑शाँ॒ अचि॑क्रद॒न्नभि॑र्ये॒मानः॑ को॒श आ॒ हिर॑ण्यये ।

9.075.03c अ॒भीमृ॑तस्य॒ दोह॑ना॒ अनू॑षताधि॒ त्रिपृ॑ष्ठ उष॒सो वि॒ राज॑ति ॥

9.075.04a अ॒द्भिभिः॑ सु॒तो म॒तिभिश्च॑नो॒हितः॑ प्र॒रोच॑यन्नो॒दसी॑ मा॒तरा॒ शुचिः॑ ।

9.075.04c रो॒माण्य॑व्या॒ सम॑या॒ वि धा॑वति॒ मधो॑र्धारा॒ पिन्व॑माना॒ दिवे॑दिवे ॥

9.075.05a परि॑ सो॒म प्र॒ धन्वा॑ स्व॒स्तये॒ नृभिः॑ पु॒नानो॑ अ॒भि वा॑सया॒शिर॑म् ।

9.075.05c ये ते॒ मदा॑ आ॒हन॑सो॒ विहा॑यस॒स्तेभि॑रिन्द्रं॒ चोद॑य॒ दात॑वे॒ मघ॑म् ॥

9.076.01a ध॒र्ता दि॑वः॒ पव॑ते॒ कृत्व्यो॑ र॒सो द॑त्तो॒ देवा॑नामनु॒माद्यो॑ नृभिः ।

9.076.01c ह॒रिः सृ॑जानो॒ अत्यो॑ न स॒त्वभि॑र्वृथा॒ पाजा॑सि॒ कृणु॑ते॒ नदी॑ष्वा ॥

9.076.02a शू॒रो न॑ ध॒त्त आ॑यु॒धा ग॑भ॒स्त्योः॒ स्वशः॑ सि॒षास॑न्न॒थिरो॑ ग॒विष्टि॑षु ।

9.076.02c इन्द्र॑स्य॒ शुष्म॑मी॒रय॑न्न॒पस्यु॑भिरिन्द्रु॒र्हिन्वानो॑ अ॒ज्यते॑ म॒नीषि॑भिः ॥

- 9.076.03a इन्द्रस्य सोम पवमान ऊर्मिणा तविष्यमाणो जठरेष्वा विश ।
- 9.076.03c प्र णः पिन्व विद्युदभ्रेव रोदसी धिया न वाजाँ उप मासि शश्वतः ॥
- 9.076.04a विश्वस्य राजा पवते स्वर्दश ऋतस्य धीतिमृषिषाळवीवशत् ।
- 9.076.04c यः सूर्यस्यासिरेण मृज्यते पिता मतीनामसमष्टकाव्यः ॥
- 9.076.05a वृषेव यूथा परि कोशमर्षस्यपामुपस्थे वृषभः कनिक्रदत् ।
- 9.076.05c स इन्द्राय पवसे मत्सरिन्तमो यथा जेषाम समिथे त्वोतयः ॥
- 9.077.01a एष प्र कोशे मधुमाँ अचिक्रददिन्द्रस्य वज्रो वपुषो वपुष्टरः ।
- 9.077.01c अभीमृतस्य सुदुघा घृतश्रुतो वाश्रा अर्षन्ति पयसेव धेनवः ॥
- 9.077.02a स पूर्व्यः पवते यं दिवस्परि श्येनो मथायदिषितस्तिरो रजः ।
- 9.077.02c स मध्व आ युवते वेविजान इत्कृशानोरस्तुर्मनसाह बिभ्युषा ॥
- 9.077.03a ते नः पूर्वास उपरास इन्दवो महे वाजाय धन्वन्तु गोमते ।
- 9.077.03c ईक्षेणयासो अह्यो३ न चारवो ब्रह्मब्रह्म ये जुजुषुर्हविर्विः ॥
- 9.077.04a अयं नो विद्वान्वनवद्वनुष्यत इन्दुः सत्राचा मनसा पुरुष्टुतः ।
- 9.077.04c इनस्य यः सद्ने गर्भमादधे गवामुरुज्जमभ्यर्षति व्रजम् ॥
- 9.077.05a चक्रिर्दिवः पवते कृत्व्यो रसो महँ अदब्धो वरुणो हुरुग्यते ।
- 9.077.05c असावि मित्रो वृजनेषु यज्ञियोऽत्यो न यूथे वृषयुः कनिक्रदत् ॥

- 9.078.01a प्र राजा वाचं जनयन्नसिष्यददपो वसानो अभि गा इयत्तति ।
- 9.078.01c गृभ्णाति रिप्रमविरस्य तान्वा शुद्धो देवानामुप याति निष्कृतम् ॥
- 9.078.02a इन्द्राय सोम परि पिच्यसे नृभिर्नृचक्षा ऊर्मिः कविरज्यसे वने ।
- 9.078.02c पूर्वीर्हि ते स्रुतयः सन्ति यातवे सहस्रमश्वा हरयश्चमूषदः ॥
- 9.078.03a समुद्रिया अप्सरसो मनीषिणमासीना अन्तरभि सोममक्षरन् ।
- 9.078.03c ता ई हिन्वन्ति हर्म्यस्य सद्गणिं याचन्ते सुम्नं पवमानमक्षितम् ॥
- 9.078.04a गोजिन्नः सोमो रथजिद्धिरण्यजित्स्वर्जिदब्जित्पवते सहस्रजित् ।
- 9.078.04c यं देवासश्चक्रिरे पीतये मदं स्वादिष्टं द्रप्समरुणं मयोभुवम् ॥
- 9.078.05a एतानि सोम पवमानो अस्मयुः सत्यानि कृण्वन्द्रविणान्यर्षसि ।
- 9.078.05c जहि शत्रुमन्तिके दूरके च य उर्वी गव्यूतिमभयं च नस्कृधि ॥
- 9.079.01a अचोदसो नो धन्वन्तित्वन्दवः प्र सुवानासो बृहद्वेषु हरयः ।
- 9.079.01c वि च नशन्न इषो अरातयोऽर्यो नशन्त सनिषन्त नो धियः ॥
- 9.079.02a प्र णो धन्वन्तित्वन्दवो मदच्युतो धना वा येभिरर्वतो जुनीमसि ।
- 9.079.02c तिरो मर्तस्य कस्य चित्परिहृतिं वयं धनानि विश्वधा भरेमहि ॥
- 9.079.03a उत स्वस्या अरात्या अरिर्हि ष उतान्यस्या अरात्या वृको हि षः ।
- 9.079.03c धन्वन्न तृष्णा समरीत तां अभि सोम जहि पवमान दुराध्यः ॥
- 9.079.04a दिवि ते नाभा परमो य आददे पृथिव्यास्ते रुरुहुः सानवि क्षिपः ।

- 9.079.04c अ॒द्रय॑स्त्वा ब॒प्सति॑ गो॒रधि॑ त्व॒च्य॑श्प्सु त्वा ह॒स्तैर्दु॑हुर्मनी॒षिणः॑ ॥
- 9.079.05a ए॒वा त॑ इ॒न्दो सु॒भ्वं सु॒पेश॑सं र॒सं तु॒ञ्जन्ति॑ प्रथ॒मा अ॒भि॒श्रियः॑ ।
- 9.079.05c नि॒दंनि॑दं प॒वमान॑ नि ता॒रिष॑ आ॒विस्ते॑ शु॒ष्मो भ॑वतु प्रि॒यो म॑दः ॥
- 9.080.01a सोम॑स्य धा॒रा प॑वते नृ॒चक्ष॑स ऋ॒तेन॑ दे॒वान्ह॑वते दि॒वस्प॑रि ।
- 9.080.01c बृ॒हस्प॑ते र॒वथे॑ना वि दि॒द्युते॑ स॒मुद्रा॑सो न स॒वनानि॑ वि॒व्यचुः॑ ॥
- 9.080.02a यं त्वा॑ वा॒जिन्न॑घ्न्या अ॒भ्यनू॑षतायो॒हतं॑ योनि॒मा रो॑हसि द्यु॒मान् ।
- 9.080.02c म॒घोना॑मायुः प्र॒तिर॑न्महि श्र॒व इन्द्रा॑य सोम प॒वसे॑ वृषा म॒दः ॥
- 9.080.03a ए॒न्द्रस्य॑ कु॒क्षा प॑वते म॒दिन्त॑म ऊ॒र्ज व॑सानः श्र॒वसे॑ सु॒मङ्ग॑लः ।
- 9.080.03c प्र॒त्यङ्॑स वि॒श्वा भु॑वनाभि प॒प्रथे॑ क्री॒ळन्ह॑रि॒रित्यः॑ स्य॒न्दते॑ वृषा ॥
- 9.080.04a तं त्वा॑ दे॒वेभ्यो॑ म॒धुम॑त्तमं नरः स॒हस्र॑धारं दु॒हते॑ दश क्षि॒पः ।
- 9.080.04c नृ॒भिः सोम॑ प्र॒च्युतो॑ गा॒वभिः॑ सु॒तो वि॒श्वान्दे॒वाँ आ॑ प॒वस्वा॑ स॒हस्र॑जित् ॥
- 9.080.05a तं त्वा॑ ह॒स्ति॒नो म॒धुम॑न्तम॒द्रिभिर्दु॑हन्त्य॒प्सु वृ॑षभं दश क्षि॒पः ।
- 9.080.05c इ॒न्द्रं सोम॑ मा॒दय॑न्दै॒व्यं ज॒नं सि॒न्धोरि॑वो॒र्मिः प॑वमानो अ॒र्षसि॑ ॥
- 9.081.01a प्र सोम॑स्य प॒वमान॑स्यो॒र्मय॑ इन्द्र॒स्य य॑न्ति ज॒ठरं॑ सु॒पेश॑सः ।
- 9.081.01c द॒ध्ना य॑दीमु॒न्नीता॑ य॒शसा॑ ग॒वां दा॑नाय शू॒रमु॑दम॒न्दिषुः॑ सु॒ताः ॥
- 9.081.02a अ॒च्छा॑ हि सोमः क॒लशाँ॑ अ॒सिष्य॑द॒दत्यो॑ न वो॒ळ्हा र॒घुव॑र्त॒निर्वृ॑षा ।

- 9.081.02c अथा देवानामुभयस्य जन्मनो विद्वाँ अश्नोत्यमुत इतश्च यत् ॥
- 9.081.03a आ नः सोम पवमानः किरा वस्विन्दो भव मघवा राधसो महः ।
- 9.081.03c शिद्धा वयोधो वसवे सु चेतुना मा नो गयमारे अस्मत्परा सिचः ॥
- 9.081.04a आ नः पूषा पवमानः सुरातयो मित्रो गच्छन्तु वरुणः सजोषसः ।
- 9.081.04c बृहस्पतिर्मरुतो वायुरश्विना त्वष्टा सविता सुयमा सरस्वती ॥
- 9.081.05a उभे द्यावापृथिवी विश्वमिन्वे अर्यमा देवो अदितिर्विधाता ।
- 9.081.05c भगो नृशंस उर्वशन्तरिद्धं विश्वे देवाः पवमानं जुषन्त ॥
- 9.082.01a असावि सोमो अरुषो वृषा हरी राजेव दस्मो अभि गा अचिक्रदत् ।
- 9.082.01c पुनानो वारं पर्येत्यव्ययं श्येनो न योनिं घृतवन्तमासदम् ॥
- 9.082.02a कविर्वेधस्या पर्येषि माहिनमत्यो न मृष्टो अभि वाजमर्षसि ।
- 9.082.02c अपसेधन्दुरिता सोम मृळ्य घृतं वसानः परि यासि निर्णिजम् ॥
- 9.082.03a पर्जन्यः पिता महिषस्य परिणो नाभा पृथिव्या गिरिषु क्षयं दधे ।
- 9.082.03c स्वसार आपो अभि गा उतासरन्सं ग्रावभिर्नसते वीते अध्वरे ॥
- 9.082.04a जायेव पत्यावधि शेव मंहसे पज्राया गर्भ शृणुहि ब्रवीमि ते ।
- 9.082.04c अन्तर्वाणीषु प्र चरा सु जीवसेऽनिन्द्यो वृजने सोम जागृहि ॥
- 9.082.05a यथा पूर्वेभ्यः शतसा अमृध्रः सहस्रसाः पर्यया वाजमिन्दो ।
- 9.082.05c एवा पवस्व सुविताय नव्यसे तव व्रतमन्वापः सचन्ते ॥

- 9.083.01a पवित्रं ते विततं ब्रह्मणस्पते प्रभुर्गात्राणि पर्येषि विश्वतः ।
- 9.083.01c अतप्ततनूर्न तदामो अश्रुते शृतास इद्वहन्तस्तत्समाशत ॥
- 9.083.02a तपोष्पवित्रं विततं दिवस्पदे शोचन्तो अस्य तन्तवो व्यस्थिरन् ।
- 9.083.02c अवन्त्यस्य पवीतारमाशवो दिवस्पृष्ठमधि तिष्ठन्ति चेतसा ॥
- 9.083.03a अरूरुचदुषसः पृश्निरग्रिय उक्षा बिभर्ति भवनानि वाजयुः ।
- 9.083.03c मायाविनो ममिरे अस्य मायया नृचक्षसः पितरो गर्भमा दधुः ॥
- 9.083.04a गन्धर्व इत्था पदमस्य रक्षति पाति देवानां जनिमान्यद्भुतः ।
- 9.083.04c गृभ्णाति रिपुं निधया निधापतिः सुकृत्तमा मधुनो भक्षमाशत ॥
- 9.083.05a हविर्हविष्मो महि सद्म दैव्यं नभो वसानः परि यास्यध्वरम् ।
- 9.083.05c राजा पवित्ररथो वाजमारुहः सहस्रभृष्टिर्जयसि श्रवो बृहत् ॥
- 9.084.01a पवस्व देवमादनो विचर्षणिरप्सा इन्द्राय वरुणाय वायवे ।
- 9.084.01c कृधी नो अद्य वरिवः स्वस्तिमदुरुक्षितौ गृणीहि दैव्यं जनम् ॥
- 9.084.02a आ यस्तस्थौ भवनान्यमत्यो विश्वानि सोमः परि तान्यर्षति ।
- 9.084.02c कृणवन्संचृतं विचृतमभिष्टय इन्दुः सिषत्तयुषसं न सूर्यः ॥
- 9.084.03a आ यो गोभिः सृज्यत ओषधीष्वा देवानां सुम्न इषयन्नुपावसुः ।
- 9.084.03c आ विद्युता पवते धारया सुत इन्द्रं सोमो मादयन्दैव्यं जनम् ॥

- 9.084.04a ए॒ष॒ स्य॑ सो॒मः॑ प॒वते॑ स॒हस्र॑जिद्धि॒न्वानो॑ वा॒चमि॑षिरामु॒षर्बु॑धम् ।
- 9.084.04c इ॒न्दुः॑ स॒मुद्र॑मु॒दिय॑र्ति वा॒युभि॑रेन्द्र॒स्य हार्दि॑ क॒लशेषु॑ सी॒दति॑ ॥
- 9.084.05a अ॒भि॒ त्यं॑ गा॒वः॑ प॒यसा॑ प॒योवृ॑धं सो॒मं श्री॑णन्ति म॒तिभिः॑ स्व॒र्विद॑म् ।
- 9.084.05c ध॒नंज॑यः प॒वते॑ कृ॒त्व्यो र॒सो वि॑प्रः क॒विः का॒व्येना॑ स्व॒र्चनाः॑ ॥
- 9.085.01a इ॒न्द्राय॑ सो॒म सु॑षु॒तः परि॑ स्र॒वापा॑मी॒वा भव॑तु र॒क्षसा॑ सह ।
- 9.085.01c मा॒ ते र॑सस्य मत्स॒त द्वा॒यावि॑नो द्र॒विण॑स्वन्त इ॒ह स॒न्त्वि॒न्दवः॑ ॥
- 9.085.02a अ॒स्मान्स्म॑र्ये॒ पव॑मान चो॒दय॑ द॒त्तो दे॒वाना॑मसि हि प्रि॒यो म॒दः ।
- 9.085.02c ज॒हि श॑त्रू॒रभ्या॑ भ॒न्दना॑यतः पि॒बेन्द्र॑ सो॒मम॑व नो मृ॒धो ज॒हि ॥
- 9.085.03a अ॒द॒ब्ध इ॒न्दो प॑वसे मदि॒न्तम॑ आ॒त्मेन्द्र॑स्य भवसि धा॒सि॒रु॒त्तमः॑ ।
- 9.085.03c अ॒भि स्व॑रन्ति ब॒हवो॑ म॒नीषि॑णो राजा॒नम॑स्य भु॒वन॑स्य निंसते ॥
- 9.085.04a स॒हस्र॑णी॒थः श॒तधा॑रो अ॒द्भुत॑ इ॒न्द्राये॒न्दुः प॑वते का॒म्यं म॒धु ।
- 9.085.04c ज॒यन्द्ने॑त्रम॒भ्यर्षा॑ ज॒यन्न॑प उ॒रुं नो॑ गा॒तुं कृ॑णु सो॒म मी॒ढ्वः ॥
- 9.085.05a क॒निक्र॑द॒त्कल॑शे गो॒भिर॑ज्यसे व्य॒श्व्ययं॑ स॒मया॑ वार॒मर्षा॑सि ।
- 9.085.05c म॒र्मृज्य॑मानो अ॒त्यो न॑ सा॒नसि॑रिन्द्र॒स्य सो॒म ज॒ठरे॑ स॒मक्षरः॑ ॥
- 9.085.06a स्वा॒दुः प॑वस्व दि॒व्याय॑ जन्म॒ने स्वा॒दुरि॑न्द्राय सु॒हवी॑तुना॒म्ने ।
- 9.085.06c स्वा॒दुर्मि॑त्राय वरु॒णाय॑ वा॒यवे॑ बृ॒हस्प॑तये म॒धुमाँ॑ अ॒दाभ्यः॑ ॥
- 9.085.07a अ॒त्यं मृ॑जन्ति क॒लशे॑ द॒श क्षि॑पः प्र वि॒प्राणां॑ म॒तयो॑ वा॒च ई॑रते ।

- 9.085.07c पवमाना अभ्यर्षन्ति सुष्टुतिमेन्द्रं विशन्ति मदिरास इन्दवः ॥
- 9.085.08a पवमानो अभ्यर्षा सुवीर्यमुर्वी गव्यूतिं महि शर्म सप्रथः ।
- 9.085.08c माकिर्नो अस्य परिषूतिरीशतेन्दो जयेम त्वया धनंधनम् ॥
- 9.085.09a अधि द्यामस्थादृषभो विचक्षणोऽरूरुचद्वि दिवो रोचना कविः ।
- 9.085.09c राजा पवित्रमत्येति रोरुवद्विवः पीयूषं दुहते नृचक्षसः ॥
- 9.085.10a दिवो नाके मधुजिह्वा असश्चतो वेना दुहन्त्युक्षणं गिरिष्ठाम् ।
- 9.085.10c अप्सु द्रप्सं वावृधानं समुद्र आ सिन्धोरूर्मा मधुमन्तं पवित्र आ ॥
- 9.085.11a नाके सुपर्णमुपपत्तिवांसं गिरो वेनानामकृपन्त पूर्वीः ।
- 9.085.11c शिशुं रिहन्ति मतयः पनिप्रतं हिरण्ययं शकुनं क्षामणि स्थाम् ॥
- 9.085.12a ऊर्ध्वो गन्धर्वो अधि नाके अस्थाद्विश्वा रूपा प्रतिचक्षणो अस्य ।
- 9.085.12c भानुः शुक्रेण शोचिषा व्यद्यौत्प्रारूरुचद्रोदसी मातरा शुचिः ॥
- 9.086.01a प्र त आशवः पवमान धीजवो मदा अर्षन्ति रघुजा इव त्मना ।
- 9.086.01c दिव्याः सुपर्णा मधुमन्त इन्दवो मदिन्तमासः परि कोशमासते ॥
- 9.086.02a प्र ते मदासो मदिरास आशवोऽसृक्षत रथ्यासो यथा पृथक् ।
- 9.086.02c धेनुर्न वत्सं पयसाभि वज्रिणमिन्द्रमिन्दवो मधुमन्त ऊर्मयः ॥
- 9.086.03a अत्यो न हियानो अभि वाजमर्ष स्वर्वित्कोशं दिवो अद्रिमातरम् ।
- 9.086.03c वृषा पवित्रे अधि सानो अव्यये सोमः पुनान इन्द्रियाय धायसे ॥

- 9.086.04a प्र त आश्विनीः पवमान धीजुवो दिव्या असृग्रन्पयसा धरीमणि ।
- 9.086.04c प्रान्तर्भृषय स्थाविरीरसृक्षत ये त्वा मृजन्त्यृषिषाण वेधसः ॥
- 9.086.05a विश्वा धामानि विश्वचक्ष ऋभ्वसः प्रभोस्ते सतः परि यन्ति केतवः ।
- 9.086.05c व्यानशिः पवसे सोम धर्मभिः पतिर्विश्वस्य भुवनस्य राजसि ॥
- 9.086.06a उभयतः पवमानस्य रश्मयो ध्रुवस्य सतः परि यन्ति केतवः ।
- 9.086.06c यदी पवित्रे अधि मृज्यते हरिः सत्ता नि योना कलशेषु सीदति ॥
- 9.086.07a यज्ञस्य केतुः पवते स्वध्वरः सोमो देवानामुप याति निष्कृतम् ।
- 9.086.07c सहस्रधारः परि कोशमर्षति वृषा पवित्रमत्येति रोरुवत् ॥
- 9.086.08a राजा समुद्रं नद्योऽ वि गाहतेऽपामूर्मि सचते सिन्धुषु श्रितः ।
- 9.086.08c अध्यस्थात्सानु पवमानो अव्ययं नाभा पृथिव्या धरुणो महो दिवः ॥
- 9.086.09a दिवो न सानु स्तनयन्नचिक्रदद्दयौश्च यस्य पृथिवी च धर्मभिः ।
- 9.086.09c इन्द्रस्य सख्यं पवते विवेदिदत्सोमः पुनानः कलशेषु सीदति ॥
- 9.086.10a ज्योतिर्यज्ञस्य पवते मधु प्रियं पिता देवानां जनिता विभूवसुः ।
- 9.086.10c दधाति रत्नं स्वधयोरपीच्यं मदिन्तमो मत्सर इन्द्रियो रसः ॥
- 9.086.11a अभिक्रन्दन्कलशं वाज्यर्षति पतिर्दिवः शतधारो विचक्षणः ।
- 9.086.11c हरिर्मित्रस्य सदनेषु सीदति मर्मृजानोऽविभिः सिन्धुभिर्वृषा ॥
- 9.086.12a अग्रे सिन्धूनां पवमानो अर्षत्यग्रे वाचो अग्रियो गोषु गच्छति ।
- 9.086.12c अग्रे वाजस्य भजते महाधनं स्वायुधः सोतृभिः पूयते वृषा ॥

- 9.086.13a अ॒यं॒ म॒त॒वा॒ञ्छ॒कु॒नो॒ यथा॑ ह॒तोऽव्ये॑ स॒सार॒ प॒व॒मा॒न ऊ॒र्मि॒णा॑ ।
- 9.086.13c त॒व॒ क॒त्वा॒ रो॒द॒सी॒ अ॒न्त॒रा॒ क॒वे॒ शु॒चि॒र्धिया॑ प॒व॒ते॒ सोम॑ इ॒न्द्र॒ ते ॥
- 9.086.14a द्रा॒पिं॒ व॒सा॒नो॒ य॒ज॒तो॒ दि॒वि॒स्पृ॒श॒म॒न्त॒रि॒क्ष॒प्रा॒ भु॒व॒ने॒ष्वर्पि॑तः ।
- 9.086.14c स्व॒र्ज॒ज्ञा॒नो॒ न॒भ॒सा॒भ्य॒क॒मी॒त्प्र॒त्न॒म॒स्य॑ पि॒तर॒मा॒ वि॒वा॒स॒ति ॥
- 9.086.15a सो॒ अ॒स्य॑ वि॒शे॒ महि॑ श॒र्म॒ य॒च्छ॒ति॒ यो॒ अ॒स्य॑ धा॒म॒ प्र॒थ॒मं॒ व्या॒न॒शे॑ ।
- 9.086.15c प॒दं॒ य॒द॒स्य॑ प॒र॒मे॒ व्यो॒म॒न्य॒तो॒ वि॒श्वा॑ अ॒भि॒ सं॒ या॒ति॒ सं॒य॒तः ॥
- 9.086.16a प्रो॒ अ॒या॒सी॒दि॒न्द्रु॒रि॒न्द्र॒स्य॑ निष्कृ॒तं॒ स॒खा॒ स॒ख्यु॒र्न॒ प्र॒ मि॒ना॒ति॒ सं॒गि॒र॒म् ।
- 9.086.16c म॒र्य॑ इ॒व॒ यु॒व॒ति॒भिः॒ स॒म॒र्ष॑ति॒ सोमः॑ क॒ल॒शे॑ श॒त॒या॒म्ना॒ प॒था ॥
- 9.086.17a प्र॒ वो॒ धि॒यो॒ म॒न्द्र॒यु॒वो॒ वि॒प॒न्यु॒वः॒ प॒न॒स्यु॒वः॒ सं॒व॒स॒ने॒ष्व॒क्र॒मुः॑ ।
- 9.086.17c सो॒मं॒ म॒नी॒षा॒ अ॒भ्य॒नू॒ष॒त॒ स्तु॒भोऽभि॑ धे॒न॒वः॒ प॒य॒से॒म॒शि॒श्रु॒युः ॥
- 9.086.18a आ॒ नः॑ सो॒म॒ सं॒य॒तं॒ पि॒प्यु॒षी॒मि॒ष॒मि॒न्द्रो॒ प॒व॒स्व॒ प॒व॒मा॒नो॒ अ॒स्त्रि॒ध॒म् ।
- 9.086.18c या॒ नो॒ दो॒ह॒ते॒ त्रि॒र॒ह॒न्न॒स॒श्रु॒षी॒ क्षु॒म॒द्वा॒ज॒व॒न्म॒धु॒म॒त्सु॒वी॒र्य॑म् ॥
- 9.086.19a वृ॒षा॒ म॒ती॒नां॑ प॒व॒ते॒ वि॒च॒क्ष॒णः॒ सोमो॑ अ॒हः॒ प्र॒त॒री॒तो॒ष॒सो॑ दि॒वः॑ ।
- 9.086.19c क्रा॒णा॒ सि॒न्धू॒नां॑ क॒ल॒शाँ॑ अ॒वी॒व॒श॒दि॒न्द्र॒स्य॑ हा॒द्या॒वि॒श॒न्म॒नी॒षि॒भिः ॥
- 9.086.20a म॒नी॒षि॒भिः॑ प॒व॒ते॒ पू॒र्व्यः॒ क॒वि॒र्नृ॒भि॒र्य॒तः॒ परि॑ को॒शाँ॑ अ॒चि॒क्र॒दत् ।
- 9.086.20c त्रि॒त॒स्य॑ ना॒म॒ ज॒न॒य॒न्म॒धु॒ क्ष॒र॒दि॒न्द्र॒स्य॑ वा॒योः॒ स॒ख्या॒य॒ क॒र्त॒वे ॥
- 9.086.21a अ॒यं॒ पु॒ना॒न॒ उ॒ष॒सो॒ वि॒ रो॒च॒य॒द॒यं॒ सि॒न्धु॒भ्यो॑ अ॒भ॒व॒दु॒ लो॒क॒कृ॒त् ।
- 9.086.21c अ॒यं॒ त्रिः॒ स॒प्त॑ दु॒दु॒हा॒न॒ आ॒शि॒रं॒ सोमो॑ हृ॒दे॒ प॒व॒ते॒ चा॒रु॑ म॒त्स॒रः ॥

- 9.086.22a पवस्व सोम दिव्येषु धामसु सृजान इन्दो कलशे पवित्र आ ।
- 9.086.22c सीदन्निन्द्रस्य जठरे कनिक्रदन्नृभिर्यतः सूर्यमारोहयो दिवि ॥
- 9.086.23a अद्रिभिः सुतः पवसे पवित्र आँ इन्दविन्द्रस्य जठरेष्वाविशन् ।
- 9.086.23c त्वं नृचक्षा अभवो विचक्षण सोम गोत्रमङ्गिरोभ्योऽवृणोरप ॥
- 9.086.24a त्वां सोम पवमानं स्वाध्योऽनु विप्रासो अमदन्नवस्यवः ।
- 9.086.24c त्वां सुपर्ण आभरद्विस्परीन्दो विश्वाभिर्मतिभिः परिष्कृतम् ॥
- 9.086.25a अव्ये पुनानं परि वार ऊर्मिणा हरिं नवन्ते अभि सप्त धेनवः ।
- 9.086.25c अपामुपस्थे अध्यायवः कविमृतस्य योना महिषा अहेषत ॥
- 9.086.26a इन्दुः पुनानो अति गाहते मृधो विश्वानि कृगवन्सुपथानि यज्यवे ।
- 9.086.26c गाः कृगवानो निर्णिजं हर्यतः कविरत्यो न क्रीळन्परि वारमर्षति ॥
- 9.086.27a असश्चतः शतधारा अभिश्रियो हरिं नवन्तेऽव ता उदन्युवः ।
- 9.086.27c क्षिपो मृजन्ति परि गोभिरावृतं तृतीये पृष्ठे अधि रोचने दिवः ॥
- 9.086.28a तवेमाः प्रजा दिव्यस्य रेतसस्त्वं विश्वस्य भुवनस्य राजसि ।
- 9.086.28c अथेदं विश्वं पवमान ते वशे त्वमिन्दो प्रथमो धामधा असि ॥
- 9.086.29a त्वं समुद्रो असि विश्ववित्कवे तवेमाः पञ्च प्रदिशो विधर्मणि ।
- 9.086.29c त्वं द्यां च पृथिवीं चाति जभ्रिषे तव ज्योतीषि पवमान सूर्यः ॥
- 9.086.30a त्वं पवित्रे रजसो विधर्मणि देवेभ्यः सोम पवमान पूयसे ।
- 9.086.30c त्वामुशिजः प्रथमा अगृभ्णात तुभ्येमा विश्वा भुवनानि येमिरे ॥

- 9.086.31a प्र रेभ एत्यति वारमव्ययं वृषा वनेष्वव चक्रदद्धरिः ।
- 9.086.31c सं धीतयो वावशाना अनूषत शिशुं रिहन्ति मतयः पनिप्रतम् ॥
- 9.086.32a स सूर्यस्य रश्मिभिः परि व्यत तन्तुं तन्वानस्त्रिवृतं यथा विदे ।
- 9.086.32c नयन्नृतस्य प्रशिषो नवीयसीः पतिर्जनीनामुप याति निष्कृतम् ॥
- 9.086.33a राजा सिन्धूनां पवते पतिर्दिव ऋतस्य याति पथिभिः कनिक्रदत् ।
- 9.086.33c सहस्रधारः परि षिच्यते हरिः पुनानो वाचं जनयन्नुपावसुः ॥
- 9.086.34a पवमान मह्यर्णो वि धावसि सूरु न चित्रो अव्ययानि पव्यया ।
- 9.086.34c गभस्तिपूतो नृभिरद्रिभिः सुतो महे वाजाय धन्याय धन्वसि ॥
- 9.086.35a इषमूर्ज पवमानाभ्यर्षसि श्येनो न वंसु कलशेषु सीदसि ।
- 9.086.35c इन्द्राय मद्वा मद्यो मदः सुतो दिवो विष्टम्भ उपमो विचक्षणः ॥
- 9.086.36a सप्त स्वसारो अभि मातरः शिशुं नवं जज्ञानं जेन्यं विपश्चितम् ।
- 9.086.36c अपां गन्धर्व दिव्यं नृचक्षसं सोमं विश्वस्य भुवनस्य राजसे ॥
- 9.086.37a ईशान इमा भुवनानि वीयसे युजान इन्दो हरितः सुपर्ण्यः ।
- 9.086.37c तास्ते क्षरन्तु मधुमद्धृतं पयस्तव व्रते सोम तिष्ठन्तु कृष्टयः ॥
- 9.086.38a त्वं नृचक्षा असि सोम विश्वतः पवमान वृषभ ता वि धावसि ।
- 9.086.38c स नः पवस्व वसुमद्धिरण्यवद्वयं स्याम भुवनेषु जीवसे ॥
- 9.086.39a गोवित्पवस्व वसुविद्धिरण्यविद्रेतोधा इन्दो भुवनेष्वर्पितः ।
- 9.086.39c त्वं सुवीरो असि सोम विश्ववित्तं त्वा विप्रा उप गिरेम आसते ॥

- 9.086.40a उन्मध्व ऊर्मिर्वनना अतिष्ठिपदपो वसानो महिषो वि गाहते ।
- 9.086.40c राजा पवित्ररथो वाजमारुहत्सहस्रभृष्टिर्जयति श्रवो बृहत् ॥
- 9.086.41a स भन्दना उदियति प्रजावतीर्विश्वायुर्विश्वाः सुभरा अहर्दिवि ।
- 9.086.41c ब्रह्म प्रजावद्रयिमश्वपस्त्यं पीत इन्दविन्द्रमस्मभ्यं याचतात् ॥
- 9.086.42a सो अग्रे अह्नां हरिर्हर्यतो मदः प्र चेतसा चेतयते अनु द्युभिः ।
- 9.086.42c द्वा जना यातयन्नन्तरीयते नरा च शंसं दैव्यं च धर्तारि ॥
- 9.086.43a अञ्जते व्यञ्जते समञ्जते क्रतुं रिहन्ति मधुनाभ्यञ्जते ।
- 9.086.43c सिन्धोरुच्छ्वासे पतयन्तमुक्ष्णं हिरण्यपावाः पशुमासु गृभ्णते ॥
- 9.086.44a विपश्चिते पवमानाय गायत मही न धारात्यन्धो अर्षति ।
- 9.086.44c अहिर्न जूर्णामति सर्पति त्वचमत्यो न क्रीळन्नसरदृषा हरिः ॥
- 9.086.45a अग्रेगो राजाप्यस्तविष्यते विमानो अह्नां भुवनेष्वर्षितः ।
- 9.086.45c हरिर्घृतस्रुः सुदृशीको अर्णवो ज्योतीरथः पवते राय ओक्वयः ॥
- 9.086.46a असर्जि स्कम्भो दिव उद्यतो मदः परि त्रिधातुर्भुवनान्यर्षति ।
- 9.086.46c अंशुं रिहन्ति मतयः पनिप्लतं गिरा यदि निर्णिजमृग्मिणो ययुः ॥
- 9.086.47a प्र ते धारा अत्यगवानि मेष्यः पुनानस्य संयतो यन्ति रंहयः ।
- 9.086.47c यद्गोभिरिन्दो चम्बोः समज्यस आ सुवानः सोम कलशेषु सीदसि ॥
- 9.086.48a पवस्व सोम क्रतुविन्न उक्थ्योऽव्यो वारे परि धाव मधु प्रियम् ।
- 9.086.48c जहि विश्वान्नक्षस इन्दो अत्रिणो बृहद्वदेम विदथे सुवीराः ॥

- 9.087.01a प्र तु द्रव परि कोशं नि षीद नृभिः पुनानो अभि वाजमर्ष ।
- 9.087.01c अश्वं न त्वा वाजिनं मर्जयन्तोऽच्छा बर्ही रशनाभिर्नयन्ति ॥
- 9.087.02a स्वायुधः पवते देव इन्दुरशस्तिहा वृजनं रक्षमाणः ।
- 9.087.02c पिता देवानां जनिता सुदत्तो विष्टम्भो दिवो धरुणः पृथिव्याः ॥
- 9.087.03a ऋषिर्विप्रः पुरएता जनानामृभूर्धिर उशना काव्येन ।
- 9.087.03c स चिद्विवेद निहितं यदासामपीच्यंशु गुह्यं नाम गोनाम् ॥
- 9.087.04a एष स्य ते मधुमाँ इन्द्र सोमो वृषा वृष्णे परि पवित्रे अक्षाः ।
- 9.087.04c सहस्रसाः शतसा भूरिदावा शश्वत्तमं बर्हिरा वाज्यस्थात् ॥
- 9.087.05a एते सोमा अभि गव्या सहस्रा महे वाजायामृताय श्रवांसि ।
- 9.087.05c पवित्रेभिः पवमाना असृग्रज्छवस्यवो न पृतनाजो अत्याः ॥
- 9.087.06a परि हि ष्मा पुरुहूतो जनानां विश्वासरद्भोजना पूयमानः ।
- 9.087.06c अथा भर श्येनभृत प्रयांसि रयिं तुञ्जानो अभि वाजमर्ष ॥
- 9.087.07a एष सुवानः परि सोमः पवित्रे सर्गो न सृष्टो अदधावदर्वा ।
- 9.087.07c तिग्मे शिशानो महिषो न शृङ्गे गा गव्यन्नभि शूरो न सत्वा ॥
- 9.087.08a एषा ययौ परमादन्तरद्रेः कूचित्सतीरूर्वे गा विवेद ।
- 9.087.08c दिवो न विद्युत्स्तनयन्त्यभ्रैः सोमस्य ते पवत इन्द्र धारा ॥
- 9.087.09a उत स्म राशिं परि यासि गोनामिन्द्रेण सोम सरथं पुनानः ।

- 9.087.09c पूर्वीरिषो बृहतीर्जीरदानो शिच्चा शचीवस्तव ता उपष्टुत् ॥
- 9.088.01a अयं सोम इन्द्र तुभ्यं सुन्वे तुभ्यं पवते त्वमस्य पाहि ।
- 9.088.01c त्वं ह यं चकृषे त्वं ववृष इन्दुं मदाय युज्याय सोमम् ॥
- 9.088.02a स ई रथो न भुरिषाळयोजि महः पुरूणि सातये वसूनि ।
- 9.088.02c आदीं विश्वा नहुष्याणि जाता स्वर्षाता वन ऊर्ध्वा नवन्त ॥
- 9.088.03a वायुर्न यो नियुत्वाँ इष्टयामा नासत्येव हव आ शम्भविष्ठः ।
- 9.088.03c विश्ववारो द्रविणोदा इव त्मन्पूषेव धीजवनोऽसि सोम ॥
- 9.088.04a इन्द्रो न यो महा कर्माणि चक्रिर्हन्ता वृत्राणामसि सोम पूर्भित् ।
- 9.088.04c पैद्वो न हि त्वमहिनाम्नां हन्ता विश्वस्यासि सोम दस्योः ॥
- 9.088.05a अग्निर्न यो वन आ सृज्यमानो वृथा पाजांसि कृणुते नदीषु ।
- 9.088.05c जनो न युध्वा महत उपब्दिरियर्ति सोमः पवमान ऊर्मिम् ॥
- 9.088.06a एते सोमा अति वाराण्यव्या दिव्या न कोशासो अभ्रवर्षाः ।
- 9.088.06c वृथा समुद्रं सिन्धवो न नीचीः सुतासो अभि कलशाँ असृग्रन् ॥
- 9.088.07a शुष्मी शर्धो न मारुतं पवस्वानभिशस्ता दिव्या यथा विट् ।
- 9.088.07c आपो न मद्भू सुमतिर्भवा नः सहस्राप्साः पृतनाषाणन यज्ञः ॥
- 9.088.08a राज्ञो नु ते वरुणस्य व्रतानि बृहद्भीरं तव सोम धाम ।
- 9.088.08c शुचिष्ट्वमसि प्रियो न मित्रो दत्ताय्यो अर्यमेवासि सोम ॥

- 9.089.01a प्रो॒ स्य॒ वह्निः॑ प॒थ्या॑भि॒रस्या॑न्दि॒वो न॒ वृष्टिः॑ प॒वमा॑नो अ॒क्षाः ।
- 9.089.01c स॒हस्र॑धा॒रो अ॒सद॑न्न्य॒श्स्मे मा॒तुरु॑प॒स्थे व॒न आ॒ च सो॑मः ॥
- 9.089.02a रा॒जा सि॒न्धूना॑म॒वसि॑ष्ट॒ वास॑ ऋ॒तस्य॑ ना॒वमा॑रु॒हद्र॑जि॒ष्ठाम् ।
- 9.089.02c अ॒प्सु द्र॒प्सो वा॑वृ॒धे श्ये॑न॒जूतो॒ दुह॑ ई॒ पिता॑ दुह॑ ई॒ पितु॑र्जाम् ॥
- 9.089.03a सि॒ंहं न॑स॒न्त म॒ध्वो अ॒यासं॑ ह॒रि॒मरु॑षं॒ दिवो॑ अ॒स्य प॑तिम् ।
- 9.089.03c शू॒रो यु॑त्सु॒ प्रथ॑मः पृ॒च्छते॑ गा॒ अस्य॑ च॒क्षसा॑ परि॒ पात्यु॑क्षा ॥
- 9.089.04a म॒धुपृ॑ष्ठं॒ घोर॑म॒यास॑म॒श्वं रथे॑ यु॒ञ्जन्त्यु॑रु॒चक्र॑ ऋ॒ष्वम् ।
- 9.089.04c स्व॒सार॑ ई॒ जाम॑यो॒ मर्ज॑यन्ति॒ सना॑भयो॒ वाजि॑नमूर्ज॒यन्ति॑ ॥
- 9.089.05a च॒तस्र॑ ई॒ घृत॑दुहः॒ सच॑न्ते॒ समाने॑ अ॒न्तर्ध॑रु॒णे नि॑ष॒त्ताः ।
- 9.089.05c ता॑ ई॒मर्ष॑न्ति॒ नम॑सा पु॒नाना॑स्ता॒ ई विश्व॑तः॒ परि॑ षन्ति॒ पूर्वीः॑ ॥
- 9.089.06a वि॒ष्टम्भो॑ दि॒वो ध॒रुणः॑ पृथि॒व्या वि॒श्वा उ॒त क्षि॑तयो॒ हस्ते॑ अ॒स्य ।
- 9.089.06c अ॒सत्त॑ उ॒त्सो गृ॑णते॒ नियु॑त्वान्म॒ध्वो अंशुः॑ प॒वत॑ इन्द्रि॒याय॑ ॥
- 9.089.07a व॒न्वन्न॑वा॒तो अ॒भि दे॒ववी॑ति॒मिन्द्रा॑य सोम॒ वृत्र॑हा प॒वस्व॑ ।
- 9.089.07c श॒ग्धि म॒हः पु॑रु॒श्चन्द्र॑स्य॒ रायः॑ सु॒वीर्य॑स्य॒ पत॑यः॒ स्याम॑ ॥
- 9.090.01a प्र॑ हि॒न्वानो॑ ज॒निता॑ रो॒दस्यो॑ रथो॒ न वाजं॑ स॒निष्य॑न्नयासीत् ।
- 9.090.01c इन्द्रं॑ ग॒च्छन्ना॑यु॒धा संशि॑शानो॒ विश्वा॑ व॒सु ह॑स्तयो॒राद॑धानः ॥

- 9.090.02a अ॒भि त्रि॑पृ॒ष्ठं वृ॒षणं॑ वयो॒धामाङ्गु॑षाणामवावशन्त वा॒णीः ।
- 9.090.02c वना॑ वसानो वरु॒णो न सि॒न्धून्वि॑ रत्न॒धा द॑यते वा॒र्याणि॑ ॥
- 9.090.03a शूर॑ग्रामः सर्व॒वीरः॑ सहावा॒ञ्जेता॑ पवस्व स॒निता॑ ध॒नानि॑ ।
- 9.090.03c ति॒ग्मायु॑धः क्षिप्र॒धन्वा॑ सम॒त्स्वषा॑ळ्हः सा॒ह्वान्पृ॑तनासु श॒त्रून् ॥
- 9.090.04a उरु॑गव्यूतिरभयानि कृ॒णव॑न्समीचीने आ पवस्वा पु॒रंधी॑ ।
- 9.090.04c अपः॑ सि॒षास॑न्नुषसः स्व॒र्शाः सं चि॑क्रदो महो अ॒स्मभ्यं॑ वा॒जान् ॥
- 9.090.05a मत्सि॑ सोम वरु॒णं मत्सि॑ मि॒त्रं मत्सी॑न्द्रमिन्दो पवमान वि॒ष्णुम् ।
- 9.090.05c मत्सि॑ श॒र्षो मारु॑तं मत्सि॑ दे॒वान्मत्सि॑ महा॒मिन्द्र॑मिन्दो म॒दाय॑ ॥
- 9.090.06a ए॒वा राजे॑व क्रतु॒माँ अ॒मेन॑ विश्वा घ॒निघ्न॑दुरिता पवस्व ।
- 9.090.06c इ॒न्दो सू॒क्ताय॑ वचसे वयो॒ धा यू॒यं पा॑त स्व॒स्तिभिः॑ सदा॒ नः ॥

- 9.091.01a अ॒सर्जि॑ वक्वा रथ्ये यथा॒जौ धि॒या म॒नोता॑ प्रथ॒मो म॒नीषी॑ ।
- 9.091.01c द॒श स्व॑सारो अधि॒ सानो॑ अ॒व्येऽज॑न्ति व॒ह्निं स॑दनान्यच्छ ॥
- 9.091.02a वी॒ती जन॑स्य दि॒व्यस्य॑ क॒व्यैरधि॑ सु॒वानो॑ नहुष्येभि॒रिन्दुः॑ ।
- 9.091.02c प्र यो नृ॑भिरमृतो म॒त्यैर्भिर्मृ॑जानोऽवि॒भिर्गो॑भिरद्भिः ॥
- 9.091.03a वृ॒षा वृ॒ष्णे रो॒रुवदं॑शुर॒स्मै प॑वमानो रु॒शदी॑र्ते पयो गोः ।
- 9.091.03c स॒हस्र॑मृक्वा पथिभिर्व॒चोवि॑दध्व॒स्मभिः॑ सू॒रो अ॒णवं॑ वि या॒ति ॥
- 9.091.04a रु॒जा दृ॒ळ्हा चि॑द्र॒क्षसः॑ सदा॒सि पु॒नान॑ इ॒न्द ऊ॒र्णुहि॑ वि वा॒जान् ।

- 9.091.04c वृश्चोपरिष्ठात्तुजता वधेन ये अन्ति दूरादुपनायमेषाम् ॥
- 9.091.05a स प्रत्नवन्नव्यसे विश्ववार सूक्ताय पथः कृणुहि प्राचः ।
- 9.091.05c ये दुःषहासो वनुषा बृहन्तस्तांस्ते अश्याम पुरुकृत्पुरुक्षो ॥
- 9.091.06a एवा पुनानो अपः स्वर्गा अस्मभ्यं तोका तनयानि भूरि ।
- 9.091.06c शं नः क्षेत्रमुरु ज्योतीषि सोम ज्योङ्गनः सूर्यं दृशये रिरीहि ॥

- 9.092.01a परि सुवानो हरिरंशुः पवित्रे रथो न सर्जि सनये हियानः ।
- 9.092.01c आपच्छ्लोकमिन्द्रियं पूयमानः प्रति देवाँ अजुषत प्रयोभिः ॥
- 9.092.02a अच्छा नृचक्षा असरत्पवित्रे नाम दधानः कविरस्य योनौ ।
- 9.092.02c सीदन्होतेव सदने चमूपेमग्मन्नृषयः सप्त विप्राः ॥
- 9.092.03a प्र सुमेधा गातुविद्विश्चदेवः सोमः पुनानः सद एति नित्यम् ।
- 9.092.03c भुवद्विश्चेषु काव्येषु रन्तानु जनान्यतते पञ्च धीरः ॥
- 9.092.04a तव त्ये सोम पवमान निगये विश्वे देवास्त्रय एकादशासः ।
- 9.092.04c दश स्वधाभिरधि सानो अव्ये मृजन्ति त्वा नद्यः सप्त यहीः ॥
- 9.092.05a तन्न सत्यं पवमानस्यास्तु यत्र विश्वे कारवः संनसन्त ।
- 9.092.05c ज्योतिर्यदहे अकृणोदु लोकं प्रावन्मनुं दस्यवे करभीकम् ॥
- 9.092.06a परि सद्मेव पशुमान्ति होता राजा न सत्यः समितीरियानः ।
- 9.092.06c सोमः पुनानः कलशाँ अयासीत्सीदन्मृगो न महिषो वनेषु ॥

- 9.093.01a साकमु॒क्तो॑ म॒र्जय॑न्त॒ स्वसा॑रो द॒श धी॑रस्य॒ धीत॑यो॒ धनु॑त्रीः ।
- 9.093.01c हरिः॑ पर्य॒द्रव॑ज्जाः सूर्य॑स्य॒ द्रोणं॑ न॒नक्षे॑ अ॒त्यो न॑ वा॒जी ॥
- 9.093.02a सं मा॒तृभि॑र्न शि॒शुर्वा॑वशानो वृषा॑ दध॒न्वे पु॑रुवारो॒ अद्भिः॑ ।
- 9.093.02c म॒र्यो न॑ योषाम॒भि नि॑ष्कृतं॒ यन्सं॑ गच्छते॒ कलश॑ उ॒स्त्रिया॑भिः ॥
- 9.093.03a उ॒त प्र॑ पि॒प्य ऊ॒धर॑घ्न्याया॒ इन्दु॑र्धाराभिः स॒चते॑ सु॒मेधाः॑ ।
- 9.093.03c मूर्धा॑नं गावः॒ पय॑सा च॒मूष्व॑भि श्री॒णन्ति॑ वसु॒भिर्न॑ नि॒क्तैः ॥
- 9.093.04a स नो॑ दे॒वेभिः॑ पव॒मान॑ र॒देन्दो॑ रयि॒मश्वि॑नं॒ वाव॑शानः ।
- 9.093.04c रथि॑रायतामु॒शती॑ पु॒रंधि॑रस्म॒द्य॒शगा॑ दावने॒ वसू॑नाम् ॥
- 9.093.05a नू नो॑ रयि॒मुप॑ मास्व॒ नृव॑न्तं पु॒नानो॑ वा॒ताप्यं॑ वि॒श्वश्च॑न्द्रम् ।
- 9.093.05c प्र व॑न्दि॒तुरि॑न्दो॒ तार्या॑युः प्रा॒तर्म॑क्षू॒ धिया॑वसु॒र्जग॑म्यात् ॥
- 9.094.01a अ॒धि य॑द॒स्मिन्वा॑जिनीव॒ शुभ॑ स्पर्ध॒न्ते धि॑यः सूर्ये॑ न वि॒शः ।
- 9.094.01c अ॒पो वृ॑णानः॒ पव॑ते क॒वीय॑न्ब्रजं न पशु॒वर्ध॑नाय॒ मन्म॑ ॥
- 9.094.02a द्वि॒ता व्यू॑र्ग्वन्न॒मृत॑स्य॒ धाम॑ स्व॒विदे॑ भुव॒नानि॑ प्रथ॒न्त ।
- 9.094.02c धि॑यः पि॒न्वानाः॑ स्व॒सरे॑ न गाव॒ ऋ॒ताय॑न्ती॒रभि॑ वाव॒श्र इ॒न्दुम् ॥
- 9.094.03a परि॑ यत्क॒विः का॒व्या भ॑रते॒ शूरो॑ न रथो॒ भुव॑नानि॒ विश्वा॑ ।
- 9.094.03c दे॒वेषु॑ यशो॒ मर्ता॑य॒ भूष॑न्द॒त्ताय॑ रा॒यः पु॑रु॒भूषु॑ न॒व्यः ॥

9.094.04a श्रिये॑ जा॒तः श्रि॒य आ॒ निरि॒याय॑ श्रि॒यं व॒यो ज॒रितृ॑भ्यो॒ दधा॑ति ।

9.094.04c श्रि॒यं व॒साना॑ अ॒मृत॑त्व॒माय॑न्भवन्ति॒ स॒त्या स॒मि॒था मि॒तद्रौ॑ ॥

9.094.05a इ॒षमूर्ज॑म॒भ्यर्षा॑श्वं॒ गा॒मु॒रु ज्यो॑तिः॒ कृ॒णु॒हि म॒त्सि दे॒वान् ।

9.094.05c वि॒श्वानि॑ हि॒ सु॒षहा॑ ता॒नि तु॒भ्यं प॒व॒मान॑ बा॒धसे॑ सो॒म श॒त्रून् ॥

9.095.01a क॒निक्र॑न्ति॒ हरि॑रा॒ सृ॒ज्यमा॑नः॒ सी॒द॒न्व॒नस्य॑ ज॒ठरे॑ पु॒नानः॑ ।

9.095.01c नृ॒भिर्य॑तः॒ कृ॒णु॒ते नि॒र्णिजं॑ गा॒ अ॒तो म॒तीर्ज॑नयत॒ स्वधा॑भिः ॥

9.095.02a हरिः॑ सृ॒जा॒नः प॒थ्यामृ॑त॒स्येय॑र्ति॒ वाच॑म॒रि॒तेव॑ ना॒वम् ।

9.095.02c दे॒वो दे॒वानां॑ गु॒ह्यानि॑ ना॒मावि॑ष्कृ॒णोति॑ ब॒र्हिषि॑ प्र॒वाचे॑ ॥

9.095.03a अ॒पा॒मि॒वेदूर्म॑यस्त॒र्तुरा॑णाः॒ प्र म॑नीषा॒ ई॒रते॑ सो॒मम॑च्छ ।

9.095.03c न॒म॒स्य॒न्ती॒रुप॑ च॒ यन्ति॑ सं॒ चा च॑ वि॒शन्त्यु॑श॒तीरु॑शन्तम् ॥

9.095.04a तं म॑र्मृ॒जा॒नं म॒हिषं॑ न॒ सा॒ना॒वंशुं॑ दु॒हन्त्यु॑क्ष॒णं गि॒रि॒ष्ठाम् ।

9.095.04c तं वा॑व॒शानं॑ म॒तयः॑ स॒चन्ते॑ त्रि॒तो बि॑भ॒र्ति व॒रुणं॑ स॒मुद्रे॑ ॥

9.095.05a इ॒ष्यन्वा॑चमु॒पव॑क्तेव॒ होतुः॑ पु॒नान॑ इ॒न्दो वि॑ ष्या॒ मनी॑षाम् ।

9.095.05c इ॒न्द्रश्च॑ यत्क्ष॒यथः॑ सौ॒भगा॑य सु॒वीर्य॑स्य॒ पत॑यः॒ स्याम॑ ॥

9.096.01a प्र॑ से॒नानीः॑ शू॒रो अ॒ग्रे र॒थानां॑ ग॒व्यन्ने॑ति॒ हर्ष॑ति॒ अस्य॑ से॒ना ।

9.096.01c भ॒द्रान्कृ॑णव॒न्निन्द्र॑ह॒वान्स॑खि॒भ्य आ॒ सोमो॑ व॒स्त्रा र॑भ॒सानि॑ द॒त्ते ॥

- 9.096.02a समस्य हरिं हरयो मृजन्त्यश्वहयैरनिशितं नमोभिः ।
- 9.096.02c आ तिष्ठति रथमिन्द्रस्य सखा विद्वाँ एना सुमतिं यात्यच्छ ॥
- 9.096.03a स नो देव देवताते पवस्व महे सोम प्सरस इन्द्रपानः ।
- 9.096.03c कृण्वन्नपो वर्षयन्द्यामुतेमामुरोरा नो वरिवस्या पुनानः ॥
- 9.096.04a अजीतयेऽहतये पवस्व स्वस्तये सर्वतातये बृहते ।
- 9.096.04c तदुशन्ति विश्व इमे सखायस्तदहं वशिम पवमान सोम ॥
- 9.096.05a सोमः पवते जनिता मतीनां जनिता दिवो जनिता पृथिव्याः ।
- 9.096.05c जनिताग्नेर्जनिता सूर्यस्य जनितेन्द्रस्य जनितोत विष्णोः ॥
- 9.096.06a ब्रह्मा देवानां पदवीः कवीनामृषिर्विप्राणां महिषो मृगाणाम् ।
- 9.096.06c श्येनो गृध्राणां स्वधितिर्वनानां सोमः पवित्रमत्येति रेभन् ॥
- 9.096.07a प्रावीविपद्वाच ऊर्मिं न सिन्धुर्गिरः सोमः पवमानो मनीषाः ।
- 9.096.07c अन्तः पश्यन्वृजनेमावराण्या तिष्ठति वृषभो गोषु जानन् ॥
- 9.096.08a स मत्सरः पृत्सु वन्वन्नवातः सहस्ररेता अभि वाजमर्ष ।
- 9.096.08c इन्द्रायेन्दो पवमानो मनीष्यंशोरूर्मिमीरय गा इषयन् ॥
- 9.096.09a परि प्रियः कलशे देववात इन्द्राय सोमो रणयो मदाय ।
- 9.096.09c सहस्रधारः शतवाज इन्दुर्वाजी न सप्तिः समना जिगाति ॥
- 9.096.10a स पूर्व्यो वसुविजायमानो मृजानो अप्सु दुदुहानो अद्रौ ।
- 9.096.10c अभिशस्तिपा भुवनस्य राजा विदद्भ्रातुं ब्रह्मणे पूयमानः ॥

- 9.096.11a त्वया॑ हि॒ नः॑ पि॒तरः॑ सोम॒ पूर्वे॑ कर्मा॒णि च॒क्रुः॑ पव॒मान॑ धी॒राः ।
- 9.096.11c वन्व॑न्नवा॒तः परि॑र्धौर॒पोर्णु॑ वी॒रेभि॑रश्वै॒र्मघ॑वा॒ भवा॑ नः ॥
- 9.096.12a यथा॑पवथा॒ मन॑वे वयो॒धा अ॒मि॒त्रहा॑ वरि॒वोवि॑द्धविष्म॒ान् ।
- 9.096.12c ए॒वा प॑वस्व॒ द्रवि॑णं॒ दधान॑ इ॒न्द्रे सं॑ तिष्ठ॒ जन॑यायु॒धानि॑ ॥
- 9.096.13a प॑वस्व॒ सोम॑ म॒धुमाँ॑ ऋ॒तावा॑पो व॒सानो॑ अ॒धि सा॒नो अ॒व्ये ।
- 9.096.13c अ॒व द्रो॑णानि॒ घृ॒तवा॑न्ति॒ सीद॑ म॒दि॒न्त॒मो म॒त्सर॑ इ॒न्द्रपा॑नः ॥
- 9.096.14a वृ॒ष्टिं दि॒वः श॑त॒धारः॑ प॑वस्व॒ सह॑स्रसा॒ वाज॑यु॒र्दे॒ववी॑तौ ।
- 9.096.14c सं॑ सि॒न्धुभिः॑ क॒लशे॑ वाव॒शानः॑ स॒मु॒स्त्रिया॑भिः॒ प्रति॑रन्न॒ आयुः॑ ॥
- 9.096.15a ए॒ष स्य॑ सोमो॒ मति॑भिः॒ पुना॑नोऽत्यो॒ न वा॒जी तर॑तीद॒रातीः॑ ।
- 9.096.15c प॒यो न॑ दु॒ग्धम॑दि॒तेरि॑षिर॒मुर्वि॑व॒ गातुः॑ सु॒यमो॑ न वोळ्हा ॥
- 9.096.16a स्वा॒युधः॑ सो॒तृभिः॑ पू॒यमा॑नोऽभ्य॒र्ष गु॒ह्यं चा॒रु नाम॑ ।
- 9.096.16c अ॒भि वा॑जं स॒प्तिरि॑व श्रव॒स्याभि॑ वा॒युम॑भि॒ गा दे॑व सोम ॥
- 9.096.17a शि॒शुं ज॑ज्ञानं॒ हर्य॑तं मृ॒जन्ति॑ शु॒म्भन्ति॑ व॒ह्निं म॒रुतो॑ ग॒णेन॑ ।
- 9.096.17c क॒विर्गी॑र्भिः॒ काव्ये॑ना॒ कविः॑ स॒न्सोमः॑ प॒वित्र॑म॒त्येति॑ रेभन् ॥
- 9.096.18a ऋ॒षिम॑ना॒ य ऋ॑षि॒कृत्स्व॑र्षाः॒ सह॑स्र॒णीथः॑ प॒दवीः॑ क॒वीना॑म् ।
- 9.096.18c तृ॒तीयं॑ धाम॒ महि॑षः॒ सि॒षास॑न्सोमो॒ विरा॑ज॒मनु॑ राजति॒ षुप् ॥
- 9.096.19a च॒मूष॑च्छ॒येनः॑ श॒कुनो॑ वि॒भृत्वा॑ गो॒विन्दु॑र्द्र॒प्स आ॑यु॒धानि॑ वि॒भ्रत् ।
- 9.096.19c अ॒पामूर्मि॑ स॒चमा॑नः॒ समु॑द्रं॒ तुरी॑यं॒ धाम॑ महि॒षो वि॑वक्ति ॥

- 9.096.20a म॒र्यो॑ न शु॒भ्रस्त॒न्वं॑ मृ॒जानो॑ऽत्यो न सृ॒त्वा स॒नये॑ ध॒नाना॑म् ।
- 9.096.20c वृ॒षेव॑ यू॒था परि॑ को॒शम॑र्ष॒न्कनि॑क्र॒दच्च॑म्बो॒श्रा वि॑वेश ॥
- 9.096.21a प॒वस्वे॑न्दो प॒वमानो॑ म॒होभिः॑ क॒नि॒क्र॒दत्परि॑ वारा॒ण्यर्ष॑ ।
- 9.096.21c क्री॒ळञ्च॑म्बो॒श्रा वि॑श पू॒यमान॑ इन्द्रं॒ ते र॒सो म॑दिरो म॒मत्तु॑ ॥
- 9.096.22a प्रा॒स्य धा॑रा बृ॒हती॑रसृ॒ग्रन्न॑क्तो गो॒भिः क॒लशाँ॑ आ वि॒वेश॑ ।
- 9.096.22c साम॑ कृ॒णव॑न्साम॒न्यो वि॑पश्चि॒त्क्रन्द॑न्नेत्य॒भि स॒ख्युर्न॑ जा॒मिम् ॥
- 9.096.23a अ॒प॒घ्न॒न्नेषि॑ प॒वमान॑ श॒त्रून्प्रि॑यां न जा॒रो अ॒भिगी॑त इन्द्रुः ।
- 9.096.23c सी॒द॒न्वने॑षु श॒कुनो॑ न प॒त्वा सो॒मः पु॒नानः॑ क॒लशेषु॑ स॒त्ता ॥
- 9.096.24a आ ते॑ रु॒चः प॒वमान॑स्य सो॒म योषे॑व यन्ति सु॒दुघाः॑ सु॒धाराः॑ ।
- 9.096.24c ह॒रि॒रानी॑तः पु॒रुवा॑रो अ॒प्स्वचि॑क्र॒दत्क॒लशे॑ दे॒वयू॑नाम् ॥
- 9.097.01a अस्य॑ प्रेषा हे॒मना॑ पू॒यमानो॑ दे॒वो दे॒वेभिः॑ स॒मपृ॑क्त र॒सम् ।
- 9.097.01c सु॒तः प॒वित्रं॑ प॒र्येति॑ रे॒भन्मि॑तेव स॒द्म प॑शु॒मान्ति॑ होता ॥
- 9.097.02a भ॒द्रा व॑स्त्रा स॒मन्या॑ व॒सानो॑ म॒हान्क॑वि॒र्निर्व॑च॒नानि॑ शंसन् ।
- 9.097.02c आ व॑च्यस्व च॒म्बोः पू॒यमानो॑ वि॒चक्ष॑णो जा॒गृवि॑र्दे॒ववी॑तौ ॥
- 9.097.03a स॒मु प्रि॑यो मृ॒ज्यते॑ सानो अ॒व्ये य॑श॒स्तरो॑ य॒शसां॑ द्यौतो अ॒स्मे ।
- 9.097.03c अ॒भि स्वर॑ ध॒न्वा पू॒यमानो॑ यू॒यं पा॑त स्व॒स्तिभिः॑ सदा॒ नः ॥
- 9.097.04a प्र गा॑य॒ताभ्य॑र्चाम॒ दे॒वान्सो॑मं हि॒नोत॑ म॒हते॑ ध॒नाय॑ ।

- 9.097.04c स्वा॒दुः॒ प॒वा॒ते॒ अ॒ति॒ वा॒र॒म॒व्य॒मा॒ सी॒दा॒ति॒ क॒ल॒शं॑ दे॒व॒यु॒र्नः॑ ॥
- 9.097.05a इ॒न्दु॒र्दे॒वा॒ना॒मु॒प॒ स॒ख्य॒मा॒य॒न्स॒ह॒स्र॒धा॒रः॑ प॒व॒ते॒ म॒दा॒य॑ ।
- 9.097.05c नृ॒भि॒ स्त॒वा॒नो॑ अ॒नु॒ धा॒म॒ पूर्॒व॒म॒ग॒न्नि॒न्द्रं॑ म॒ह॒ते॒ सौ॒भ॒गा॒य॑ ॥
- 9.097.06a स्तो॒त्रे॒ रा॒ये॒ ह॒रि॒र॒र्षा॑ पु॒ना॒न॒ इ॒न्द्रं॑ म॒दो॑ ग॒च्छ॒तु॒ ते॒ भ॒रा॒य॑ ।
- 9.097.06c दे॒वै॒र्या॑हि॒ स॒रथं॑ रा॒धो॒ अ॒च्छा॑ यू॒यं पा॒त॒ स्व॒स्ति॒भिः॒ सदा॑ नः ॥
- 9.097.07a प्र॒ का॒व्य॒मु॒श॒ने॒व॒ ब्रु॒वा॒णो॑ दे॒वो॒ दे॒वा॒नां॑ ज॒नि॒मा॒ वि॒व॒क्ति॑ ।
- 9.097.07c म॒हि॒व्र॒तः॑ शु॒चि॒ब॒न्धुः॑ पा॒व॒कः॒ पदा॑ व॒रा॒हो॒ अ॒भ्ये॒ति॒ रे॒भन् ॥
- 9.097.08a प्र॒ हं॒सा॒स॒स्तृ॒प॒लं॑ म॒न्यु॒म॒च्छा॒मा॒द॒स्तं॑ वृ॒ष॒ग॒णा॒ अ॒या॒सुः॑ ।
- 9.097.08c आ॒ङ्गू॒च्यं॑ प॒व॒मा॒नं॑ स॒खा॒यो॒ दु॒र्म॒र्षं॑ सा॒कं॒ प्र॒ व॒द॒न्ति॑ वा॒णम् ॥
- 9.097.09a स॒ रं॒हत॑ उ॒रु॒गा॒य॒स्य॑ जू॒तिं॒ वृ॒था॒ क्री॒ळ॒न्तं॑ मि॒म॒ते॒ न॒ गा॒वः॑ ।
- 9.097.09c प॒री॒ण॒सं॑ कृ॒णु॒ते॒ ति॒ग्म॑शृ॒ङ्गो॒ दि॒वा॒ ह॒रि॒र्द॒दृ॒शे॑ न॒क्त॑मृ॒ज्रः ॥
- 9.097.10a इ॒न्दु॒र्वा॒जी॑ प॒व॒ते॒ गो॒न्यो॑घा॒ इ॒न्द्रे॒ सो॒मः॒ सह॑ इ॒न्व॒न्म॒दा॒य॑ ।
- 9.097.10c ह॒न्ति॒ र॒क्षो॑ बा॒ध॒ते॒ पर्य॑रा॒ती॒र्व॒रि॒वः॑ कृ॒ण॒व॒न्वृ॒ज॒न॒स्य॑ रा॒जा ॥
- 9.097.11a अ॒ध॒ धा॒र॒या॒ म॒ध्वा॑ पृ॒चा॒न॒स्ति॒रो॒ रो॒म॑ प॒व॒ते॒ अ॒द्रि॒दु॒ग्धः॑ ।
- 9.097.11c इ॒न्दु॒रि॒न्द्र॒स्य॑ स॒ख्यं॒ जु॒षा॒णो॑ दे॒वो॒ दे॒व॒स्य॑ म॒त्स॒रो॒ म॒दा॒य॑ ॥
- 9.097.12a अ॒भि॒ प्रि॒या॒णि॑ प॒व॒ते॒ पु॒ना॒नो॑ दे॒वो॒ दे॒वा॒न्स्वे॒न॒ र॒से॒न॑ पृ॒ञ्च॒न् ।
- 9.097.12c इ॒न्दु॒र्ध॒र्मा॑ण्यृ॒तु॒था॒ व॒सा॒नो॑ द॒श॒ क्षि॒पो॑ अ॒व्य॒त॒ सा॒नो॑ अ॒व्ये॑ ॥
- 9.097.13a वृ॒षा॒ शो॒णो॑ अ॒भि॒क॒नि॒क्र॒द॒द्वा॒ न॒द॒य॒न्ने॒ति॑ पृ॒थि॒वी॒मु॒त॒ द्या॒म् ।

- 9.097.13c इन्द्रस्येव वसुरा शृण्व आजौ प्रचेतयन्नर्षति वाचमेमाम् ॥
- 9.097.14a रसाय्यः पयसा पिन्वमान ईरयन्नेषि मधुमन्तमंशुम् ।
- 9.097.14c पवमानः संतनिमेषि कृण्वन्निन्द्राय सोम परिषिच्यमानः ॥
- 9.097.15a एवा पवस्व मदिरो मदायोदग्राभस्य नमयन्वधस्त्रैः ।
- 9.097.15c परि वर्णं भरमाणो रुशन्तं गव्युर्नो अर्ष परि सोम सिक्तः ॥
- 9.097.16a जुष्ट्वी न इन्दो सुपथा सुगान्युरौ पवस्व वरिवांसि कृण्वन् ।
- 9.097.16c घनेव विष्वग्दुरितानि विघ्नन्नधि ष्णुना धन्व सानो अव्ये ॥
- 9.097.17a वृष्टिं नो अर्ष दिव्यां जिगत्तुमिळावतीं शंगयीं जीरदानुम् ।
- 9.097.17c स्तुकेव वीता धन्वा विचिन्वन्बन्धूरिमाँ अवरौ इन्दो वायून् ॥
- 9.097.18a ग्रन्थिं न वि ष्य ग्रथितं पुनान ऋजुं च गातुं वृजिनं च सोम ।
- 9.097.18c अत्यो न क्रदो हरिरा सृजानो मर्यो देव धन्व पस्त्यावान् ॥
- 9.097.19a जुष्टो मदाय देवतात इन्दो परि ष्णुना धन्व सानो अव्ये ।
- 9.097.19c सहस्रधारः सुरभिरदब्धः परि स्रव वाजसातौ नृषह्ये ॥
- 9.097.20a अरश्मानो येऽरथा अयुक्ता अत्यासो न ससृजानास आजौ ।
- 9.097.20c एते शुक्रासो धन्वन्ति सोमा देवासस्ताँ उप याता पिबध्यै ॥
- 9.097.21a एवा न इन्दो अभि देववीतिं परि स्रव नभो अर्णश्चमूषु ।
- 9.097.21c सोमो अस्मभ्यं काम्यं बृहन्तं रयिं ददातु वीरवन्तमुग्रम् ॥
- 9.097.22a तद्दद्यदी मनसो वेनतो वाग्ज्येष्ठस्य वा धर्मणि क्षोरनीके ।

- 9.097.22c आदी॑माय॒न्वर॑मा वाव॒शाना॑ जुष्टं॒ पतिं॑ क॒लशे॑ गाव॒ इन्दु॑म् ॥
- 9.097.23a प्र दानु॑दो दि॒व्यो दानु॑पि॒न्व ऋ॒तमृ॒ताय॑ पवते सु॒मेधाः॑ ।
- 9.097.23c धर्मा॑ भुव॒दृज॒न्यस्य॑ राजा प्र र॒श्मिभि॑र्दशभि॒र्भारि॑ भूम ॥
- 9.097.24a पवि॑त्रेभिः पव॒मानो॑ नृ॒चक्षा॑ राजा दे॒वानामु॑त म॒र्त्याना॑म् ।
- 9.097.24c द्वि॒ता भुव॑द्रयि॒पती॑ रयी॒णामृ॒तं भ॒रत्सु॑भृ॒तं चा॒र्विन्दुः॑ ॥
- 9.097.25a अर्वा॑ इव श्रव॒से सा॒तिम॑च्छेन्द्र॒स्य वा॒योरभि॑ वी॒तिम॑र्ष ।
- 9.097.25c स नः॑ सह॒स्रा बृ॒हती॑रिषो दा भवा॒ सोम॑ द्रवि॒णोवि॑त्पु॒नानः॑ ॥
- 9.097.26a दे॒वाव्यो॑ नः परि॒षिच्य॑मानाः क्षयं॒ सुवी॑रं ध॒न्वन्तु॑ सोमाः ।
- 9.097.26c आ॒यज्य॑वः सु॒मतिं॑ वि॒श्ववारा॑ हो॒तारो॑ न दि॒विय॑जो म॒न्द्रत॑माः ॥
- 9.097.27a ए॒वा दे॒व दे॒वता॑ते पव॒स्व महे॑ सोम॒ प्सर॑से दे॒वपा॑नः ।
- 9.097.27c मह॑श्चि॒द्धि ष्मसि॑ हि॒ताः स॒मर्ये॑ कृ॒धि सु॑ष्ठाने रो॒दसी॑ पु॒नानः॑ ॥
- 9.097.28a अ॒श्वो नो॑ क्र॒दो वृ॑ष॒भिर्यु॑जानः सि॒ंहो न॑ भी॒मो म॒नसो॑ ज॒वीयान्॑ ।
- 9.097.28c अ॒र्वाची॑नैः प॒थिभि॑र्ये॒ रजि॑ष्ठा आ पव॒स्व सौ॑म॒नसं॑ न इ॒न्दो ॥
- 9.097.29a श॒तं धारा॑ दे॒वजा॑ता अ॒सृग्र॑न्सह॒स्रमे॑नाः क॒वयो॑ मृ॒जन्ति॑ ।
- 9.097.29c इ॒न्दो स॒नित्रं॑ दि॒व आ॑ पव॒स्व पु॒रए॑तासि॒ मह॑तो ध॒नस्य॑ ॥
- 9.097.30a दि॒वो न॑ सर्गा॒ अस॑सृ॒ग्रम॑ह्नां राजा न मि॒त्रं प्र॑ मि॒नाति॑ धी॒रः ।
- 9.097.30c पि॒तुर्न॑ पु॒त्रः क्र॑तु॒भिर्य॑तान आ पव॒स्व वि॒शे अ॒स्या अ॒जीति॑म् ॥
- 9.097.31a प्र ते॑ धारा॒ मधु॑मती॒रसृ॑ग्र॒न्वारान्य॑त्पू॒तो अ॒त्येष्य॑व्यान् ।

- 9.097.31c पव॑मान॒ पव॑से॒ धाम॒ गोनां॑ ज॒ज्ञानः॑ सूर्य॑मपिन्वो अ॒र्कैः॑ ॥
- 9.097.32a कनि॑क्र॒द॒दनु॑ पन्थामृ॒तस्य॑ शु॒क्रो वि॑ भास्यमृ॒तस्य॑ धाम॒ ।
- 9.097.32c स इन्द्रा॑य पव॑से मत्सर॒वान्हि॑न्वानो वाचं॒ मति॑भिः कवी॒नाम् ॥
- 9.097.33a दि॒व्यः सु॑पर्णोऽव च॒क्षि सोम॑ पिन्वन्धाराः कर्म॑णा दे॒ववी॑तौ ।
- 9.097.33c ए॒न्दो वि॑श क॒लशं॑ सोम॒धानं॑ क्रन्द॒न्निहि॑ सूर्य॒स्योप॑ र॒श्मिम् ॥
- 9.097.34a तिस्रो॑ वाच॒ ईर॑यति प्र वह्नि॒र्ऋत॑स्य धीतिं॒ ब्रह्म॑णो मनी॒षाम् ।
- 9.097.34c गावो॑ यन्ति गोपतिं॒ पृच्छ॑मानाः सोमं॒ यन्ति॑ मतयो॒ वावशा॑नाः ॥
- 9.097.35a सोमं॑ गावो॒ धेनवो॑ वावशा॒नाः सोमं॑ वि॒प्रा म॑तिभिः पृच्छ॒मानाः॑ ।
- 9.097.35c सोमः॑ सु॒तः पू॑यते अ॒ज्यमा॑नः सोमे॒ अर्का॑स्त्रिष्टु॒भः सं न॑वन्ते ॥
- 9.097.36a ए॒वा नः॑ सोम॒ परि॑षिच्यमान॒ आ प॑वस्व पू॒यमा॑नः स्व॒स्ति ।
- 9.097.36c इन्द्र॑मा वि॒श बृ॒हता॑ रवेण॒ वर्ध॑या वाचं॒ जन॑या पु॒रंधि॑म् ॥
- 9.097.37a आ जा॑गृविर्वि॒प्र ऋ॒ता म॑तीनां सोमः पु॒नानो॑ असद॒च्चमू॑षु ।
- 9.097.37c स॒पन्ति॑ यं मिथु॒नासो॑ निका॒मा अध्व॑र्यवो रथि॒रासः॑ सु॒हस्ताः॑ ॥
- 9.097.38a स पु॒नान॑ उप॒सूरे॑ न धातो॒भे अप्रा॑ रोद॒सी वि॑ ष आ॒वः ।
- 9.097.38c प्रि॒या चि॒द्यस्य॑ प्रि॒यसा॑स ऊ॒ती स॒ तू ध॑नं॒ कारि॑णे न प्र॒यंस॑त् ॥
- 9.097.39a स वर्धि॑ता वर्ध॒नः पू॑यमानः सोमो॒ मीढ्वाँ॑ अ॒भि नो॑ ज्योतिषावीत् ।
- 9.097.39c येना॑ नः पूर्वे॒ पितरः॑ पद॒ज्ञाः स्व॑र्विदो अ॒भि गा॑ अ॒द्रिमु॑ष्णन् ॥
- 9.097.40a अ॒क्रान्॑समु॒द्रः प्र॑थमे वि॒धर्म॑ञ्जनयन्प्रजा॒ भुवन॑स्य राजा ।

- 9.097.40c वृषा॑ पवि॒त्रे अ॒धि सा॒नो अ॒व्ये बृ॒हत्सो॑मो॒ वावृ॑धे सु॒वान् इ॒न्दुः ॥
- 9.097.41a मह॑त्तत्सोमो॒ महि॑षश्चकारापां॒ यद्भो॑ऽवृणीत॒ देवान् ।
- 9.097.41c अ॒द॒धादि॑न्द्रे॒ पव॑मान॒ अ॒जोऽ॒जन॑यत्सूर्ये॒ ज्योति॑रिन्दुः ॥
- 9.097.42a म॒त्सि वा॒युमि॑ष्टये॒ राध॑से च॒ मत्सि॑ मि॒त्रावरु॑णा पू॒यमा॑नः ।
- 9.097.42c म॒त्सि श॒र्षो॒ मारु॑तं॒ मत्सि॑ दे॒वान्मत्सि॑ द्यावा॒पृथि॑वी दे॒व सोम॑ ॥
- 9.097.43a ऋ॒जुः प॑वस्व वृ॒जिन॑स्य॒ हन्ता॑पामीवां॒ बाध॑मानो मृ॒धश्च ।
- 9.097.43c अ॒भि॒श्री॒णन्प॑यः॒ पय॑साभि॒ गोना॑मिन्द्रस्य॒ त्वं तव॑ वयं॒ सखा॑यः ॥
- 9.097.44a म॒ध्वः सू॒दं प॑वस्व॒ वस्व॑ उत्सं॒ वीरं॑ च॒ न आ॑ पवस्वा॒ भगं॑ च ।
- 9.097.44c स्व॒द॒स्वेन्द्रा॑य॒ पव॑मान॒ इन्द्रो॑ रयिं॒ च न॑ आ॒ पव॑स्वा॒ समु॒द्रात् ॥
- 9.097.45a सोमः॑ सु॒तो धा॑रयात्यो॒ न हि॒त्वा सि॒न्धुर्न॑ नि॒म्रम॑भि॒ वाज्य॑क्षाः ।
- 9.097.45c आ॒ योनिं॑ व॒न्यम॑सदत्पु॒नानः॑ स॒मिन्दु॑र्गो॒भिर॑सरत्सम॒द्भिः ॥
- 9.097.46a ए॒ष स्य॑ ते॒ पव॑त॒ इन्द्र॑ सोमश्च॒मूषु॑ धीर॒ उश॑ते॒ तव॑स्वान् ।
- 9.097.46c स्व॒र्च॒क्षा र॑थि॒रः स॒त्यशु॑ष्मः॒ कामो॑ न॒ यो दे॑वयतामस॒र्जि ॥
- 9.097.47a ए॒ष प्र॒त्नेन॑ व॒यसा॑ पु॒नान॑स्तिरो॒ वपा॑सि॒ दुहि॑तुर्द॒धानः॑ ।
- 9.097.47c व॒सानः॑ श॒र्म त्रि॑वरू॒थम॑प्सु॒ होते॑व॒ याति॑ स॒मने॑षु॒ रेभ॑न् ॥
- 9.097.48a नू॒ नस्त्वं॑ र॒थिरो॑ दे॒व सोम॑ परि॒ स्रव॑ च॒म्बोः पू॑यमानः ।
- 9.097.48c अ॒प्सु स्वा॑दि॒ष्टो म॑धुमाँ॒ ऋ॒तावा॑ दे॒वो न॑ यः स॒विता॑ स॒त्यम॑न्मा ॥
- 9.097.49a अ॒भि वा॒युं वी॑त्यर्षा॒ गृणा॑नो॒ऽभि मि॑त्रावरुणा॒ पूय॑मानः ।

- 9.097.49c अ॒भी न॑रं॒ धी॒ज॒व॒नं॑ रथे॒ष्ठा॒म॒भी॒न्द्रं॑ वृष॒णं॑ वज्र॒बा॒हु॒म् ॥
- 9.097.50a अ॒भि व॒स्त्रा॑ सु॒व॒स॒ना॒न्य॒र्षा॒भि॒ धे॒नूः॑ सु॒दु॒घाः॑ पू॒य॒मा॒नः॑ ।
- 9.097.50c अ॒भि च॒न्द्रा॑ भ॒र्त॒वे नो॑ हि॒र॒ण॒या॒भ्य॒श्चा॒त्र॒धि॒नो॑ दे॒व सो॒म ॥
- 9.097.51a अ॒भी नो॑ अ॒र्ष दि॒व्या॑ व॒सू॒न्य॒भि॒ विश्वा॑ पा॒र्था॒वा पू॒य॒मा॒नः॑ ।
- 9.097.51c अ॒भि ये॒न द्र॒वि॒ण॒म॒श्र॒वा॒मा॒भ्या॒र्षे॒यं॑ ज॒म॒द॒ग्नि॒व॒न्नः॑ ॥
- 9.097.52a अ॒या प॒वा प॒व॒स्वै॒ना व॒सू॒नि माँ॑श्च॒त्व इ॒न्द्रो॑ स॒र॒सि॑ प्र॒ ध॒न्व ।
- 9.097.52c ब्र॒ह्म॒श्चि॒द॒त्र वा॒तो न॑ जू॒तः॑ पु॒रु॒मे॒ध॒श्चि॒त्त॒क॒वे न॑रं॒ दा॒त् ॥
- 9.097.53a उ॒त न॑ ए॒ना प॒व॒या प॒व॒स्वा॒धि श्रु॒ते श्र॒वा॒य्य॒स्य॑ ती॒र्थे ।
- 9.097.53c ष॒ष्टिं स॒ह॒स्रा॑ नै॒गु॒तो व॒सू॒नि वृ॒क्षं॑ न॒ प॒क्वं॑ धू॒न॒व॒द्र॒णाय॑ ॥
- 9.097.54a म॒ही॒मे अ॒स्य॑ वृष॒ना॒म शू॒षे माँ॑श्च॒त्वे वा॑ पृ॒श॒ने वा॑ व॒ध॒त्रे ।
- 9.097.54c अ॒स्वा॒प॒य॒न्नि॒गु॒तः॑ स्ने॒ह॒य॒च्चा॒पा॒मि॒त्राँ॑ अ॒पा॒चि॒तो अ॒चे॒तः॑ ॥
- 9.097.55a सं त्री॑ प॒वि॒त्रा॒ वि॒त॒ता॒न्ये॒ष्य॒न्वे॒कं॑ धा॒व॒सि॑ पू॒य॒मा॒नः॑ ।
- 9.097.55c अ॒सि॒ भ॒गो अ॒सि॑ दा॒त्र॒स्य॑ दा॒ता॒सि॑ म॒घ॒वा म॒घ॒व॒द्भ्य॑ इ॒न्द्रो ॥
- 9.097.56a ए॒ष वि॒श्व॒वि॒त्प॒व॒ते म॒नी॒षी॑ सो॒मो वि॒श्व॒स्य॑ भु॒व॒न॒स्य॑ रा॒जा ।
- 9.097.56c द्र॒प्साँ॑ ई॒र॒य॒न्वि॒द॒थे॒ष्वि॒न्दु॒र्वि॑ वा॒र॒म॒व्यं॑ स॒म॒या॒ति॑ या॒ति ॥
- 9.097.57a इ॒न्दुं॑ रि॒ह॒न्ति॑ म॒हि॒षा अ॒द॒ब्धाः॑ प॒दे रे॑भ॒न्ति॑ क॒व॒यो न॑ गृ॒ध्राः॑ ।
- 9.097.57c हि॒न्व॒न्ति॑ धी॒रा द॒श॒भिः॑ क्षि॒पा॒भिः॑ स॒म॒ञ्ज॒ते रू॒प॒म॒पां॑ र॒से॒न ॥
- 9.097.58a त्व॒या व॒यं प॒व॒मा॒ने॒न सो॒म भ॑रे॒ कृ॒तं वि॑ चि॒नु॒या॒म श॑श्वत् ।

9.097.58c तन्नो॑ मि॒त्रो वरु॑णो मा॒मह॒न्ताम॑दि॒तिः सि॒न्धुः पृ॒थि॒वी उ॒त द्यौः ॥

9.098.01a अ॒भि नो॑ वा॒जसा॑त॒मं रयि॑म॒र्ष पुरु॑स्पृ॒हम् ।

9.098.01c इ॒न्दो स॒हस्र॑भ॒र्णसं॑ तु॒विद्यु॑म्रं वि॒भ्वास॑हम् ॥

9.098.02a परि॑ ष्य सु॒वानो॑ अ॒व्ययं॑ रथे॒ न वर्मा॑व्यत ।

9.098.02c इ॒न्दुर॑भि॒ द्रुणा॑ हि॒तो हि॒यानो॑ धा॒राभि॑र॒क्षाः ॥

9.098.03a परि॑ ष्य सु॒वानो॑ अ॒क्षा इ॒न्दुर॑व्ये॒ मद॑च्युतः ।

9.098.03c धा॒रा य ऊ॒र्ध्वो अ॒ध्वरे॑ भ्रा॒जा नै॒ति ग॒व्ययुः॑ ॥

9.098.04a स हि॑ त्वं दे॒व श॑श्व॒ते वसु॑ म॒र्ताय॑ दा॒शुषे॑ ।

9.098.04c इ॒न्दो स॒हस्रि॑णं॒ रयिं॑ श॒तात्मा॑नं वि॒वास॑सि ॥

9.098.05a वयं॑ ते अ॒स्य वृ॒त्रह॑न्व॒सो वस्वः॑ पु॒रुस्पृ॑हः ।

9.098.05c नि॒ नेदि॑ष्ठ॒तमा॒ इषः॑ स्या॒म सु॒म॒नस्या॑धि॒गो ॥

9.098.06a द्वि॒र्यं प॒ञ्च स्व॑य॒शसं॑ स्व॒सारो॑ अ॒द्रिसं॑ह॒तम् ।

9.098.06c प्रि॒यमि॑न्द्र॒स्य का॒म्यं प्र॑स्ना॒पय॑न्त्यूर्मि॒णम् ॥

9.098.07a परि॑ त्यं ह॒र्यतं॑ ह॒रिं ब॒भ्रुं पु॑न॒न्ति वा॑रेण ।

9.098.07c यो दे॒वान्नि॑श्वाँ इ॒त्परि॑ म॒देन॑ स॒ह ग॑च्छति ॥

9.098.08a अ॒स्य वो॑ ह्य॒वसा॑ पा॒न्तो द॑क्षसा॒धनम्॑ ।

9.098.08c यः सू॒रिषु॑ श्र॒वो बृ॒हद्द॑धे॒ स्वर्णं॑ ह॒र्यतः॑ ॥

- 9.098.09a स वां यज्ञेषु मानवी इन्दुर्जनिष्ट रोदसी ।
- 9.098.09c देवो देवी गिरिष्ठा अस्त्रेधन्तं तुविष्वणि ॥
- 9.098.10a इन्द्राय सोम पातवे वृत्रघ्ने परि षिच्यसे ।
- 9.098.10c नरे च दक्षिणावते देवाय सदनासदे ॥
- 9.098.11a ते प्रत्नासो व्युष्टिषु सोमाः पवित्रे अक्षरन् ।
- 9.098.11c अप्रोथन्तः सनुतर्हुरश्चितः प्रातस्ताँ अप्रचेतसः ॥
- 9.098.12a तं सखायः पुरोरुचं यूयं वयं च सूरयः ।
- 9.098.12c अश्याम वाजगन्ध्यं सनेम वाजपस्त्यम् ॥
- 9.099.01a आ हर्यताय धृष्णावे धनुस्तन्वन्ति पौंस्यम् ।
- 9.099.01c शुक्रां वयन्त्यसुराय निर्णिजं विपामग्रे महीयुवः ॥
- 9.099.02a अध क्षपा परिष्कृतो वाजाँ अभि प्र गाहते ।
- 9.099.02c यदी विवस्वतो धियो हरिं हिन्वन्ति यातवे ॥
- 9.099.03a तमस्य मर्जयामसि मदो य इन्द्रपातमः ।
- 9.099.03c यं गाव आसभिर्दधुः पुरा नूनं च सूरयः ॥
- 9.099.04a तं गाथया पुराणया पुनानमभ्यनूषत ।
- 9.099.04c उतो कृपन्त धीतयो देवानां नाम बिभ्रतीः ॥
- 9.099.05a तमुत्तमाणमव्यये वारे पुनन्ति धर्णासिम् ।

- 9.099.05c दू॒तं न॒ पूर्॒व॒चि॒त्तय॑ आ॒ शा॒स॒ते म॒नी॒षि॒णः॑ ॥
- 9.099.06a स पु॒ना॒नो म॒दि॒न्त॒मः॑ सो॒मश्च॑मू॒षु सी॒दति॑ ।
- 9.099.06c प॒शौ न॒ रेत॑ आ॒द॒धत्प॑ति॒र्वच॑स्यते धि॒यः॑ ॥
- 9.099.07a स मृ॒ज्यते॑ सु॒क॒र्मा॒भिर्दे॒वो दे॒वेभ्यः॑ सु॒तः॑ ।
- 9.099.07c वि॒दे यदा॑सु सं॒दि॒र्म॒ही॒रपो॑ वि गा॒हते॑ ॥
- 9.099.08a सु॒त इ॒न्दो प॒वि॒त्र आ॒ नृ॒भि॒र्यतो॑ वि नी॒यसे॑ ।
- 9.099.08c इ॒न्द्राय॑ मत्स॒रि॒न्त॒मश्च॑मू॒ष्वा नि॑ षी॒दसि॑ ॥
- 9.100.01a अ॒भी न॒वन्ते॑ अ॒द्रु॒हः प्रि॒यमि॒न्द्रस्य॑ का॒म्यम् ।
- 9.100.01c वत्सं॑ न पूर्॒व आ॒यु॒नि जा॒तं रि॒हन्ति॑ मा॒तरः॑ ॥
- 9.100.02a पु॒ना॒न इ॒न्द॒वा भर॑ सो॒म द्वि॒र्ब॒र्हसं॑ रयि॒म् ।
- 9.100.02c त्वं व॒सूनि॑ पु॒ष्यसि॑ वि॒श्वानि॑ दा॒शुषो॑ गृ॒हे ॥
- 9.100.03a त्वं धि॒यं म॒नो॒युजं॑ सृ॒जा वृ॒ष्टिं न॑ त॒न्यतुः॑ ।
- 9.100.03c त्वं व॒सूनि॑ पा॒र्थि॒वा दि॒व्या च॑ सो॒म पु॒ष्यसि॑ ॥
- 9.100.04a परि॑ ते जि॒ग्युषो॑ यथा॒ धारा॑ सु॒तस्य॑ धावति ।
- 9.100.04c रं॒ह॒मा॒णा व्य॑श्व्ययं वारं वा॒जीव॑ सान॒सिः॑ ॥
- 9.100.05a ऋ॒त्वे द॒क्षाय॑ नः क॒वे प॒वस्व॑ सो॒म धा॒रया॑ ।
- 9.100.05c इ॒न्द्राय॑ पा॒त॒वे सु॒तो मि॒त्राय॑ वरु॒णाय॑ च ॥

- 9.100.06a पवस्व वाजसातमः पवित्रे धारया सुतः ।
- 9.100.06c इन्द्राय सोम विष्णवे देवेभ्यो मधुमत्तमः ॥
- 9.100.07a त्वां रिहन्ति मातरो हरिं पवित्रे अद्रुहः ।
- 9.100.07c वत्सं जातं न धेनवः पवमान विधर्मणि ॥
- 9.100.08a पवमान महि श्रवश्चित्रेभिर्यासि रश्मिभिः ।
- 9.100.08c शर्धन्तमांसि जिघ्रसे विश्वानि दाशुषो गृहे ॥
- 9.100.09a त्वं द्यां च महिव्रत पृथिवीं चाति जन्निषे ।
- 9.100.09c प्रति द्रापिममुञ्चथाः पवमान महित्वना ॥
- 9.101.01a पुरोजिती वो अन्धसः सुताय मादयित्वे ।
- 9.101.01c अप श्वानं श्रथिष्टन सखायो दीर्घजिह्वयम् ॥
- 9.101.02a यो धारया पावकया परिप्रस्यन्दते सुतः ।
- 9.101.02c इन्दुरश्वो न कृत्व्यः ॥
- 9.101.03a तं दुरोषमभी नरः सोमं विश्वाच्या धिया ।
- 9.101.03c यज्ञं हिन्वन्त्यद्रिभिः ॥
- 9.101.04a सुतासो मधुमत्तमाः सोमा इन्द्राय मन्दिनः ।
- 9.101.04c पवित्रवन्तो अक्षरन्देवान्गच्छन्तु वो मदाः ॥
- 9.101.05a इन्दुरिन्द्राय पवत इति देवासो अब्रुवन् ।

- 9.101.05c वाचस्पतिर्मखस्यते विश्वस्येशान ओजसा ॥
- 9.101.06a सहस्रधारः पवते समुद्रो वाचमीङ्ख्यः ।
- 9.101.06c सोमः पती रयीणां सखेन्द्रस्य दिवेदिवे ॥
- 9.101.07a अयं पूषा रयिर्भगः सोमः पुनानो अर्षति ।
- 9.101.07c पतिर्विश्वस्य भूमनो व्यख्यद्रोदसी उभे ॥
- 9.101.08a समु प्रिया अनूषत गावो मदाय घृष्वयः ।
- 9.101.08c सोमासः कृणवते पथः पवमानास इन्द्रवः ॥
- 9.101.09a य ओजिष्ठस्तमा भर पवमान श्रवाय्यम् ।
- 9.101.09c यः पञ्च चर्षणीरभि रयिं येन वनामहै ॥
- 9.101.10a सोमाः पवन्त इन्द्रवोऽस्मभ्यं गातुवित्तमाः ।
- 9.101.10c मित्राः सुवाना अरेपसः स्वाध्यः स्वर्विदः ॥
- 9.101.11a सुष्वाणासो व्यद्रिभिश्चिताना गोरधि त्वचि ।
- 9.101.11c इषमस्मभ्यमभितः समस्वरन्वसुविदः ॥
- 9.101.12a एते पूता विपश्चितः सोमासो दध्याशिरः ।
- 9.101.12c सूर्यासो न दर्शतासो जिगत्नवो ध्रुवा घृते ॥
- 9.101.13a प्र सुन्वानस्यान्धसो मर्तो न वृत तद्वचः ।
- 9.101.13c अप श्वानमराधसं हता मखं न भृगवः ॥
- 9.101.14a आ जामिरत्के अव्यत भुजे न पुत्र ओण्योः ।

- 9.101.14c सर॑ज्जारो॒ न यो॑षणां॒ वरो॒ न यो॑निमा॒सद॑म् ॥
- 9.101.15a स॒ वी॒रो द॑क्षसा॒धनो॒ वि य॑स्तस्त॒म्भ रो॑दसी ।
- 9.101.15c हरिः॑ पवि॒त्रे अ॒व्यत॑ वे॒धा न यो॑निमा॒सद॑म् ॥
- 9.101.16a अ॒व्यो वा॑रेभिः॒ पव॑ते सो॒मो ग॒व्ये अ॒धि त्व॑चि ।
- 9.101.16c क॒निक्र॑द॒दृषा॒ हरि॑रिन्द्र॒स्याभ्ये॑ति निष्कृ॒तम् ॥
- 9.102.01a क्रा॒णा शि॑शुर्म॒हीनां॑ हि॒न्वन्नृ॑तस्य॒ दीधि॑तिम् ।
- 9.102.01c विश्वा॑ परि॒ प्रिया॑ भुव॒दध॑ द्वि॒ता ॥
- 9.102.02a उप॑ त्रि॒तस्य॑ पा॒ष्योऽश्र॑भक्त॒ यद्गु॑हा॒ पद॑म् ।
- 9.102.02c यज्ञ॑स्य॒ सप्त॑ धाम॒भिर॑ध॒ प्रिय॑म् ॥
- 9.102.03a त्री॑णि॒ त्रि॒तस्य॑ धार॒या पृ॑ष्ठे॒ष्वेर॑या॒ रयि॑म् ।
- 9.102.03c मि॒मी॒ते अ॒स्य यो॑जना॒ वि सु॑क्र॒तुः ॥
- 9.102.04a ज॒ज्ञानं॑ सप्त॒ मात॑रो॒ वेधा॑मशा॒सत॑ श्रि॒ये ।
- 9.102.04c अ॒यं ध्रु॑वो॒ रयी॑णां॒ चिके॑त॒ यत् ॥
- 9.102.05a अ॒स्य व्र॑ते॒ सजो॑षसो॒ विश्वे॑ दे॒वासो॑ अ॒द्रुहः॑ ।
- 9.102.05c स्पा॒र्हा भ॑वन्ति॒ रन्त॑यो॒ जुष॑न्त॒ यत् ॥
- 9.102.06a यमी॑ गर्भ॒मृता॑वृ॒धो दृ॒शे चा॑रुम॒जीज॑नन् ।
- 9.102.06c क॒विं मं॑हिष्ठ॒मध्व॑रे॒ पुरु॑स्पृ॒हम् ॥

9.102.07a समीचीने॑ अ॒भि॒ त्मना॑ य॒ह्वी ऋ॒तस्य॑ मा॒तरा॑ ।

9.102.07c त॒न्वाना॑ य॒ज्ञमा॒नुष॑ग्यद॒ञ्जते॑ ॥

9.102.08a क्र॒त्वा शु॒क्रेभि॑र॒क्षभि॑र्ऋ॒णोर॑प॒ व्रजं॑ दि॒वः ।

9.102.08c हि॒न्वन्नृ॑तस्य॒ दीधि॑तिं प्रा॒ध्वरे॑ ॥

9.103.01a प्र पु॒नाना॑य वे॒धसे॑ सो॒माय॑ व॒च उ॒द्यत॑म् ।

9.103.01c भृ॒तिं न भ॑रा म॒तिभि॒र्जुजो॑षते ॥

9.103.02a परि॑ वा॒राण्य॑व्यया गो॒भि॒रञ्जानो॑ अ॒र्षति॑ ।

9.103.02c त्री॑ ष॒धस्था॑ पु॒नानः॑ कृ॒णुते॑ ह॒रिः ॥

9.103.03a परि॑ को॒शं म॒धुश्चु॑तम॒व्यये॑ वा॒रे अ॒र्षति॑ ।

9.103.03c अ॒भि वा॑णी॒र्ऋषी॑णां स॒प्त नू॑षत ॥

9.103.04a परि॑ गो॒ता म॒तीनां॑ वि॒श्वदे॑वो अ॒दाभ्यः॑ ।

9.103.04c सोमः॑ पु॒नान॑श्च॒म्बोर्वि॑श॒द्धरिः॑ ॥

9.103.05a परि॑ दै॒वीर॑नु॒ स्वधा॑ इ॒न्द्रेण॑ या॒हि स॒रथ॑म् ।

9.103.05c पु॒नानो॑ वा॒घद्वा॒घद्भि॑रम॒र्त्यः ॥

9.103.06a परि॑ स॒प्तिर्न॑ वा॒जयु॑र्दे॒वो दे॒वेभ्यः॑ सु॒तः ।

9.103.06c व्या॒नशिः॑ प॒वमानो॑ वि॒ धाव॑ति ॥

- 9.104.01a सखाय॑ आ॒ नि॒ षी॑दत पु॒ना॒नाय॑ प्र॒ गा॒यत॑ ।
- 9.104.01c शिशुं॑ न॒ यज्ञैः॑ परि॒ भूष॑त श्रि॒ये ॥
- 9.104.02a समी॑ वत्सं॒ न मा॒तृभिः॑ सृ॒जता॑ ग॒यसा॑धनम् ।
- 9.104.02c दे॒वाव्यं॑श् म॒दम॑भि द्वि॒शव॑सम् ॥
- 9.104.03a पु॒नाता॑ द॒क्षसा॑धनं॒ यथा॑ श॒र्घाय॑ वी॒तये॑ ।
- 9.104.03c यथा॑ मि॒त्राय॑ वरु॒णाय॑ श॒न्तमः॑ ॥
- 9.104.04a अ॒स्मभ्यं॑ त्वा वसु॒विद॑मभि वा॒णीर॑नूषत ।
- 9.104.04c गो॒भिष्टे॑ वर्ण॒मभि॑ वा॒सया॑मसि ॥
- 9.104.05a स नो॑ म॒दानां॑ प॒त इ॒न्दो दे॒वप्स॑रा अ॒सि ।
- 9.104.05c सखे॑व सख्ये॑ गा॒तुवि॑त्तमो भव ॥
- 9.104.06a सने॑मि कृ॒ध्यश्म॑दा र॒क्षसं॑ कं चि॒दत्रि॑णम् ।
- 9.104.06c अ॒पादे॑वं॒ द्वयु॑मंहो॑ यु॒योधि॑ नः ॥

- 9.105.01a तं वः॑ सखा॒यो म॒दाय॑ पु॒ना॒नम॑भि गा॒यत॑ ।
- 9.105.01c शिशुं॑ न॒ यज्ञैः॑ स्व॒दय॑न्त गू॒र्तिभिः॑ ॥
- 9.105.02a सं वत्स॑ इव मा॒तृभि॑रि॒न्दुहि॑न्वानो अ॒ज्यते॑ ।
- 9.105.02c दे॒वावी॑र्मदो॒ मति॑भिः परि॒ष्कृतः॑ ॥
- 9.105.03a अ॒यं द॒क्षाय॑ सा॒धनो॑ऽयं श॒र्घाय॑ वी॒तये॑ ।

- 9.105.03c अ॒यं दे॒वेभ्यो॑ म॒धुम॑त्तमः सु॒तः ॥
- 9.105.04a गो॒मन्न॑ इ॒न्दो अ॒श्वव॑त्सुतः सु॒दत्त॑ ध॒न्व ।
- 9.105.04c शु॒चिं ते॑ व॒र्णम॑धि गो॒षु दी॑धरम् ॥
- 9.105.05a स नो॑ ह॒रीणां॑ प॒त इ॒न्दो दे॒वप्सर॑स्तमः ।
- 9.105.05c स॒खेव॑ स॒ख्ये न॑र्यो॒ रुचे॑ भ॒व ॥
- 9.105.06a स॒नेमि॑ त्व॒मस्म॑दाँ अ॒देवं॑ कं चि॒दत्रि॑णम् ।
- 9.105.06c सा॒ह्वँ इ॒न्दो परि॑ बा॒धो अ॒प द्व॑युम् ॥
- 9.106.01a इ॒न्द्रम॑च्छ सु॒ता इ॒मे वृ॑षणं॒ यन्तु॑ ह॒रयः॑ ।
- 9.106.01c श्रु॒ष्टी जा॑तास इ॒न्दवः॑ स्व॒र्विदः॑ ॥
- 9.106.02a अ॒यं भ॑राय॒ सान॑सि॒रिन्द्रा॑य प॒वते॑ सु॒तः ।
- 9.106.02c सो॒मो जै॑त्रस्य॒ चेत॑ति॒ यथा॑ वि॒दे ॥
- 9.106.03a अ॒स्येदि॑न्द्रो म॒देष्वा॑ ग्रा॒भं गृ॑भ्णीत॒ सान॑सिम् ।
- 9.106.03c व॒ज्रं च॑ वृ॒षणं॑ भ॒रत्स॑मप्सु॒जित् ॥
- 9.106.04a प्र॒ धन्वा॑ सो॒म जा॑गृ॒विरि॑न्द्रा॒येन्दो॑ परि॒ स्रव॑ ।
- 9.106.04c द्यु॒मन्तं॑ शु॒ष्ममा॑ भ॒रा स्व॒र्विद॑म् ॥
- 9.106.05a इ॒न्द्राय॑ वृ॒षणं॑ म॒दं प॑वस्व॒ विश्व॑दर्शतः ।
- 9.106.05c स॒हस्र॑यामा॒ पथि॑कृ॒द्विच॑क्षणः ॥

- 9.106.06a अ॒स्मभ्यं॑ गा॒तुवि॑त्त॒मो दे॒वेभ्यो॑ म॒धुम॑त्त॒मः ।
- 9.106.06c स॒हस्रं॑ या॒हि प॒थिभिः॑ क॒निक्र॑दत् ॥
- 9.106.07a प॒वस्व॑ दे॒ववी॑त॒य इ॒न्दो धा॑रा॒भिरो॑ज॒सा ।
- 9.106.07c आ क॒लशं॑ म॒धुमा॑न्सो॒म नः॑ स॒दः ॥
- 9.106.08a तव॑ द्र॒प्सा उ॒दप्रु॑त इ॒न्द्रं म॑दा॒य वा॑वृ॒धुः ।
- 9.106.08c त्वां दे॒वासो॑ अ॒मृता॑य॒ कं प॑पुः ॥
- 9.106.09a आ नः॑ सु॒तास॑ इ॒न्दवः॑ पु॒नाना॑ धा॒वता॑ र॒यिम् ।
- 9.106.09c वृ॒ष्टिद्या॑वो री॒त्यापः॑ स्व॒र्विदः॑ ॥
- 9.106.10a सोमः॑ पु॒नान॑ ऊ॒र्मिणा॑व्यो वारं॑ वि धा॒वति॑ ।
- 9.106.10c अ॒ग्ने वा॑चः प॒वमा॑नः क॒निक्र॑दत् ॥
- 9.106.11a धी॒भिर्हि॑न्वन्ति वा॒जिनं॑ वने॒ क्रीळ॑न्त॒मत्य॑विम् ।
- 9.106.11c अ॒भि त्रि॑पृ॒ष्ठं म॒तयः॑ स॒मस्व॑रन् ॥
- 9.106.12a अ॒सर्जि॑ क॒लशां॑ अ॒भि मी॑ळ्हे स॒प्तिर्न॑ वा॒जयुः॑ ।
- 9.106.12c पु॒नानो॑ वा॒चं ज॒नय॑न्न॒सिष्य॑दत् ॥
- 9.106.13a प॒वते॑ ह॒र्यतो॑ ह॒रिर॑ति ह॒रांसि॑ रं॒ह्या ।
- 9.106.13c अ॒भ्यर्ष॑न्स्तो॒तृभ्यो॑ वी॒रव॑द्य॒शः ॥
- 9.106.14a अ॒या प॒वस्व॑ दे॒वयु॑र्म॒धोर्धा॑रा अ॒सृत्त॑त ।
- 9.106.14c रे॒भन्प॑वि॒त्रं प॒र्येषि॑ विश्व॒तः ॥

- 9.107.01a परीतो॑ षिञ्चता॑ सुतं॑ सोमो॑ य उत्तमं॑ हविः॑ ।
- 9.107.01c दधन्वाँ॑ यो नयो॑ अप्स्व॑श्न्तरा॑ सुषाव॑ सोममद्रिभिः॑ ॥
- 9.107.02a नूनं॑ पुनानोऽविभिः॑ परि॑ स्रवादब्धः॑ सुरभिन्तरः॑ ।
- 9.107.02c सुते॑ चित्त्वाप्सु॑ मदामो॑ अन्धसा॑ श्रीणन्तो॑ गोभिरुत्तरम् ॥
- 9.107.03a परि॑ सुवानश्चक्षसे॑ देवमादनः॑ क्रतुरिन्दुर्विचक्षणः॑ ॥
- 9.107.04a पुनानः॑ सोम॑ धारयापो॑ वसानो॑ अर्षसि॑ ।
- 9.107.04c आ रत्नधा॑ योनिमृतस्य॑ सीदस्युत्सो॑ देव॑ हिरण्ययः॑ ॥
- 9.107.05a दुहान॑ ऊर्धर्दिव्यं॑ मधु॑ प्रियं॑ प्रत्नं॑ सधस्थमासदत् ।
- 9.107.05c आपृच्छ्यं॑ धरुणं॑ वाज्यर्षति॑ नृभिर्धूतो॑ विचक्षणः॑ ॥
- 9.107.06a पुनानः॑ सोम॑ जागृविरव्यो॑ वारे॑ परि॑ प्रियः॑ ।
- 9.107.06c त्वं विप्रो॑ अभवोऽङ्गिरस्तमो॑ मध्वा॑ यज्ञं॑ मिमिक्ष॑ नः ॥
- 9.107.07a सोमो॑ मीढ्वान्पवते॑ गातुवित्तम॑ ऋषिर्विप्रो॑ विचक्षणः॑ ।
- 9.107.07c त्वं कविरभवो॑ देववीतम॑ आ सूर्यं॑ रोहयो॑ दिवि ॥
- 9.107.08a सोम॑ उ षुवाणः॑ सोतृभिरधि॑ ष्णुभिरवीनाम् ।
- 9.107.08c अश्वयेव॑ हरिता॑ याति॑ धारया॑ मन्द्रया॑ याति॑ धारया ॥
- 9.107.09a अनूपे॑ गोमान्गोभिरक्षाः॑ सोमो॑ दुग्धाभिरक्षाः॑ ।
- 9.107.09c समुद्रं॑ न संवरणान्यग्मन्मन्दी॑ मदाय॑ तोशते ॥

- 9.107.10a आ सोम सुवानो अद्रिभिस्तिरो वाराण्यव्यया ।
- 9.107.10c जनो न पुरि चम्बोर्विशद्धरिः सदो वनेषु दधिषे ॥
- 9.107.11a स मामृजे तिरो अण्वानि मेष्यो मीळ्हे सप्तिर्न वाजयुः ।
- 9.107.11c अनुमाद्यः पवमानो मनीषिभिः सोमो विप्रेभिर्ऋक्वभिः ॥
- 9.107.12a प्र सोम देववीतये सिन्धुर्न पिप्ये अर्णासा ।
- 9.107.12c अंशोः पयसा मदिरो न जागृविरच्छा कोशं मधुश्चुतम् ॥
- 9.107.13a आ हर्यतो अजुने अत्के अव्यत प्रियः सूनुर्न मर्ज्यः ।
- 9.107.13c तमीं हिन्वन्त्यपसो यथा रथं नदीष्वा गभस्त्योः ॥
- 9.107.14a अभि सोमास आयवः पवन्ते मद्यं मदम् ।
- 9.107.14c समुद्रस्याधि विष्टपि मनीषिणो मत्सरासः स्वर्विदः ॥
- 9.107.15a तरत्समुद्रं पवमान ऊर्मिणा राजा देव ऋतं बृहत् ।
- 9.107.15c अर्षन्मित्रस्य वरुणस्य धर्मणा प्र हिन्वान ऋतं बृहत् ॥
- 9.107.16a नृभिर्येमानो हर्यतो विचक्षणो राजा देवः समुद्रियः ॥
- 9.107.17a इन्द्राय पवते मदः सोमो मरुत्वते सुतः ।
- 9.107.17c सहस्रधारो अत्यव्यमर्षति तमी मृजन्त्यायवः ॥
- 9.107.18a पुनानश्चमू जनयन्मतिं कविः सोमो देवेषु रण्यति ।
- 9.107.18c अपो वसानः परि गोभिरुत्तरः सीदन्वनेष्वव्यत ॥
- 9.107.19a तवाहं सोम रारण सख्य इन्दो दिवेदिवे ।

- 9.107.19c पुरूणि॑ बभ्रो॑ नि चरन्ति॑ मामव॑ परिधी॑रति ताँ॑ इहि॑ ॥
- 9.107.20a उताहं॑ नक्तमु॑त सोम॑ ते दिवा॑ सर॒ख्याय॑ बभ्र॑ ऊ॒धनि॑ ।
- 9.107.20c घृणा॑ तपन्त॑मति॒ सूर्य॑ परः॑ शकु॑ना इव॑ प॒प्तिम॑ ॥
- 9.107.21a मृज्य॑मानः॒ सुह॑स्त्य॒ समु॑द्रे वाच॑मिन्वसि॑ ।
- 9.107.21c रयिं॑ पिशङ्गं॑ बहु॒लं पुरु॑स्पृहं॒ पव॑मानाभ्य॑र्षसि॑ ॥
- 9.107.22a मृजा॑नो वारे॒ पव॑मानो अ॒व्यये॑ वृषा॒व चक्र॑दो वने॑ ।
- 9.107.22c दे॒वानां॑ सोम॒ पव॑मान॒ निष्कृ॑तं गो॒भिरञ्जानो॑ अ॒र्षसि॑ ॥
- 9.107.23a पव॑स्व वाज॑सातयेऽभि॒ विश्वा॑नि का॒व्या ।
- 9.107.23c त्वं॑ समु॒द्रं प्रथ॑मो वि॒ धार॑यो दे॒वेभ्यः॑ सोम॒ मत्सरः॑ ॥
- 9.107.24a स तू॑ पव॑स्व परि॒ पार्थि॑वं रजो॒ दिव्या॑ च सोम॒ धर्म॑भिः ।
- 9.107.24c त्वां॑ वि॒प्रासो॑ मति॒भिर्वि॑चक्षण॒ शुभ्रं॑ हि॒न्वन्ति॑ धी॒तिभिः॑ ॥
- 9.107.25a पव॑माना अ॒सृ॒क्षत॑ पवि॒त्रमति॑ धारया॑ ।
- 9.107.25c मरु॑त्वन्तो मत्सरा॑ इन्द्रि॒या हया॑ मे॒धाम॑भि प्रयांसि॑ च ॥
- 9.107.26a अपो॑ वसानः॒ परि॑ कोश॒मर्ष॑तीन्दु॒र्हियानः॑ सोतृ॒भिः ।
- 9.107.26c जन॑यज्ज्योति॒र्मन्द॑ना अ॒वीव॑शद्वाः कृ॒ण्वानो॑ न नि॒र्णिज॑म् ॥
- 9.108.01a पव॑स्व मधु॒मत्त॑म इन्द्रा॒य सोम॑ क्रतु॒वित्त॑मो म॒दः ।
- 9.108.01c महि॑ द्यु॒क्षत॑मो म॒दः ॥

- 9.108.02a यस्य॑ ते पी॒त्वा वृ॒षभो॑ वृ॒षाय॑तेऽस्य॒ पी॒ता स्व॒र्विदः॑ ।
- 9.108.02c स सु॒प्रके॑तो अ॒भ्यक्र॑मीदि॒षोऽच्छा॑ वाजं॒ नैत॑शः ॥
- 9.108.03a त्वं ह्य॑श्ङ्ग॒ दैव्या॑ पव॒मान॑ जनि॒मानि॑ द्यु॒मत्त॑मः ।
- 9.108.03c अ॒मृत॑त्वाय॒ घोष॑यः ॥
- 9.108.04a येना॑ नव॒ग्वो द॒ध्यङ्ङ॑पो॒णुति॑ येन॒ विप्रा॑स आ॒पिरे॑ ।
- 9.108.04c दे॒वानां॑ सु॒म्ने अ॒मृत॑स्य॒ चारु॑णो॒ येन॑ श्रवां॒स्यान॑शुः ॥
- 9.108.05a एष॑ स्य॒ धार॑या सु॒तोऽव्यो॑ वारे॒भिः प॑वते॒ मदि॑न्तमः ।
- 9.108.05c क्री॒ळन्नू॑र्मि॒रपामि॑व ॥
- 9.108.06a य उ॒स्त्रिया॑ अ॒प्या अ॒न्तर॑श्मनो॒ निर्गा॑ अ॒कृन्त॑दोजसा ।
- 9.108.06c अ॒भि ब्र॑जं त॒लिषे॑ ग॒व्यम॑श्व्यं॒ वर्मी॑व धृ॒ष्णावा॑ रुज ॥
- 9.108.07a आ सो॑ता परि॒ षिञ्च॑ताश्वं॒ न स्तो॑मम॒मुरं॑ रज॒स्तुर॑म् ।
- 9.108.07c वन॑क्र॒त्तमु॑दप्रु॒तम् ॥
- 9.108.08a सह॑स्र॒धारं॑ वृ॒षभं॑ पयो॒वृधं॑ प्रि॒यं दे॒वाय॑ जन्म॒ने ।
- 9.108.08c ऋ॒तेन॑ य ऋ॒तजा॑तो वि॒वावृ॑धे॒ राजा॑ दे॒व ऋ॒तं बृ॑हत् ॥
- 9.108.09a अ॒भि द्यु॑म्नं॒ बृह॑द्यश॒ इष॑स्पते॒ दिदी॑हि दे॒व दे॒वयुः॑ ।
- 9.108.09c वि॒ कोशं॑ म॒ध्यमं॑ युव ॥
- 9.108.10a आ व॑च्यस्व सु॒दत्त॑ च॒म्बोः सु॒तो वि॒शां वह्नि॑र्न वि॒शपतिः॑ ।
- 9.108.10c वृ॒ष्टिं दि॒वः प॑वस्व॒ रीति॑मपां॒ जिन्वा॑ गवि॒ष्टये॑ धि॒यः ॥

- 9.108.11a ए॒तमु॒ त्यं॑ म॒द॒च्यु॒तं॑ स॒हस्र॑धा॒रं॑ वृ॒षभं॑ दि॒वो॑ दु॒हुः ।
- 9.108.11c वि॒श्वा॒ वसू॑नि॒ बिभ्र॑तम् ॥
- 9.108.12a वृ॒षा वि॑ ज॒ज्ञे॒ जन॑यन्नम॒र्त्यः॑ प्र॒तप॑ञ्ज्योतिषा॒ तमः॑ ।
- 9.108.12c स॒ सु॒ष्टु॒तः॑ क॒विभि॑र्निर्णि॒र्णजं॑ द॒धे त्रि॑धा॒त्वस्य॑ दंस॒सा ॥
- 9.108.13a स॒ सु॒न्वे॒ यो वसू॑नां॒ यो रा॒यामा॑ने॒ता य॒ इळा॑नाम् ।
- 9.108.13c सो॒मो यः॑ सु॒क्षिती॑नाम् ॥
- 9.108.14a य॒स्य न॑ इन्द्रः॒ पिबा॑द्यस्य॒ मरु॑तो॒ यस्य॑ वा॒र्यम॑णा॒ भगः॑ ।
- 9.108.14c आ॒ येन॑ मि॒त्राव॑रुणा॒ कराम॑ह ए॒न्द्रम॑वसे॒ महे ॥
- 9.108.15a इन्द्रा॑य सोम॒ पात॑वे॒ नृभि॑र्यतः॒ स्वायु॑धो॒ मदि॑न्तमः ।
- 9.108.15c प॒वस्व॑ मधु॒मत्त॑मः ॥
- 9.108.16a इन्द्र॑स्य॒ हार्दि॑ सोम॒धान॑मा॒ विश॑ स॒मुद्र॑मिव॒ सिन्ध॑वः ।
- 9.108.16c जुष्टो॑ मि॒त्राय॑ वरु॒णाय॑ वा॒यवे॑ दि॒वो वि॑ष्टम्भ॒ उत्त॑मः ॥
- 9.109.01a परि॑ प्र॒ धन्वे॑न्द्राय॒ सोम॑ स्वा॒दुर्मि॑त्राय॒ पूष्णे॑ भगाय ॥
- 9.109.02a इन्द्र॑स्ते सोम॒ सुत॑स्य॒ पेयाः॑ क्र॒त्वे द॑त्ताय॒ विश्वे॑ च॒ देवाः॑ ॥
- 9.109.03a ए॒वामृ॑ताय॒ महे॑ क्ष॒याय॑ स॒ शुक्रो॑ अ॒र्ष दि॒व्यः पी॒यूषः॑ ॥
- 9.109.04a प॒वस्व॑ सोम॒ महान्स॑मु॒द्रः पि॒ता दे॒वानां॑ वि॒श्वाभि॑ धाम ॥
- 9.109.05a शु॒क्रः प॒वस्व॑ दे॒वेभ्यः॑ सोम॒ दि॒वे पृ॑थि॒व्यै शं च॑ प्र॒जायै॑ ॥

- 9.109.06a दि॒वो ध॒र्ता॑सि॒ शु॒क्रः पी॒यूषः॑ स॒त्ये वि॒धर्म॑न्वा॒जी प॒वस्व॑ ॥
- 9.109.07a प॒वस्व॑ सो॒म द्यु॒म्नी सु॒धारो॑ म॒हाम॑वी॒नाम॑नु॒ पू॒र्व्यः ॥
- 9.109.08a नृ॒भिर्ये॑मा॒नो ज॒ज्ञानः॑ पू॒तः क्ष॒रद्वि॑श्वानि॒ मन्द्रः॑ स्व॒र्वित् ॥
- 9.109.09a इ॒न्दुः पु॒नानः॑ प्र॒जामु॒राणः॑ क॒रद्वि॑श्वानि॒ द्रवि॑णानि॒ नः ॥
- 9.109.10a प॒वस्व॑ सो॒म क्र॒त्वे द॒क्षाया॑श्चो॒ न नि॒क्तो वा॒जी ध॒नाय॑ ॥
- 9.109.11a तं ते॑ सो॒तारो॑ र॒सं म॒दाय॑ पु॒नन्ति॑ सो॒मं म॒हे द्यु॒म्नाय॑ ॥
- 9.109.12a शि॒शुं ज॒ज्ञानं॑ ह॒रिं मृ॒जन्ति॑ प॒वित्रे॑ सो॒मं दे॒वेभ्य॑ इ॒न्दुम् ॥
- 9.109.13a इ॒न्दुः प॒विष्ट॑ चा॒रुर्म॑दा॒यापा॑मु॒पस्थे॑ क॒विर्भ॑गाय ॥
- 9.109.14a बि॒भर्ति॑ चा॒र्विन्द्र॑स्य॒ नाम॑ ये॒न वि॒श्वानि॑ वृ॒त्रा ज॒घान॑ ॥
- 9.109.15a पि॒बन्त्य॑स्य॒ विश्वे॑ दे॒वासो॑ गो॒भिः श्री॑तस्य॒ नृभिः॑ सु॒तस्य॑ ॥
- 9.109.16a प्र सु॒वानो॑ अ॒क्षाः स॒हस्र॑धा॒रस्ति॒रः प॒वित्रं॑ वि॒ वार॑म॒व्यम् ॥
- 9.109.17a स वा॒ज्यक्षाः॑ स॒हस्र॑रे॒ता अ॒द्भिर्मृ॑जानो॒ गोभिः॑ श्री॒णानः॑ ॥
- 9.109.18a प्र सो॒म या॒हीन्द्र॑स्य॒ कु॒क्षा नृ॒भिर्ये॑मा॒नो अ॒द्रिभिः॑ सु॒तः ॥
- 9.109.19a अ॒सर्जि॑ वा॒जी ति॒रः प॒वित्र॑मिन्द्राय॒ सोमः॑ स॒हस्र॑धा॒रः ॥
- 9.109.20a अ॒ञ्जन्त्ये॑नं॒ मध्वो॑ र॒सेने॑न्द्राय॒ वृष्ण॑ इ॒न्दुं म॒दाय॑ ॥
- 9.109.21a दे॒वेभ्य॑स्त्वा॒ वृथा॑ पा॒जसे॑ऽपो॒ वसानं॑ ह॒रिं मृ॒जन्ति॑ ॥
- 9.109.22a इ॒न्दुरि॑न्द्राय॒ तोश॑ते॒ नि तो॑शते॒ श्रीण॑न्नु॒ग्रो रि॒णन्न॑पः ॥

- 9.110.01a पर्यु॑ षु प्र धन्व॑ वाजसा॑तये परि॑ वृत्राणि॑ स॒क्षणिः॑ ।
- 9.110.01c द्विष॑स्तर॒ध्या ऋ॒णया॑ न ई॒यसे ॥
- 9.110.02a अनु॑ हि त्वा सु॒तं सोम॑ म॒दाम॑सि म॒हे स॒मर्य॑राज्ये ।
- 9.110.02c वाजाँ॑ अ॒भि प॑वमान प्र गा॒हसे ॥
- 9.110.03a अ॒जी॒जनो॑ हि प॒वमान॑ सूर्य॑ वि॒धारे॑ श॒क्मना॑ प॒यः ।
- 9.110.03c गो॒जी॒रया॑ रं॒हमा॑णः पु॒रंध्या ॥
- 9.110.04a अ॒जी॒जनो॑ अ॒मृत॑ म॒र्त्येष्वाँ॑ ऋ॒तस्य॑ ध॒र्मन्न॑मृतस्य चारु॑णः ।
- 9.110.04c सदा॑सरो वाज॒मच्छा॑ स॒निष्य॑दत् ॥
- 9.110.05a अ॒भ्यभि॑ हि श्र॒वसा॑ त॒तर्दि॑थोत्सं न कं चि॒ज्जन॑पानम॒क्षित॑म् ।
- 9.110.05c श॒र्याभि॑र्न भ॒रमाणो॑ ग॒भस्त्योः ॥
- 9.110.06a आ॒दी॒ के चि॒त्पश्य॑मानास॒ आप्यं॑ व॒सुरु॑चो दि॒व्या अ॒भ्यनू॑षत ।
- 9.110.06c वारं॑ न दे॒वः स॒विता॑ व्यू॒णुति ॥
- 9.110.07a त्वे सोम॑ प्रथ॒मा वृ॒क्तब॑र्हिषो म॒हे वाजा॑य श्र॒वसे॑ धि॒यं द॒धुः ।
- 9.110.07c स त्वं॑ नो वी॒र वी॑र्याय चो॒दय ॥
- 9.110.08a दि॒वः पी॒यूषं॑ पू॒र्व्यं यदु॑क्थ्यं म॒हो गा॒हाद्वि॑व आ॒ निर॑धु॒क्षत ॥
- 9.110.08c इन्द्र॑म॒भि जा॑यमानं स॒मस्वर॑न् ॥
- 9.110.09a अ॒ध य॑दि॒मे प॑वमान॒ रोद॑सी इ॒मा च॑ वि॒श्वा भु॑वना॒भि म॑ज्मना ।
- 9.110.09c यू॒थे न नि॒ष्ठा वृ॑षभो वि ति॒ष्ठसे ॥

9.110.10a सोमः पुनानो अव्यये वारे शिशुर्न क्रीळन्पवमानो अक्षाः ।

9.110.10c सहस्रधारः शतवाज इन्दुः ॥

9.110.11a एष पुनानो मधुमाँ ऋतावेन्द्रायेन्दुः पवते स्वादुरूर्मिः ।

9.110.11c वाजसनिर्वरिवोविद्वयोधाः ॥

9.110.12a स पवस्व सहमानः पृतन्यूनसेधत्रक्षांस्यप दुर्गहाणि ।

9.110.12c स्वायुधः सासह्वान्सोम शत्रून् ॥

9.111.01a अया रुचा हरिण्या पुनानो विश्वा द्वेषांसि तरति स्वयुग्वभिः सूरु न स्वयुग्वभिः ।

9.111.01d धारा सुतस्य रोचते पुनानो अरुषो हरिः ।

9.111.01f विश्वा यद्रूपा परियात्यृक्वभिः सप्तास्येभिर्ऋक्वभिः ॥

9.111.02a त्वं त्यत्पणीनां विदो वसु सं मातृभिर्मर्जयसि स्व आ दम ऋतस्य धीतिभिर्दमे ।

9.111.02d परावतो न साम तद्यत्रा रणन्ति धीतयः ।

9.111.02f त्रिधातुभिररुषीभिर्वयो दधे रोचमानो वयो दधे ॥

9.111.03a पूर्वामनु प्रदिशं याति चेकितत्सं रश्मिभिर्यतते दर्शतो रथो दैव्यो दर्शतो रथः ।

9.111.03d अग्मन्नुक्थानि पौंस्येन्द्रं जैत्राय हर्षयन् ।

9.111.03f वज्रश्च यद्भवथो अनपच्युता समत्स्वनपच्युता ॥

9.112.01a नानानं वा उ नो धियो वि व्रतानि जनानाम् ।

- 9.112.01c तद्वा॑ रिष्टं॑ रुतं॑ भिष॒ग्ब्र॒ह्मा सु॒न्वन्त॑मिच्छतीन्द्राये॒न्दो परि॑ स्रव ॥
- 9.112.02a जर॑तीभिरोषधीभिः॑ पर्णे॒भिः शकु॑नानाम् ।
- 9.112.02c कामा॑रो अश्म॒भिर्द्यु॑भिर्हिरण्यवन्तमिच्छतीन्द्राये॒न्दो परि॑ स्रव ॥
- 9.112.03a कारु॑रहं ततो॑ भिष॒गुप॑लप्रक्षिणी॒ नना॑ ।
- 9.112.03c नाना॑धियो वसू॒योऽनु॑ गा इव तस्थि॒मेन्द्रा॑ये॒न्दो परि॑ स्रव ॥
- 9.112.04a अश्वो॑ वोळ्हा॒ सुखं॑ रथं॒ हस॑नामुपमन्त्रिणः ।
- 9.112.04c शेपो॑ रोमणवन्तौ॒ भेदौ॑ वारिन्मण्डूक इच्छतीन्द्राये॒न्दो परि॑ स्रव ॥
- 9.113.01a शर्य॑णावति॒ सोम॑मिन्द्रः॒ पिव॑तु वृत्रहा ।
- 9.113.01c बलं॑ दधान॒ आत्म॑नि करिष्यन्वीर्यं॒ मह॑दिन्द्राये॒न्दो परि॑ स्रव ॥
- 9.113.02a आ प॑वस्व दिशां॒ पत॑ आर्जीकात्सोम मीढ्वः ।
- 9.113.02c ऋत॑वाकेन॒ सत्ये॑न श्रद्धया॒ तप॑सा सु॒त इन्द्रा॑ये॒न्दो परि॑ स्रव ॥
- 9.113.03a पर्जन्य॑वृद्धं॒ महि॑षं तं॒ सूर्य॑स्य दुहिताभरत् ।
- 9.113.03c तं ग॑न्धर्वाः॒ प्रत्य॑गृभ्णन्तं॒ सोमे॑ रसमादधुरिन्द्राये॒न्दो परि॑ स्रव ॥
- 9.113.04a ऋतं॑ वदन्नृतद्युम्न॒ सत्यं॑ वदन्सत्यकर्मन् ।
- 9.113.04c श्रद्धां॑ वदन्सोम॒ राज॑न्धात्रा॒ सोम॑ परिष्कृत इन्द्राये॒न्दो परि॑ स्रव ॥
- 9.113.05a सत्य॑मुग्रस्य बृ॒हतः॑ सं स्रवन्ति संस्रवाः ।
- 9.113.05c सं य॑न्ति र॒सिनो॑ रसाः पु॒नानो॑ ब्रह्मणा॒ हर॑ इन्द्राये॒न्दो परि॑ स्रव ॥

- 9.113.06a यत्र ब्रह्मा पवमान छन्दस्यांश् वाचं वदन् ।
- 9.113.06c ग्राव्या सोमे महीयते सोमेनानन्दं जनयन्निन्द्रायेन्दो परि स्रव ॥
- 9.113.07a यत्र ज्योतिरजस्रं यस्मिँल्लोके स्वर्हितम् ।
- 9.113.07c तस्मिन्मां धेहि पवमानामृते लोके अक्षित इन्द्रायेन्दो परि स्रव ॥
- 9.113.08a यत्र राजा वैवस्वतो यत्रावरोधनं दिवः ।
- 9.113.08c यत्रामूर्यहृतीरापस्तत्र माममृतं कृधीन्द्रायेन्दो परि स्रव ॥
- 9.113.09a यत्रानुकामं चरणं त्रिनाके त्रिदिवे दिवः ।
- 9.113.09c लोका यत्र ज्योतिष्मन्तस्तत्र माममृतं कृधीन्द्रायेन्दो परि स्रव ॥
- 9.113.10a यत्र कामा निकामाश्च यत्र ब्रध्नस्य विष्टपम् ।
- 9.113.10c स्वधा च यत्र तृप्तिश्च तत्र माममृतं कृधीन्द्रायेन्दो परि स्रव ॥
- 9.113.11a यत्रानन्दाश्च मोदाश्च मुदः प्रमुद आसते ।
- 9.113.11c कामस्य यत्राप्ताः कामास्तत्र माममृतं कृधीन्द्रायेन्दो परि स्रव ॥
- 9.114.01a य इन्दोः पवमानस्यानु धामान्यक्रमीत् ।
- 9.114.01c तमाहुः सुप्रजा इति यस्ते सोमाविधन्मन इन्द्रायेन्दो परि स्रव ॥
- 9.114.02a ऋषे मन्त्रकृतां स्तोमैः कश्यपोद्वर्धयन्गिरः ।
- 9.114.02c सोमं नमस्य राजानं यो जज्ञे वीरुधां पतिरिन्द्रायेन्दो परि स्रव ॥
- 9.114.03a सप्त दिशो नानासूर्याः सप्त होतार ऋत्विजः ।

9.114.03c दे॒वा आ॒दि॒त्या ये स॒प्त तेभिः॑ सो॒माभि र॒क्ष न॒ इन्द्रा॑ये॒न्दो परि॑ स्र॒व ॥

9.114.04a यत्ते॑ रा॒जञ्छृ॑तं ह॒विस्तेन॑ सो॒माभि र॒क्ष नः॑ ।

9.114.04c अ॒राती॑वा मा न॒स्तारी॑न्मो च॒ नः किं॑ च॒नाम॑दिन्द्रा॑ये॒न्दो परि॑ स्र॒व ॥

Notes by [Detlef Eichler](mailto:detlefeichler@googlemail.com) (detlefeichler@googlemail.com):

1. Please note that this PDF file is not for commercial use and released only for personal scholarly activity.
2. This Devanāgarī version of Rigveda is from an ITRANS file which I have created on the basis of [The Aufrecht/van Nooten/Holland \(Samhita\) version of the Rigveda.](http://www.people.fas.harvard.edu/~witzel/onlineRV.htm) (<http://www.people.fas.harvard.edu/~witzel/onlineRV.htm>)
3. The font used for the Rigveda text is Ancient Sanskrit 99. For the numbers of Maṇḍala, Sūkta, and Mantra at the beginning of each line (1.001.01a) the font Times New Roman is used.
4. Last updated: 19 May 2010